

ПЕТ҃Ё 1926 ВОСЯНЬ

ЛЭДЗОНЫ: КОМИ ГИЖЫСЬ КОТЫР, ПЕЧАТЬ, ТЕЛЕВІДЕНИЕ ДА РАДІО ПЫР
ЮӮР СЕТАН КОМИ РЕСПУБЛИКАСА КОМИТЕТ

Войывів кодзув



ISSN 0134-4323

БЫД ТӨЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

12
ДЕКАБРЬ (ЁШЫМ)
2004

ТАЙЁ НОМЕРЫН:

Виктор НАПАЛКОВ. Утка туй. Роман	3
Анжелика ЕЛФИМОВА. Кывбуръяс	37
Александра МИШАРИНА. Видза колян, чужанін!	41

ГОЖСЯ УНИВЕРСИТЕТ

Николай ВОЛОДАРСКИЙ. Ньёти пемыдьсь ог пов. Валерий ВЫОХИН. Ми тулыс виччысям. Николай РУБЦОВ. Важиник вёр керка дорын. Ирина ДАНИЛОВА. Кодзув. Эйла КИВИККАКО. Ноктюрн. Комиёдом кывбуръяс	46
---	----

Г.В.БЕЛЯЕВЛЫ — 65

Александр УЛЬЯНОВ. Регыд ёд бара Выль во...	49
Геннадий БЕЛЯЕВ. Кутшомён збыль вылас вёлёма.....	53

ВОЯС ДА ЙЁЗ

Александр ПЕТРУНЕВ. Тёдіс уна, аддзис ылётдз.....	63
---	----

ЧЕЛЯДЛЬЫ

Василий ТОРОПОВ. Кузьпелев, Кузькоков, Шкалик да мукёд. Висьт	69
Коми литератураын каднасъяс	73
Йёзёдома «Войывів кодзув» журналын 2004 воын	77

Обложка вылын снимокыс **Андрей Суворовлён.**
© «Войывів кодзув» («Северная звезда»), 2004 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**КОМИТЕТ РЕСПУБЛИКИ КОМИ ПО ДЕЛАМ
ПЕЧАТИ, ТЕЛЕРАДИОВЕЩАНИЯ И
СРЕДСТВ МАССОВЫХ КОММУНИКАЦИЙ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Геннадий
БЕЛЯЕВ

Зам. гл. редактора

Евгений
КОЗЛОВ

Ответственный
секретарь

Алексей
ПОЛУГРУДОВ

Владимир
ТИМИН

Александр
УЛЬЯНОВ





Виктор НАПАЛКОВ

Утка туй

РОМАН

Мамёлы, Шупчик Иван Насталы,
да кызьёд нэмся мукёд коми аньяслы,
когъяс томсянь колисны гёвяясён,
тёдлесны став тужа-нужасё, но эз
усыны съёлёмнаныс, сиа ассым гижёдёс.

ВОДДЗА ЮКОН

1

ГОЖСЯ РЫТЫС шоныд да лёнь, небыдик чужёмбана, и мелі, быттьё мустём верёсыскöд юксьём том нывбаба. Сідзи и кёсыйс-сё топодлыны да окавны ты берегё пуксысьш шань рытсё. Ылын-ылын, прошви мыгёра вёр-пу йылас, ёшаліс сыв пасьта чим горд шонді. Сы югор улын эзысьён дзирдаліс тыыс помсянь помёдз. Ётар берегыс ныввкёс, кузяла тырёма баддьён да лежнётён, мёда-рыс — крут кыръя, пöрысыысла кок йылас косьмём-пöрласьём пожём-козъяса. Тулыснас, ытва дырий, тыыс ётлаасьлø Эжвакöд. Оні, гожём шорнад, ийтö найёс кокораяса векныдик вис, кыті лыбан сёмын кокныдик пипу пыжён.

Александр Сергеевич — физик-математик, тавосянь пенсионер, вйтасис матёджык вис вомланыыс, кузь эжёр пöлённыс, коні ён-

джақа гыбаліс гырысь чериыс. Тыдало, абу веськалома шедан пöраö: кык лунöн ведра кымын на и кыйис, кельчи да ёкыш медсясö. Абу посни синмайс ботанъясыс да шолызджыкыс жö эсъкө и пысасьё да. Оңтая кыйомыс кертöм на, пуклöс улас, кылö, ва пиас тювъялöны. Бörъя ботансö войтöм бöрын Александр Сергеевич ты шöрланысы сыныштис кык лопта кокни пелыснас,— сэнi и керас öнтая кыйдöссö, köni öвадыс этшаджык берегын серти. Дзоля пипу пыжыд дзибрöс, путкыльтчомыссы и пов. Кöть и лöнь, гысермунлö жö ва веркöсис, лайкнитлö пыжсö, быттьö вöляникись лолыштавлö тыыс. Гöгöр ворсис югыд сьома посни чериыс, дэльöдчис кыйсысылöн син водзын. Пелькиник лотоксö вомöналiс пидзöс весытас и босытчис весавны да солавны кыйдöссö.

Кругладор берегас тыдалiс вöр керкаыс. Ён на, ытва улас оз веськавлы да, во дас сайын на и лэптисны пиыскöд. Пиыс, Василий, велöдчис сэк Ленинградса медицинскöйин, стоматология факультетын. Помалом бöрас Сыктывкарö кольччис, онi асшöръя поликлиникаын врачало. Гöтыра и котыра — нывкаöс быдтöны. Налы гöстинеч пыдди и кийö онi черисö Александр Сергеевич. Батьыс эсъкө ассысö, писсö, виччысис, öтлаын пö кыйсыштам, но кадыс пö абу и волыны арöдзыс оз вермы.

Гашкö, войнас и сирпиян на шедасны. Вöр керкаö узыны пыртöдз öтчыд лэпставилас на ботанъяссö. Финской ботаныд кöть и дзугсысь, абу сьокыд изъя да сюмöд табъя ас кыём кулём кодыд, кокни сыён вöдитчынытö.

Ырkalом шондäйс саялiс шойччыны. Тыыс пемдiс, жугыльмис, дүгдiс веравны, дэбыд ва веркöсас кутiсны ѹоктыны ном чутiкъяс. Веретяяс весьтö öшиис кизьöриник еджыд ру. Эз дышöдчы да, Александр Сергеевич лэптылiс нёльнан ботансö — кыкыс вöлi куш, мöд кыксыыс мездiс некымын ёкыш да куим сирпи. Чöвлöняс гораа кылiс пельс лоптязнас тёльскöдчомыс, и вывлань чатöртчом пыж нырыс зурасис берегö, вöр керка весьтö. Ректiс став коланасö и кыпöдчис кыр йылас. Морöсас öшöдiс волыса радиоприёмниксö, босытiс порт да чайник, и музыка шы улын мургиктыр дыгыдпрысь восьлалис Эжвалань — чöскыд вала. Абу ылын Эжваöдзыс, метра кыксё кымын. Подмёма кок ув ордымыс, шыляммёма, куньса синмён позьё мунны и он сунтшикты. Коркö, зэв нин важён, тайö ордым кузяыс восьлавлiс пöльсис, сэсся батыс. Батьсö оз помнит, нёнясысь кагаён на вöлi, кор сiйöс босытiсны война вылö и бöрсö эз во. А пöльсö вот помнитö, кодi война кусöм бöрас регыд жö нин и кувсис. Вит-ö-квайт арöс вöлi Öльёксанлы, кор пöльсис вайöддiс зонкаös татчöс mestаясас. Пöльсис бакен öзталысыон сэк вöлi, пöпуттöй сёлöдлiс пыжас и гёгаписсö. Узисны тыбокса вöр керкаын, mestаяс тöдчö на сылон, орччон моз и онiя керкаыс.

Сулало син водзас пöльсис: дзор ус-тошкa, дзугсыём дзор юрсия; пöдö, но öтарö гартыштö ас быдтöм табака чигаркасö. Тыдало, Александр Сергеевичон и помасяс налён кёленаян кыйсысы-вöралысыс. Пиыс Сыктывкарын, öдвакö нин коркö овмöдчес чужан сиктас. Нылыс, Агния, пединститутын велöдчигас, нёлльöд курсын, верöс сайё петис, ас кодыс жö студент сайё. Орчча районса вöр лэдзысыяслон посёлокын найö велöдöны. Ни моныыс, ни зяттыс абу комияс. Внук-внучкайс быдмёны, волывлöны вид-

лыны польён да ыдъжыд батьён шуысьясыс, ни ёти коми кыв оз тёдны, рочон варолитёны. Оз таысь дивит ассыс ныв-писо Александр Сергеевич, гёгёрвоо: коми кывлён коланлуныш шонді водзын ва гёп моз ётарё пактало. Видлы комиён гижны, шуам, физика либо математика кузя научной удж — артмас-ё мыйкё? Отись, кор нин ачыс велодіс челядьёс, босытчыліс комиёдавны торъя, а сідзжё чукёра кодзуувъяслыс (созвездиеяслыс) нимъяссо, но весьшёро.

Школын велодчигон Ёльёксанлон медрадейтана предметъясон воліны астрономия, геометрия да физика. Сийё частьясон вермис видзёдны войся югыд кодзуувъяс вылёт, енэжыс кажитчыліс зонкалы помтём-дортём кар-музейон. И карыслон эм пасъкыд, уна бияса медшёр улича, ачыс Енмыс сетлома сылы ним — Млечный путь. Комиён кё, Утка туй. Важ грекъяслон мойд серти, сийё артмылёма йёв войтъясыс, кодъясо прысынитома енэжас аслас нёньясыс Гера нима Ен. Школаса, сёрёнджең и институтса библиотекаис Александр Попвасев босытлывліс эз художествоа литература, а корсъліс сэтшом небогъяс, кысъ позис лыддыны Му пуксьём йылыс, кодзуувъяс да планетаяс йылыс. Енкёла йылыс зэв важся греческой мифъясыс сылы воліны ёна кысканаөсджең любой роман серти. Дерт, сэтшом небогъясыс коминад эз вёвны, но война борын роч кыв пасъкыда кутіс пырны коми челядьён олёмё, дай кокъямысод классянь став предметсо велодисны роч кыв вылын. И верстю, и том йоз лыдисны роч литература, комиён лыддыны пошти нином эз вёв. Ветымын сизимёд воын Александр Попвасев помаліс шёр школа зрелость аттестатын дас «отлично» да сизим «хорошо» отметкаясон.

Овлёны здукъяс, кодъяс морт паметё кольёны нэм кежлас. Торытъясо моз помнито, кыдз школаса директор торжественной рыт вылын, дас сизим арёса зонкалыс кисо топодломён, сетис аттестатсо. Кылсны клопайтёмъяс, велодысьяслон бурсиомъяс. Татшом гажыс Александр Попвасевлон олёмын волі медводдзыась на. Школаса медыдже залын, кузь пызан сайын, мичаа вёччомён пукалисны мато ветымын ныв да зон асланыс велодысьяскёд, и... юисны эз сёмын чай, но и курыйторъяс. Физкультура велодысь, отставкаин майор, кодоц кутшомкю помка вёсна мездомаось военной службы вывсыс, лёсыда ворсіс баянён. Быдён гажёдчис сідз, кыдз кёсийс. Отись сылсны, мёдъяс йёктисны, коймодъяс бордисны. Жаль волі ториодчыны школакод. Водзын — быдёнлон аслас олём, аслас судьба, асшёрья пасъкыд туй вылёт писькодчом.

...Транзисторсянъ пасъкалисны «Школьной вальслон» мича да тёдса шыясыс. Найё и уськодисны Александр Сергеевичлы тёд вылёт школа помалан рытсо. Пуксис туруна кыр йылас, ёзтіс чигарка. Гораммёдис приёмниксо. И со сийё, 10 «б» классыс Александр Попвасев, небыда кутыштö вёсни коскодыс еджыд юрсия нылёс — 10 «а» классыс Альбина Огнёвабос, йёктёны вальс. Войнаодз чужлём ныв-зонмыд волі уна, дасод классаяс велодчисны кык группавын. И сёмын сэк, кор отставкаин майор, гажмис да, эз кут инмавны баянлон колана кизъясо, том йоз петисны Эжва берегё, кёні и сулаліс школаыс.

Июнь 22 лунся войыс, медся дженеъид войясыс ёти, эз и куньлы синъяссо: мыччысис асъя кыа. А шонді петёмссо Александр да Альбина эз казявлыны, найё вальмасисны Попвасевъ-

яслён керкаса ёти жырыйн, пу крёвать весътö зэвтöм шабдi вон-йын. Найё дружитисны ёкмысöд классянь, сэксянь, кор Альбина локтiс Шордiн сиктса тайё школаас. Олiс, кыдзи и бокысь воём мукöд нывъяс да зонъяс, интернатын. Бокысыыс велöдчисны эз этшайын, ёд уна сиктын да посёлокын вölини сёмын сизим либо кёкъямыс классъяса школаяс. Найё, кодъяс эз помавны шёр школа, мунлiсны карса техникумъясö либо училищеясö, кодсюрö кольччылiс уджавны чужан сиктас. Да и зрелость аттестатöн уна-ён эз вермывны веськавны вузъясö.

Буретш сiйö воас Эжва катыдын котыртчис вöр лэдзан ыджыд комбинат. Быдмисны выль лесопунктъяс, ёна стрöйтчисны и война бöрын кыптöм посёлокъясын, воис вынийöра техника. Лесо-пунктъясысь ётиён, посёлокыс шусис Давпомён, веськöдлiс Альбина Огнёвалён батьыс. Сэнi жö уджалисны и Попвасевлон ыджыд-джык вокыс да чойыс; ётиыс трактористалiс, мёдис вузасис магазинын. Мамныс, Лиция Прокопьевна, сиктса ног Прокё Лида, война кусёмсянныс колхозын пыр на видзис ку坎ъясöс. Сы ордын жö и энькаыс олö, Ёльёксанлон пöчыс. Кызь ёкмыс арёсöн Прокё Лида колис дöбаён, дас квайт во коли сэксянь, кор медбörяясь топöдчылiс муса Сергейыскöд.

Кöть и сёйкыд на олöмыс и уна на шог-печальыс, ёдйö тай лэббi кадыс, исковтö визув ва моз. Слабог, быдтiс челядьсö Прокё Лида, ыджыдджык ныв-пыйс асыныс нин нажöвитöны. Кагаыс нин, Ёльёксаныс, со жёник кодь, батыслань кыскöма — ён да мича: нёпттола щёкаа, читкыля сёйд юрсиыс тöла дырий Эжвалён гыяс кодь. Ётиыс мамыс пырис пыдi жыртъяс и кынмис места вылас, кокъясыс сибдiсны джодждöраас, кор аддзис пыыслысь медвод-дзазысь бритчöмсö. Öздöс куричас пыксыштöмён вель дыр су-лалiс, тыдалö, бритчыс Сергеiсö ас водзас сувтöдiс. Синваыс тюрёйтiс ныvbabalён, горшыс гёрдзасис. Гашкö и, нимкодыысла да: кагаыс нин ёд со бритчö. Альбинаыскöд колльöдчöмъясö тöдiс мамыс. Но и мед аддзысылёны кö, сы вылö и томлуныс. Прокё Лидалён ёд вöлi жö сiйö гажа кадыс. Кызь арёс на эз вöв, кор кикутiгöн жёника-невестаös, асысö да Сергейös, пуксъöдiсны енуv пельösö, вежон кык мысти и свадьбуйтiсны. Унатор тöдö бать йывсыыс Ёльёксан, мамыс да пöчыс висытавлiсны да. Пуксяс пö-чыс внукыскöд орччöн, косьмём лапкор кодь чукырдöс кияснас шылькнитас зонкалыс сук сёйд юрсисö, и панас вöлi лабутной сёрни. И пырджык помавлiс висытасьöмсö öтмоза: «Со, кага, кутшöм вöлi тэнад батыыд — зэв киподтуя да йöз дiнö сибалысь. Керка лöскад мича сера потаныс батыыдлон на вöчöмтор, куим-наннытö сэнi ме качайтлi». Куим чоя-вока пöвстын Ёльёксан медiчöt, и дыр кежлö кёвъясылiс «кага» нимыс.

Со тай, Прокё Лидалён дас сизим арёса «кагаыс» шабдi вон-йын гильöдчö Альбинакöд, дурёны-пыльсъялёны, окасьёны. Мед, абу нин ёд челядь, верстö ныла-зонма нин, вир «пuan» кад буретш. Школа помалём йылысъ документыс оз весь шусы зре-лость аттестатöн, мёд ног кö, кисьмём оз кодь нин сэки мортыд.

— Саш, вай гётрасям,— йоллатурун кодь еджыд юрсинас нив гильöдыштiс зонлысъ ныр увсö.

— Мыйла?

— Мыйла пö... Мед гозъя моз овны.

— Эн тэрмась, вевъялан на мамавнытö.

- Он али мый менё радейт?
- Миянös оз на гижёдны, арлыдным оз тырмы,— эз веськыда вочавидз мёдыс.
- Мен ёд дас кёкъямыс нин, гижёдасны.
- А мен дас сизим.
- Тёда вед. Ёти во гижсытёг олам.
- Кён?
- Кёть тан, кёть посёлокын. Батьё сетас миянлы патератö, Давпомад уна стройтоны оланнисö.
- А коди нё водзёсö велёдчыны кутас? Мый ради нё дас во чёжсö шлёнъялм школаас?
- Та йылысь ме думыштлі жё.
- Но и мый?
- Расъель посёлокын курсъяс восьтёма выль комбинатыд. Миян Давпомыс некымын морт нин сэн велёдчö.
- Мыйё?
- Трактористö да вёрса мастерö. Велёдчёмсъис ачыс лесопунктыс и мынтысъё.
- Ме лоа трактористён, а тэ — пусысъёон? Сізд али мый?
- Абуджык сізд. Ме велёдча вурсысъёо, татчöс быт мастерскойын и велёдёны. Тэнүд мича дёрём-гач кута вурны.
- Кён да кор нё кута щёголяйтны мича дёрём-гачнас, тракториставны кё кута?
- Тадзнад ми ог воёй ёти қывйö. Ачыд нё эсько мый думайтан, висьтась ноко.
- Думайта педё пырны, физмат факультетö.
- Сэтшöм кёдзыда сёрнитан: вом дорнад окалан, а қывнад чушкалан, менам сёлёмой бёрдö-а.
- Мыйысь?
- Он быттöй тёд. Кодкёлунтъя бёрад тэ мен нёшта на мусмин. Ачым мыжа, пыри да водi сэк, йойыд, йöz вонийö. Ныв эжäös тэ менсъым гёрыштiн, вот и бёрдö сёлёмой,— Альбина сёрнитiс лёня, гёлосыс июньса войыс кодь шоныд да мели.
- Эг кё ёд ме, кодкё эсько мёд гёрыштiс.
- Код?
- Кодi пö... Тёда вед, қыдзи Валера Попов тэ бёрся вётлысис. Ачыс мен висьтасьлiс, зэв пö ёна кажитчан.
- А ме тэнö бёрий.
- Мыйла эсько менё?
- Сёд кудри радиыд, Пушкинлань мунан да сiйён. Син саяд миян интернатса нывъяс Пушкинён и шуёны тэнö, весиг ёд ним-вичыд сылён кодь.
- Жаль, юр вемёй абу Пушкинён кодь, дай бакенбардтöм ме.
- Быдмас на вед, ус-тошкыд тай чутласьё нин-а.
- Кёсъян, тошкала?
- Тошкав.
- Мича тэ, Альбина, зэв мусаник и.
- Шуа тай, вай, мися, гётрасям.
- Гашкё-й, гётрасям на коркё, ставыс на водзын миян. Тэысъ зэв бур врач петас, велёдчан кё...
- Пасибö, сёлём сетёмсъыд. Сэсся эн вёрёд менё, китö вешты сэсъ.., сiйё абу чача, эн дэльбчы, узыштны кёсъя.

— Узь. А кор чеччам, ме тэнö колльёда Давпомöдзыд. Тшötш и чой-вокöс видлыны колö, аттестатöн ошысыны.

...Помасис радио пыр мичаа сылём-ворсöмыс. Лёссыд и гажа лоис Александр Сергеевичлы сьёлём вылас ассыыс дас сизим арёса томлунсö казтылёмись. Синмыйд по тай ылысь аддзö, а вежёрыд нöшта на ылысъджык. Кос лыа выйтвëс исковтöмён лэччис кыр горувсö, чайникас и пörтвяс гумовтis васö. Кывтчöссö и катчöссö Эжваыслён отыс пом ни дор, юыс и енэжыс öткодь руд рöмаёс. Луннас кö сынöдыс тырёма вирдалыс джыдžъяслён да каляяслён тивзöмён, онi кылiс сöмын номъяслён öтнога зынгöмыс. Кок шытöг, лёня кывтö гожся вой. Кывтö сiдзи жö, кыдзи аслас паськыд ковтысöд кывтö лёнь Эжва. Ветымынöд-квайтымынöд воясö кö юсö öтног и мёд ног лун и вой гежмавлiсны пароходдяс да теплоходдяс, катердяс да гырыс баржаяс, мотора и мотортöм пыжаяс, то онi чёв-лёнь. Карсянь Эжва катыд бур туй нюжöдöм бöрын гажтöммис, гёлостöммис Эжва-матушканым. Эз этшасыс кывтлы-катлы тат Александр Сергеевич. Быд сикт да посёлок берег дорын вёвлiны дебаркадердяс, сiдз шусяна пристаньяс. Теплоход воигкежлö пристаньö чукöрмылiс уна йöз — верстö и челядь: кодкö виччысис воясъясöс, а кодкö и колльöдчылiс. Гулыснас, ытванас, теплоход катлiс Эжва йылöдз, ва ямём бöрын лыблis сöмын Шордiнöдз. Сöветской кадö кö пароходство-он веськöдлыссыс тöждыссылiсны Эжвалыс «дзоңьвидзалунсö» ви-дзöм вёсна, онi ставсö эновтöма. Уналын мыччысисны коськьяс, водзтi вёвлитöм лыа кöсаяс. Визулыс кырё берегдяс, вужнас пöрлöдлö нэмöвойся пожёмъяс, юыс тырё вёйöм пүясöн, быдлаын тыдалёны лайкъялыс ютиш помъяс. Пемьdён он нин лысът петны ю вылас мотора пыжнад, верман зурасьны и путкыльтчыны.

Да и сöмын-ö Эжва ю эндiс? Сы öтар-мёдар берегын важйöз на, пöрысъ пöльясным, абу дышöдчылёмайсъ да, вёчавлёмайсъ видзъяс. Коммунизм стройтан воясö кö кыптылiсны уна пинькоста зорöддяс, то бöрдя дас воён дугдiсны кывны сэн страдуйтысъяслён варов гёлостъясыс, косаясöн швичкöмыс. Бырёны посни грэзддяс, кысянь и босытчылiс паськавны коми войтырлён вужйыс. Вошö олан слойыс деревняын, пикö воём йöз юсъёны, сотчёны, кадысъ водз мунёны мёдар югыдö. Бырны кутiс ставыс, мый вёвлi коми ногаыс, весиг ачыс кывийыс. Аддзö и кылö тайö чусмёмсö Александр Сергеевич, зöлитö сьёлёммыс. Велöдчöм морт, физик-математик, күжö пыдä подулавны лоёмтордяссö. И аслыс вёчлiс кывкörтöд; ставсъыс мыжа война! Лысваа турунöс моз ытшкыштiс войнаид коми мужикъясöс, дерт, эз сöмын комисö. Но этша лыда коми войтыр нöшта на этшаммис. Коми пармаö, озыр муад, ыльёттiсны бокысъ мырдöн вайöм да ас кöсийöмнас воём йöз. Ветымынöд вояс пансигён котыртчысны медуна сораса семьяяс: коми дöваяслён, ичмоняслён верöсъясöн лоисны рочъяс, украинечъяс, белорусъяс... Налён чужисны челядь, коддяслы национальностьсö сетлiсны либö мамыслён, либö батыыслён кыввор серти. Сэсся нин челядьыслён чужисны челядь, коддяслы рочмисны помöдз. Воис кад, и ыджыдджык сиктъясын медводдза классянь кутiсны велöдны рочён. Войнаидз чужлёмъяс, тшötш и Александр Сергеевич, сизимöд классöдз велöдчылiсны чужан кыв вылын. Йöзлön паметтьö тайö кольö сöмын кыдзи бур казтылём.

Оз, некор нин оз волы сэссея сэтшом кадыс Коми мүй. Сёмын вот дыр-ё на кутас шусыны чужан муным Коминас-а?

Бёр керка дорын Александр Сергеевич пестіс бипур, мётыр йылө ёштідіс чайниксö и пöртсö. Посниа поткоддіс пес, ломтіс керкасыс кирпичон эжом ичтік көрт пачсö. Сирөд песка бипур трачкодчис, зэр моз сявкийисны кинясыс. Ыргомён, кылө, ломтысьо пач. Жарсыс мед пышъясны номъясыс, керка ёздосыс восьса. Жаль, оз ясыда тыдавны кодзуувъясыс. Консюрё эсько и петкодчылённы, но ёдйё бёр вошоны. Эм-ё мыйкө мичаджыкыс кодзула енэжись? Александр Сергеевич сійө пемыдруд бархат кодь, кытчо быйттю Енмыс койыштомуна рёма бриллиантъяс. Кодзуувъяс йылыс сійө тёдё ок уна, но на дінө томдырся интерессö, тыдало, некор нин оз вошты.

Джексö матыстіс дёла бипурлань, весаліс картупель, чолаліс и чоңтіс пöрттін пұпсыс вайд. Сёронджык сэтчо жо пуктіс кык сирпи да некымын ёкыш, крёшигітіс лук. Отчыд сеймён и пуис юқвасö. Радио пыр кызвіс «Маяк», буретш сёрнитісны сы йылыс, эскыны-ё гороскопъяслы. Александр Сергеевич ас йывсыс төдіс ёна унджык любой гороскоп серти, но нуръясигмозыс кызвіс жо. Дугдайліс весиг сир юр вильдомыс, кор кутісны висставны «Дракон» йылыс.

«Морт, коді чужис тайё воас, торъялө зэв бур дзоньвидзалиённ...»— кыліс радио пыр.

«Да, тайё тадз...»— довкйоддіс юрныс Александр Сергеевич.

«Асныра, но честной, сы вылө позьё надейтчыны...»— висьталіс астролог.

«Ладнö, мед тадз...»— броткыштіс Александр Сергеевич.

«Сійös радейтöны, но радейтöмыслы ачыс оз эскы...»

«Тайё збыль. Стöчджыка кё, радейтлісны...»— сардом кикарнас чышкыштіс вомкötтшö Александр Сергеевич и эмаль кружкаö кисытіс руалыс мырд чай. Юис, куритчис и пырис керкаас. Онялö шоныдыс. Личодчис. Лапыд дöрөм-гачсö, джуджыд гёленярезина сапöгсö ёштідіс пач весытас зэвтöм сутуга вылö. Карасина пöнарсö эз öзтү, ичтік öшиньбöд пырыс ывлла югыдыс вölі тырмымён. Видзöдліс часі вылас: стрелкайстöм «Электроника» петкоддіс 23 час да джын, четверг, июль 6 лун. Александр Сергеевич асъя унма, некод кё оз торк, ёна водзсö оз и чеччи. Мича кё лоö поводяыс, рытторувнас, шойчан лун водзвылад, кыйсысыыыд, дерт, кодкё да локтас. Тасянь пыдынджык эм мёд ты, ичтöджык, но гырыс таңынан киңи. Татшом жо вёр керка сэн сулало. Эм, көні узыны войколён воыссыаслы. Волывлöны ёд весиг карсянь, вель ыджең чина йоз. Налыс воломсö позьё казявны дона сигарет помъяс да тешкодь нима тыртöм вина сулеяяс серти. Шуны кё весыкыда, волывлöны найо оз чери кыйём ради, а медсисы си ради, мед мынтöчывны юр выв тыр тёжд-нокъясыс, личöчывны быд лунтая суетитчомыс, да и окотаныс тешитны тиштöш. Овлö, оз весиг кётöдлыны ботансö, ньюбасны татчöслес черисö и ләччöдöны асланыс дона машинаясын ас кыйдöс пыдди, век нин гöтырныслы ошиясянтор.

Кольём гожом, тайё жо кадо кымын, татшомтор вölі. Мёд-лапöвса кузь лыа кёса вылын кыптіс ёссы юра кык чом, пытшкас палаткаяса. Тшак ни вотос на эз вöв, и сыладор берегас абу черия ни ёти ты, сідзкё, шойччыссыяслöн. Лыа юрас суаліс вевта

пүж, пелькинник катер кодь. Чомъяс костас тшынасис бипур. Александр Сергеевич казяліс чомъяссö вör керкасиянь Эжваö чай вала волігён. Юыс көттө и вель пасъқыд, сыйдз бура кылісны чомдорса йöзыслён гёлөсъяс, бура тыдалісны трусиköдз пöрччысыом кык мужичойлён да кык аньлён мыгёртъясыс. Найö казялісны жö Александр Сергеевичöс и öвтчыштісны кинаныс, тöдмөйс, тадзи чоломасисны.

Рытгорувнас кыліс мотор жуньгём, и здук-мöд мысти вör керка дорö матыстчисны кыкön: öтиыс — латшкös, пызь мешёк кодь топыд, чурвидзысь гордов уска, уна зепта росмыштöм кучик пинжака, ар нелямына; мöдыс — кузьджык тушаа, шылыд чужёма, горба ныр вылас кыз ворча очкиа, плещяныс күшмöм югыд юр пыдёса, пуджöм соска джинсы дöрома, видзöдöмпиръяясь ар ветымына. Пасъқыд лэбъя идзас шляпайн сiйö отарö öвтчис номъясыс. Тöдчис, кыкнанныс гажайс, сёрнитісны рочён. Александр Сергеевич бипурдорса пызан вылын керис сöмын на кийöм черисö, та понда пожайштіс кисö воясъяскöд чоломасыны.

— Александр,— висътасис сiйö.

— Виталий,— кыз гёлөснас мурöстiс латшкösес, пызан вылö сувтöдiс тыра сулея.

— Эдуард,— чургöдiс кузь ловгёна кисö очкиаыс. Чужём-обликнас сiйö мунiс кавказечлань, но сёрниас эз тöдчы некутшöм акцент.

— Но мый, ёртъяс, свежой юква пуам? Тiян — вина, менам — закуска,— сёрнисö панiс Александр Сергеевич, и лöдсалiс чусалысь бипурсö.— Пöдлиннö, мыйла гётыръястö эн босытöй?

— Саша, миян гётыръясным Канарыын,— шуис очкиаыс,— а ми со, коми Сахарыын.

— Збыльысь, лун сёмбенеснас лыа вылад Сахарыын кодь и эм, коктö дон паччöрын моз сотö,— Александр Сергеевич бöрийис юква вылö медмича сирпиянсö, кинжал модаа лэчыд пуртнас быд чери шöри вундiс.— Вуджалиннöд эськö, вайиннöд ассыннöд нывъястö свежой юквасö сёйны, а то удzöдöма лоö.

— Найö, Саша, абу миян нывъяс,— шыöдчис латшкösес, кодi Виталийнас висътасис.— Найö, кызд тэннöд шуны...

— Вить, эн мёмъяв, шу веськыда...— очкиаыс, кодi висътасис Эдуардöн, босытö пызан вывсыыс Сашалысь югъялысь дорыштьяса пуртсö, чышкыштiс сэсъ сибдöм чери сёмсö, и кутiс зэв сюся видzöдавны, весиг сёлыштiс вомсыыс кузь, вöсни сигаретсö.

— Оз ков висъталöм, ме сэки нин гёйрөвой, кор шуиннöд, гётыръясным пö Канарыын.

— Саша, позьё кö, ми эськö ньöбим тэнсынд чери-мöд, си ради и воим тэ дорö, краляснымöс юквайн кöсъям номсöдлыны,— корана шыöдчис Виталий. Гёлöссыс быттьёкö и скöр, а сiдз-сö нюмбана мортыс.

Александр Сергеевич керкаыскöд орчча куст пиысъс вайис ведра, кёнi топöдöма солалöм кыйдöссö. Мед эз небзы, саймотвлö вуджöр сайö.

— Мыйла чери-мöд? Верманнöд и унджык босытны.

Эдуард бергöдлiс киас кöрт воропа пуртсö:

— Кымын во тайö пуртыслы? А, со тай, воропас пасйöд: 1950. Сэк ме эг на и вöв, чужи сöмын на куим во мысти — Сталин кулан воö и Сталинöс дзебан лунö.

— Зэв важся.

— Булатной стальсь на,— исыштіс весиг пуртсо Эдуард.— Мёд ног кё, аслыспёлөс ён да крепыд, нюдз стальсь, мыйсь и дорлісны сабляс да уклад шыпуртъяс-мечъяс, сэсся и кинжалъяс.

— Эдуард чукортё пуртъяссö, сылон коллекцияын эмось сэтшомъяс, кутшомъяссоң ѡдвакö аддзан «кёдзыд» оружиеён музейасысь,— сёрниас пырёдчис Виталий.

— А вот татшомыс менам абу на,— жалитана шуис Эдуард, чўв олыштом бўрын шыёдчис Александр Сергеевич діно:— Саша, вузалін эсько, а? Тайё абу чери керан, а коллекция мичмодан экспонат.

— Абу вузёс тайё пуртыс, Эдуард; ог вермы вузавнытё, сіё меным тшотш и талисман пыдди.

— Со, сета сурс шайт. Тырмас?— Эдуард перийис дёрём морёс зепсыс тысьёча шайта деньга.

— Эм сэтшом вежортас — паметь. Тайё пуртыс мен казытылó зэв унатор бўрё кольём воясьсь. Паметыд — абу вузёс.

— Тэ, Саша, збыльсь, абу сомын чери кыйсь, но и философ,— шыёдчыліс Виталий.— Кыдз эсько бать нимнад лоан?

— По батюшкёсö ме Александр Сергеевич. Учитель ме, физик-математик, велёда шёр школаын.

— Но и уна-ё нажёвитё талунъя физик-математик?— юасис Виталий.

Александр Сергеевич висьталіс удждонсö. Лыдпассö шуём бўрын шемёсмылісны гостясыд, эз эскины, мый татшом этша босьтё талунъя велёдьсь. Сы здукö Эдуард синъяссö чўвтліс гёрд уска ёртланыс, перийис зепсыс тысьёча шайта вит деньга:

— Вит сурс сета. Вузалан?

— Ог.

— Дас сурс!

— Ог. Ме жё шуи нин: паметыд, мися, оз вузавсы.— Александр Сергеевич ведраын кёсмовтіс тасыті-пань, кружкаяс.— Ме тіянös гоститода пось юквайн.

— Вить, кисътав конъяксö,— корис Эдуард.— Кёсъя юны Александр Сергеевич вёсна! Вёлёмкё, эмось на йоз, кодъяс ассыныс паметсö, ассыныс видзёдлассö оз вежны некутшом деньга вылў.

Виталий солькнитышталіс конъяксö кружкаясö и бўр пробка-аліс сулеясö. Тотшнитчисны. Нылыштісны винасö. Чеплялісны сир чиг, панялісны юква.

— Пасибё, Александр Сергеевич, черисыд!— конъяк сулея улў Виталий колис сё шайта.— Воштісны миянös принцессаясыд, кад мунны.

Прощайтчисны кинисö кутломён.

— Водзлань. Чериыд олё вавын, а вавыс со ныр улын,— Александр Сергеевич сідз эз и юав, кёні уджалёны тайё шойччысьясыс, кёть и юавны кёсаймыс бергаліс кыв йылас. Гашкё ёд, воласны на? Сэки и юалас.

...Быттё тёрит на и волі тайё, а кольома нин во. Мед керкаё ыркийис войся ыркыд да свежой сынёдыс, юрийв ёшиныс восьса, посни синма сутуга сеткаён тупкыштому ном пырёмысь. Ёдзёссовой кежлад топыда пёдлалё, а каличасян модаыд абу вёр керкаад. Наркёд орчча пызан вылў тыртём консерв банка сувтодіс, чигарка

помъяссö шыблавны. Оз кö кут узьсыны, гашкö и, пöв-мöдись на куритчас. Тышыныс оз йöрмы керкаас, кыскö юрийыв öшиныс да... Сё мокасьтыд, тыртём тай нö пуртöсис гач тасмаас, век пуртöсас пуртсö саймотвлö-а. Кöмтöгыс и петис билур дорас, сэтчö джек вылас и кольлöма. Коркö тай водис жö сэсся нар вылас, и бара на кутис лукыйсыны аслас паметын. Мый сэсся вöчас, оз узьсы да, кöть эсько и лунтыр ывлавын. Пернапасасыллас и Господи благöслöвитö шулывлас, но пышёма унмыс дай ставыс. Гатшвидзö Александр Сергеевич синсö куньёмён, и быттьö ойбыртлас нин, но виччысytöг бара на черёбзяс, и торксö унмыс. Бергöдчис бок вылас, дзолядырся мозыс йöжкыльтчис юалан пас моз, и серпас бёрся серпас кутисны ылькийыны думъясыс.

2

Со, Öльёксан Попвасев да Валера Попов, дзолядырсянныс кык ёрт, пельпом выланыс кузь шатинён, мунёны вуграсыны. Кыкнанныслы дас кык ар, вужисны квайтöд классö. Кыкнаныслöн боканыс волыса добра сумка, нуртор сэнi: картупеля некымын тучман, кын картупель да сулеяын йöв. Валералён нöшта и дас вугыра подольник. Öльёксанлён и Валералён öткодь челядьдирныс: некоднанныс оз помнитны батьяснысö. Босытисны найöс фронт выlö öти и сийö жö лунö, 1941 воын. Зонкаяс мунисны öти и сийö жö школаö, öти и сийö жö классö, вит во нин пукалисны орччöн öти партасайын. Некоднанныс на пöттöдзыс эз нёнявлыны кампет, пöттöдзыс эз сёйлыны преник-печенныö, новлöны ыджаиджык чой-вокыслыс паськёмсö. Кыкнанныс öтсүдтайс, косиникöс; мед эз тойёссыны, күшöдз шыром юраёс. Öльёксан мугов чужёма, нюз ныра; Валера — еджыд морт, паськыдик нырбордъяса; «р» артмытöм вöсна вель дыр пыскыльтис, Валера пыдди шулис Валела. «Р»-сö шуны велöдис Öльёксан, «трактор» кыв шувавны тшöктöмён.

Гожёмнад мамъясныс да ыджаиджык чой-вокныс видз вылын, фермаын либö му вылын, а Öльёксан да Валера лун-лун ю дорынöс. Сиктсянныс верст вит сайö ветлöны вуграсынысö, öти и сийö жö местаö. Вис кодь сэнi эм, пырё сэтчö Эжвасыс чериыс. Кольём гожём вис берегса вöрас чом стройтисны. Коркö йирöдлёмäöсь сэтчöс видзяяс вылын мёссясöс, кутшöмкö стройбаяс нöшта вöлёмäöсь, валдёмäöсь нин. Сэсся и новлисны пöвъяссö, кörт тувъяссö перъялисны и. Кык лунён и тотшöдисны сэсся выль чомтö, öдзёс весиг öшöдисны, дзирийыс сюрис жö. Вывсянныс да бокъяссянныс лыс лапъясон вевттисны дай. Пытшкёсас кос турун вольсалисны. Вугыръяссö Валералён вежайыс сетис. Кыйсёны посни вугырён, гут вугырён шуёны, кельчи-мыкыд сийöс босытö. Подольникас гырысъджык, нигыль сэтчö самалёны, чигъяджык чери жö и пысасьö. Нигыльсö ю берегдорса му кёмокъяс улысъ корсёёны. Джуджыднъяссö, йиръясас, груза вугыр чöвтöны, самалёны гырысъ ниизулён, щурён шуёны шордïнсаяс. Шатин помсö зургасны берегас, и оз ков киад кутны. Сын и ёдi пысасьлö. Овлö, кор чериыс ёна сёйö, войколавлöны чомъяс. Кыйёны öтлаö, а бöрыннас сэсся юкёны кыйдöссö öтмындаён, «тайö — мен, тайö — тэн» лыддёмён. Вом кöр вежмёныд век нин шедлiс. Корсюрё весиг вичмöдлисны черисö Евлампия Ильиничналы, асланыс велöдысылы.

Медводдза классянь велёдіс найёс Евлампия Ильинична, нёль во чёж. Абу на эсько и пёрысь, ветымынысь унджык жо нин-а, но лунь кодь дзор юрсия, быгалём ворча очкиа, карнан моз мышкыртчыштёма и кажитчис арлыд сертиыс пёрысьён. Челядь радейтісны сійёс шаньлунсыыс. А дзормодісны да мышкыртісны коркоя мичаник аньёс син куньлыгтөм войясыс, шог-печальён ойдом отка олөмис. Волі кө ловъя пиыс, ыдкыд бать ним кузяыс Илляён шулісны, тырис эсько сылы дас сизим ар, но вир висьомла, белокровиен шуёны, кувсис нелемын нёльбөд воын, ёкмыс ар тыртёд на. Верёсыс, Микипер Иван, волі фронт вылын, во джын нин сысянь некутшом юёр. Евлампия Ильинична, көть и төдіс нин кывыйсь кывйо, лэптывліс Иваныслыс письмояссö, вомгорулас шопкодігтыр лыддыывліс выльысь и выльысь. А сиктө ѿта-рой воисны усьом йылысь юбряяс.

Отчыд Евлампия Ильинична муніс военкомато, юксис аслас сьёлём дойён военком, майор Филатовкод. Майор, дерт жо, төдіс, мый косясын быд лун усьоны сюрстяс, оз этшайи веськавны и немеч пленё. И, сэк жо, военной комиссар быд ногыс лоньодіс нывбабаюс, эскодіс, шыодчыла по письмёён полкса штабас. Толысь мысти кымын Евлампия Ильинична ним выло воис документ, кытчо волі пасийма: «Ваш муж красноармеец Иван Никифорович Морохин пропал без вести». Юортомсö кырымаломны полкса командир да штабса начальник. Эз гёгрво аныд «пропал без вести» пасийдсö, бара муніс военкомато. «Татшом юорыс вои тшотш и сэк, кор миян салдат веськалө пленё...— шуис Филатовыд.— Дерт, быдторыйс вермис лоны». Тайо пёрий майор эз вермы сетны Евлампия Ильиничналы некутшом лов-вир. Нывбабалон шог чужомыс пемдіс, бытты ѿйд кыморлон буджорыс ѿшиис бан бокас.

Гортас локтігөн Евлампия Ильинична кежис суседъясас — Прокё Лида ордö, кодлы верёсыслон усьом йылысь юорыс воис вель нин важён. Козяйка ноксис горт гёгрорыс, медічот пиыс, нёль арёса Ольёксаныс, тринкъяліс ѿшинь ув йорас.

— Гашкё, бур юорён да? — водздоранас кияссö чышкаліг, юаліс Прокё Лида.

— Нином, люба-й, бурыс абу. Частьяныс бумага воис, «без вести пропал...» по.

— Сізднад, надейтчыны на позё тэн: друг дай, ен бурён, бёр на воас Ваньыд. А менам вот некутшом нин надея абу.

Пырисны керкаас. Евлампия Ильинична висътасис, ветлі по военкомато этайо письмонас, и перийс бумагасо, гораа лыддис Прокё Лидалы. Ачыс, Прокё Лидаыс, образъяса ен джаджсыс сүдзодіс татшом жо извещение, мыччис шог синъяса нывбабалы, коді лөссоңыштіс ныр вывсыыс очкисо да онтая моз жо лыддис гораа: «Извещение. Ваш муж Сергей Пантелеимонович Попвасев, уроженец Коми АССР, Шординский район, в бою за Социалистическую Родину, верный воинской присяге, проявив геройство и мужество, был убит 7 декабря 1942 года, похоронен в Романово, Бельский район Смоленской области. Командир 52-го гвардейского стрелкового полка подполковник Скорняков, начальник штаба гвардии капитан...»

— Ветлома көть эсько гу вылас, но Комисяныд по сэтчодз зэв ылын,— ышловзис Прокё Лида.

— Тэ көтү тёдан, кёні дзебёма Сергейтö. А ме вот аслам көнбрушко йылысь нином ог тёд,— морёссö зыралігмоз жалитана шуис Евлампия Ильинична.

— Радиоыц висыталö, регыд нин пö кусас войнаыц, бöрынътчö немечыд. Эн на майшасьлы, «кубитсö» тэныц юöрын абу гижома. Бöрья письмöыс нö эсъкö кор волис?

— Мойму, аръявылыс.

— Пиылён кувсöм йылысь, сидзнад, оз и тёд.

— Оз.

— Оз кö тёд, и бурджык на.

— Ме эсъкö сидз жö думайта да...

Воис жö тай сэсся кокниджыка лолыштан луныс — Победа! Гожёмнас кутисны воавны гортаныс фронтёвикъяс — орден-менделаёсь, кодкö кок пöла, кодкö и сой пöла. Эз вöв сэтшöм семья, кытчö эсъкö эз коль ассыыс пинь туйсö войнаыц. Нёльсё салдат бöрсö эз во Шординё, на пиысъ унаён вошиисны «без вести». И не-код сиктса пиысъ эз тёд налысь туйпомсö. Эз тёд и Евлампия Ильинична.

Ньёжий, ок ньёжий ылысмöны тшыг да кынмалан, омёлик кёмпаському война воясыс. Бöрдис на съёлёмныс дöваяслон да мамъяслон, кодъяслон верёсъясныс да пияныс колисны куйлыны ылi мусыс. Сизим во коли война кусёмсянъ, а мужиктöммöм, гольмёмкиссöм сикт вöлi зэв на жебиник. Дерт, кутшöмсюрё вежсöмъяс тöдчисны, и медводз, челядьёс велöдöмын. Öльёксан Попвасевлон кö ыджауджык чой-вокыс гижлисны саысъ вöчöм чернилаён важ газетъяс да книгаяс вылö, то онi школаясын тырмисны и учебникъяс, и тетрадъяс, и чернила. Сöмын тай колхозникъяслы быд трудоденъись век на мынтисны китыръя нянь.

Ветымын кыкöд вося июлыс вöлi мича — луннас шондöдлис комын градусöдз, но эз косыты. Виччысътöг сикт весьтö ёшиылис гыма кымёр, шлявмуналis зэр, и бара мыччысълis шондi. Град йöрса быдмögъяслы и вöрса вотöслы тырмис и шоныдыс, и зэрыс. Öдйö кисьмисны да воисны мырпом и чöд. Сиктсаяс медсясö вöдитлисны картупель да кöчан, кодсюрё и лук. Омоль кö урожай, сидзкö, лоё тшыг тёв. Лавкаись ньёбасьны эз вöв съём, öд быд трудоденъись Шординса колхозын мынтылисны сöмын дас ур, а мукöд овмöсын и та мындасö эз сетлыны. Тшыг воясöн позьö шуны нелямын сизимöд да нелямын кöкъямысöд вояс, кор Коми мусын уналын водз кынталis и йöз колисны вöлögатöг. Кöрым тырмитöмла колхозъясын кулis уна скöt. Торъя нин ёна мучитчисны дöваяслон семьяяс, ковмис сёйны быд пöлös турун-петшöрсö, кач да тшак. Слабог, колисны сiё лёк воясыс.

Колхозникъяслы кивыв, сикт-грездъясянъ матын кыптисны выль и выль посёлокъяс — лесопунктъясон шусисны. Сиктсалон лои позяндуун вузавны вöр лэдзысъяслы ас град вылын быдтöмторъяссö. Йöзыслон деньгатор лои, мед ньёбны медся колана кёмпаському, и медводз челядьыслы. Öльёксанлы квайтöд классö пыригкежлö Прокö Лида ньёбис дöрöm да гач тыр дöра. Вежаныыс вурсьö, сiё дон босыттöг и вурас вежапиыдлы. ыджауджык чо-йыс, кодi курсъяс бöрын вузасис öти посёлокса лавкаын, вайис вокыслы выль ботинки. А вуграсыны киссöм тюпенъён ветlö.

Сиктöдys мунгöн и тюпенясыллö, сэсся гожёмнад пыр кöмтöм, медся нин ю берегад.

Июль пом. Öльёксан да Валера колхозлы турун пуктыны ветлісны, кык лун куртісны да вёлён юр кыскалісны. А талун бара мёдісны вуграсьны. Сёрнитчисны да, Валера шуис қайлыны ю йыллö — ком чериа сийё, чомдорса вискас и усьё. Самсо сёян лунö кё веськалан, шедё комыд, а он кё веськав — черитöг коян. Шедёджык кымёра лунö, кор табыйыслон вуджöрыс ва веркёсас оз тыдат. Талун, буретш да, саймотчылö шондýыс кымёртъяс саяс. Öльёксан Эжваын да вискас кутас вуграсьны. Көть кызд, но öта-мёднысö дьёбö оз колыны, öтмындаён юкасны кыйдöссö. Мед сöмын лоё, мый юкны-а.

Катыдö вотöдз на зонкаяс паныдасисны мир туй кузя лашиктесь уна тёдтöм йёзкёд — пельпом саяс кодлонкё винтовка, кодлонкё — автомат; дом йылын нүодісны кык ыджыд овчаркаös. Понъяс эз нетшкысыны, восьлалісны ас шодайон, кузь кывнысö люнгёдёмён да кашкигтыр. Кык друг сулалісны туй бокшаас, сюся вицёдісны тёдтöм, няйт сапога мудзём дядьёяс вылö.

— Бара, тыдалё, пышыйыссысöс корсьёны,— шуис Öльёксан.

— А ми кё водзджык аддзам, юортам ог эсьё? — юаліс Валера.

— Найё вед ю берегад оз пукавны, съёд вёрті кодарёкё муноны.

— Ну, шуам, ми аддзим. Мый сэсся кутам вёчны? — асланыс синіс Валера.— Котортам милицияö?

— Ог! — дженеңида вочавидзис ёртыс.— Эн тунав аслыным лёкторсö.

— Тэ кё он, и ме ог! Луттшö лоё, огö кё паныдасьёй.— Валера сетіс ассыыс нур тыра сумкасö друтислы и кежис ю йывлань нүодыссь ордымлань. Беськыдасö матынджык, öд юыс ёна чукльёдлö ю берег пöлёнис, да сы ковтысöд кё, вель на и ылын. Висдорса чомыйн тон сэсся аддзыясаны.

Öльёксан вёчис медбörья туй чукыль. Чомыйс вёр дiас, и ылысняныс некодладорсянь эз тыдат. Сэтчö эз письты ни тёв, ни зэр. Войколалігён, мед этшаджык дöзмёдчисны номъяс, вой кежлас вёчлісны кызд пу бакаись тшынас. Вольпась да шебрас пыдди кос турун. Видзыс орччён, ыджыд зорёд сэн сулалё. Сэні жö уна льём пу. Кисьмас да, чуман тырён вотасны льёмсö, асыныс сюв пурмытöдз юмов розъяссö апаласны и. Корсюрö бипур пестылёны, но юква пuan модайд абу — оз уздöдны гортсасö, картупель пöжаласны да печенчаён сёйёны. Öльёксан воис чом дорас да казяліс: бергалан ыджыд пу каличыс сулаліс сувтса ног, сiдзкё, öдзöссö каличавтöг и кольсыломуа. Некор на тадзö эз кольлыны. Но друг быттёйкё кызёктöм кыліс чом пытшкас. Зонка гурыйив восьтіс öдзöссö, а сэні, турун вылын, гатшвидзис... мужичёй, киас югыд пурта.

— Ма... Ма... Мамё! — повзёмысла мышьялігтыр чилёстіс Öльёксан, и уськёдчис бöрвыв.

Мужичёй кыпöдчыштіс гырдза вылас и, кылё, шуис комиён, пöдыштöм гёлöсöн:

— Эн пов, дитя, месис, эн пов. Тэнö ме ог вёрзьёд,— тёдтöм мужичёй пыр жё саймоттіс ыджыд пуртсö.

— Кодi нö тэ? Пышьялысь? — комиён шыасьомсö кылём бö-

рын лёныштіс Ёльёксан. Од важысянь велалома: пышъялысь кө — сідзкө, бытъён роч. А тайё со комиён шыасис.

«Пышъялыс» кывыйыс Вылыс Эжва вожын пасъкаліс войнаодз на, ёд лагеръясыд Коми муад воссисны комынод воясө нин, Ухтпеч-лагён ставнас шусис. Медыңжыд көзяннас волі ГУЛАГ — ла-геръяслён Главной управление. Сюрс ёкмыссё нелямынод воё — Ёльёксан Попвасевлон чужан воё — ГУЛАГ-ё пырлома странаса ветымын куим лагер, некымын сюрс отделение, уна сё колония. Сэки абу на пырломаобсь сэтчо тюрьмаяс, көні пукалісны миллион джын морт, да кык сюрс спецкомендатура. На вылын көзяйни-чайтліс НКВД-лон Главной тюремной управление да спецпоселе-ниеяслён отдел. Комынод вояс пансигён странаса лагеръясысь быд во пышылбома ёкмысадас сюрс морт. Волі примитома чорыд, дзес-кодана мераяс, и пышыссыяслён лыдыс нелямынод воясө ёна чиніс, но эз быр, тшотш и Войывса лагеръясысь.

Раблон кодың да олымыс пукалысьясоң петкөдіс ку писың, найо любой ног зелисны петны воля вылә. Торъя нин лёкмис-омольтчес гёгөр война ёзийом борын. Лагерын служитысьяң да стрелокъяс некутшом помкатог ёвтчисны оружиеён, усыйодлісны лагерникъяс вылә понъясоң, жаль тодтог нойтлісны. И со, нелямын ётиод воян, арнас, «Усинской лесорейд» лагерын пукалысьяслы кывсис юбр: матьса кадо нин по, судтог-следствиетог, кутасны лыйлыны оз сомын политикасы, но и мукод мыжысь пукалысьясоң, тшотш и вольнонаёмнойясоң — йозёс, кодъяслон пукалан срокыс помасис нин, но гортаныс эз ләдзны. Корсисны найо водзасаян туй, и аддизны: кыпöдчыны. Кувны кё — бурджык кувны воля вылын! Нырщикиліс лагерной пунктса начальник Марк Ретюнин, коди банк грабитомыс дас во пукалис Воркутаса лагерьясын. Срок помасьом борын, кыдзи и уна мукодос, мырдён кольдісны сийос лагеро и шусис вольнонаёмнойён. Волі котыртومа сизим морта штаб, шуома панны восстаниесо нелямын кыкод вося мартаң — чаром вывті кокниджең волі пышыны. Но гуся агентъяслон да стукачъяслон доносья вёсна кадсө вежисны: кыпöдчисны январь 24 лунё. Волі суббота, унджык охранникис мунис пывсыны. Сы кості и караулын сулалысь стрелокъяслыс мырдисны винтовкаяссо, босытісны лагерсыыс став оружиесо, восытісны зонаса юградалысь юздөсья. Чукормис кёкъямысадас кык морт. Складъясысь чукортісны сеян-юан, шоныд көмпасыкөм, и отряд мөдіс Усватомлань. Тайо сиктас накод сольнитчес дас кык морт. Писькодчисны кёр стадаяслань, медым корадодъяс вылын дзебсыны Полярной кытшсайса тундраын. Но пышысьясоң деньга да водка вылә вузаліс ёти коми воралысь, индіс чекистъяслы, кутшом группа кодаро мунис. НКВД-лон войскаяскод косыыс мунис толысысь дырджык. Кыпöдчысьяс побстысь унаён, тшотш и Марк Ретюнин, погибнитісны, унаён виисны асынысо, но эз сюрдчыны чекистъяслон кио. Найос, кодъяс кольлісны ловиён, лыйлісны.

Война ёзйомсянь во джын мысти нин госбезопасностъён генеральной комиссар Берия лэдзис «Горд Армияса вёвлём военно-служащёйяслы, кодъяс веськавлісны пленё да прётивниклон кыштшо, специальной лагерьяс котыртом йылысь» приказ. Примерсо босытсны ГУЛАГ-лысь, и пытшкёсса делёяс кузя народной комис-

сариат дас лунён котыртіс дас татшом лагер, на пиысь быдён мөгмөдіс сій олибі мөд фронт. Лагерьяссö mestititсны промышленной предприятиеас дінö, медым пленö веськавлёмъяссö, прöверка нүöдан кадас, вермисны уджёдны. Регыдъя кадён татшом лагерьясыс шусисны проверочно-фильтрационнойон, содісны не-кымын пöв, и пыртісны найös ГУЛАГ-ö жö. Вöліны и йöзös пож-налан тюрма кодь местаяс. Война кадö и война кусом бöрын проверочной лагерьяслöн пож пыр мунис квайт миллион морт. На пиысь унаён веськалісны ГУЛАГ-ö, унаös лыйлісны, сідз эз и во-ны бöрсö гортаныс. Сэтшомъяс лыдас вöліны и Комиысь петлом гöрд армеечьяс.

Сюрс öкмыссö нелямынöд вося апрельын на вöлі примитöма Указ сы йылысь, медым изменникъясоc да предательясоc мөддöны катаргавывса уджъяс вылö. Медводдза катаргаяссö котыртісны Воркутаса да Асыв-Войывса лагерьясын. Нелямын нёльöд во помын кö странаын вöлі вит катарга-лагер, кöні увтыртан удж вылын мырсисны квайт сюрс морт, то куим во мысти, Ольёксан Попвасевлон школаö пыран воё, вöлі нин квайтымын сюрс катаржанин. Катаргаясьс, лагерьясьс, тюромаясьс, ссылкаясьс пышъявлісны ичöt и ыджыд чукёръясон, тöлын и гожомын, ту-лысын и арын, лунын ивойн. Туй индысь компас да карта пыд-ди вöвліны то шондi, то Утка туй да сы гёгöрын сярвидзыс ко-дзуўъяс.

Нелямын öкмысöд воын Абезь посёлокса лагерын пукалысьяс кыпöдчисны: караулысьс мырдисны оружие, ставнысö нöйт-тисны и мөддöчисны Воркуталань мездыны катаржанин-шахтёръясоc. Косьясон мездісны лагер бöрся лагер, кыпöдчысьяс дінö воисны выль вынъяс и налён лыдys лои сизимдас сюрс морт, кодъяслöн оружиеöн, винтовкаясьс отдор, вöліны ас дорöм пуртъяс, шыяс да сабляяс. Найö асланыс туй вылын бырёдалісны быдёнöс, тшötш и зырянаös, кодъяс деньга да водка вылö явитав-лісны пышъялыш лагерникъясоc. Но... Пытшöсса войскаяс са-молётъяссян шыбитісны десант, миномётъяс, вайисны весиг ар-тиллерия, и кык вежонён пошти став кыпöдчылысьсö бырёдісны.

Пышайысьяс веськöдчылісны эз сöмын войвылö, кутлісны туй-вizzысö и лунывыв районъясо, мед писькöдчины Молотовской либо Кировской областясо, и сэтысянъ бара водзö. Коми мулён быд пельös — войыв и лунывыв, рытывывыв и асывывыв — важёнсянъ вöвлі ставсоюзса тюромаён. Эз сöмын сы вöсна, мый тані аслыс-пöлös скöр да кöдзыд поводдя, а сы вöсна, мый тайö мусыс, став-нас Коми пармайыс, озырлунъяслöн ыджыд кладöвой. И озырлунъяссö коліс перыйны донтöмджык вынъясон. Со и котыртісны быд сикас лагерьяссö, кытчö этаптьясон, эшелон бöрся эшелон, вайисны и мыжаяссö, и мыжтöг пуксьбöдмъясоc. Эз коль бокö и Шордiн район. Комынöд воясö вайисны страна пасьтасыс кула-читомъяссö, сэсся, колисны вояс да, и мукöд спецпереселенечь-ясоc да уголовникъясоc. ыджыд и ичöt юяс пöлён найö стройтіс-ны посёлокъяс, лэдзисны вöр, кылöдчисны. Тшигла, кынмёмла, висьомла унаён кувсисны, верманаджыкъяс — пышайисны. Пыш-айысьяс пиысь кызвыныс бара веськавліс чекистъяслöн киö, тюромаясö, а кодсюрёös лыйлісны вöтöдан местаас.

Шордiнын кö тыдовтчылісны винтовкаа да автомата йöз, сідз-кö, бара на корсьёны пышайысьясоc. НКВД-лон войскаясьс

стрелокъяс ветлісны ыджыд чукёрён, морт ветымынёдз, и бытъён понъяось. Татшом кымын жё серпас Ёльёксан да Валера адзылісны и ёнтай, вуграсьны мунігён.

— Пышъялысь? Да?— бара юаліс повзъомысла ас садяс на вотом Ёльёксан.

— Эн пов, дитя, матыстчы. Кыдзи нё нимыд?— тёдтём морт зілис сёрнитны сізд, мед эсько эз пышый зонкаыс.

— Ёльёксан ме.

— Кодлон нё?

— Прокё Лидалён.

— Кымын арös нё тэн?

— Дас кык.

— Батьыд ловъя?

— Абу, война вылын усис.

— Но, Пантей Сергей, сіздкё, эз жё во гортас.

— А кысь тёдан менсым батьсо?

— Оти и сийё жё лунё ми мунлім война вылас, другасълім том дырий, көть ме и арлыдаджык сы серти. Матыстчы, дитя, эн пов меусь.

Бать йывсыыс казтыштём борын Ёльёксанлён этшаника воши поломыс. Пырис чомъяс и вёлисти тырвый адзис тёдтём мужичойлысь чужомсö — бан бокъяасас ус-тошкыс ягвывса нитш кодь, син горулыс лөз сөнік рёма, салдатлон кодь гимнастёркаа да гача, кёмтём. Бокынджык суаліс кирза сапог гоз.

— Батьёкод ётлаын воюйтін?— телепит лои, да юаліс зонка.

— Котласын торъялім батьыдкод... Велодчан?

— Витёд класс помалі. Татчо вуграсьны волывла, тайё чомсö ми Валеракод асыным стройтім.

— Кыйсис и вёравліс батьыд, шань морт вёвлі. А коді нё, дитя, школаад велодіс?

— Начальнойын Евлампия Ильинична, нёль во чёж миянёс велодіс. Ми Валеракод сылы свежой чери пыртлывлам, кор унджык шедас.

— Пиыс, Илляыс, ыджыд нин, кёнкё? Таво вед сылы дас сизим нин тырис. Да, дас сизим нин...

Ёльёксан казяліс, кыдзи тёдтём дядьёлён чужом вылын нюмтор петкодчыліс. Но морттö дзескодіс кызём, морёсас кутчысёймён ымзыштіс, сэсся тай кыдзкё лөнис жё. Зонка перийис сумкасыс ѹёв тыра сулея да тучман:

— Сей. Кынёмыд, навернё, сюмалё?

Зонка сізд эз и гёгөрво, кутшом Илля йылысь казтылө мортыд, коді эз курччав, а някляліс вомас тучмансö, ѹёвсö сулеясыс горша ныналігттыр.

— Евлампия Ильиничнаыд, сэсся, пиыскод и олё?— бара на юаліс дядьыд.

— Отнас олё, абу сылон челядьыс. Да, забыль, кувлома сылон пиыс. Ме дзоля на волі, но муртса-муртса помнитышта весиг. Волывло миянё Евлампия Ильиничнаыд, мамёкод сёрнинысö кывла да, мужикыс война вылын жё усьома. А нимыд нё кыдз тэнад?

Мортыд тёдчымёнья сыркунис, кикарнас чышкыштіс син дорсö:

— Пасьёдбог, дитя, нурыйдомсыыд. Шу менё Иван дядьён. Пёдлиннё, сиктсыыд военнёйясöс эн адзыв?

— Аддзылі. Катылладорсянъ вёлі локтёны винтовкаа да автомата йўз.

— Кор?

— Татчо локтігөн паныдасим, понъяёсь весиг.

— Тэн мунны коло, дитя. Найё менё корсъёны.

— Сідзкё, Иван дядь, тэ пышъялысь?

— Пышъялысь, дитя, пышъялысь. Ме дінё Енмыс тэнё вайёдліс, унатор тёдмалі тэсянъ. Жаль вот, ловъя синмён готырёс ни Иллюкёс эг аддзыв да. Татысь водзё ме некытчо нин ог пышый, чужан местаясö кувны локті. Мамыдлы топодлёмён поклон месянь висъстав, тіянсянъ кывтыдланыс коймёд керкаыс и миян.

— Коймёд керкаыс вед Евлампия Ильиничналён.

— Сідз, дитя, сідз. Ме и эм Евлампия Ильиничналён мужикыс, Микипер Иванён сиктад шулісны, батыыдкод бур другъясён вёвлім.

Зонка воштіс кыв-ворсö.

— Вай ме, дитя, топодла тэнё ассым Иллюкёс пыдди, тшотш и батыыд пыдди. Ен мед сетас тэн кузь нэм, и некор мед эн тёдлы сэтшом адсö, кутшомёс тёдлі ме.

Топодчылісны.

— Иван дядь, аддзасны кё тэнё, мый сэки лоё?

— Ме налы ловийон ог сетчы. Веськала кё ловийон, менё косявласны понъясыс либо нойтасны күтвтодз. Татшомторсö ме аддзылі эг нин ётиысь.

— Водзасынты ниномён, пищалтьом да. Эстёні, лыа юрас, эм пыж, ме тэнё вуджёда мёдлапёлас.

— Ог, дитя, татысь ме некытчо нин ог мун. А тайё тэн... Казьтыланпом,— Иван дядь мыччис зонкалы көрт воропа югъялысь пурт.— Сёмын дзеб пыдё, мед некод ээ аддзы, а то мырдясны. Коркё быдман ыджеыда, батыыд моз кутан вёравны, и згёйтччас. Лагерысь пышийгөн тайё пуртсö мырдди ме ёти стрелоклысь...— Воропас сёртыштөм пасйод: 1950. Тыдалё, сійо воас вёчлёмайды кутшомкё заводын. Гашкё и, ки помысь дорём... Тысь ётдор көзинавны сэсся нином ог вермы.

— Дзеба жытникö.

— Сімтөм сталысь, сё во мысти татшом жё югыд лоё. А ёні тэ дінё ыджеыд кором: этйё письмёсö сет Евлампия Ильиничнаыдлы. Сетан?

— Сета,— Ольёксан кыкнан сумкасыс перийис сёянсö, аслас сумка пыдёсö колис сёмын кос сёркни чоланъяс, кодъясös нёнявлис кампет пыдди. Сэтчо жё, тубыртіс турунён да, пуктіс и пуртсö, сэсся юаліс ётиторсö мёдись нин:— Иван дядь, аддзасны кё тэно, мый сэки лоё?

Сы здуко йёлода чомийодз вайёдіс понлысь увтыштөм. Ольёксан котортіс Эжвалань, кысянъ тыдаліс вель ылодз. Тыдалісны весиг сиктса нёрыс йылын пукалысь керкаясыс. Тасянь неылын, гач коксö пуджомён, юёд келаліс зонка: часто копыртчыліс, тыдало, корсис самасян нигыль. Сылён поныйис и котраліс увтчигтыр ва пёлөнис. Пон сертиыс и тёдіс Ольёксан: тайё райкомса секретарлөн пиыс — Ян. Татшом нима зонмыс ёти и вёлі сиктаныс. Ольёксанысь ар кыкён ыджеиджык, таво помаліс сизим класс. Бокас волыса сумкаа, Ольёксан сулыштіс кыр йылас, кёсийис нин бёр котортны чомланьё, кор синлы тыдавмёнъя петкёдчисны

чукёра йёз: люзыгисны таланьо морт дас, гашкё и, унджык. «Стрелокъяс!— вирдыштіс зонлон юрас.— Коло пыр жо юортны Иван дядьлы, а сэсся корсыны Валераös». Стрелокъяс, чайтёмысь, юксьомаөс торя чукёрьяс выло, сы вёсна и волины онтаяясь этшабын.

— Иван дядь, локтёны... Верст сайынөс,— кашкигтыр кывъяссö шуаліс Öльёксан, кор воис чом дорö.

Микипер Иван, ыдже тушаа, мышкыртчыштёма, петіс чомысь, сапогасис, зэлодыштіс тасмасо, кытшовтіс видзёдласнас ывла гёгёрсö да шуис:

— Ёна жо-й мича, Öльёксан, Шордінса вёр-ваным миян, мича да чоскыд дука. Уналын вёвлі, но татшом гажа mestаяссö сэсся некор и некысь эг аддзыв. Висбокса видз вылас тані войнаöдзыс ытшкылі и зорёдасылі, вискас ботайтчылі и, а Эжваын кыснаслы. Ставыс тай кольёма... Окма, дай окма...

— Иван дядь, пыр нин вёрас, а то вётёдасны,— кевмысяна шуис Öльёксан.

— Лок, дитя, прощайтчам. Ещё отчыд топёдла став шордінсасо пыдди. Ыло ог нин мун, эстчо вёрбердса зорёдас саймовтча дай. Письмото он вошты?

— Ог.

— И пурттö дзеб, некодлы эн петкёдлы. Эн вунёд Иван дядьсо, ме ниномысь абу мыжа аслам Рёдина водзын!— Микипер Иван гач зепсыс кыскис наган, чунь помнас бергёдіс барабансо, шуис:— Тані дзик ёти патрон... Босьт шатинтö, и которт! Прощайтлы, Сергей Öльёксан!

Зонкалён гордзасис горшыс, дзулькмуні синваыс. Саяліс виспёлонса вёрас, сувтіс кыз пожём сайё, видзёдліс бёрвыв: Иван дядьыс зорёд дорас пидзёсчанясымён пернапас чөвтало, тыдало, молитва лыддьо. Видзёдлас енэжланыс, сэсся копыртчылёмён мусо окыштас. А енэжис паськыд да лоз, едже межпиян кодь кокныдик кымёрьяс кодароқо кывтёны. Муыс кос, бобоняня отава мыччысыома, водзті ытшкёминъясын шонділань кыпёдчо выиль, том петас. Видзгёгёрса вёрас кайяс чипсоны, тэрыб джыджеяс тювкъялёны юр весьтас — татчо, Эжва кыръяс од и поздысёны. Енвеевт увсыс став ловъя мичсо, тыдало, көсийис босытны съорас Иван дядь.

Коло нин котортны, оз ков сюрёдчыны стрелокъяслы син уло, а то, аддзасны кё, и шобны на вермасны Öльёксано. А сумкаас сылон и пурт, и письмо. Ойдёджык, ойдёджык Валера динё! Коло висьтавны Иван дядькод аддзысылом ийлиссь, блодны, мед эз мун асланыс чомий. Сомын пурт ийвсыс чёв олас, сэсся ставсо висьталаас медбур другыслы. Эз тай ло талун вуграсьомыс, но могыс ыджеид... Корас да, Валерайскод и пыртасны письмосо Евлампия Ильиничнаыслы.

Чукыльёс-мукульёс ю берегёд Öльёксан мунис верст кык. Веськыдавныс эз лысът, поліс Валеракод падвежён лоомысь. Водзджык казяліс ю весьтын ёвтчысь шатинссо, сэсся и асыссо, бадь куст сайын суалысь ёртсо.

— Сёйо?— юаліс Öльёксан.

— Сёйо, и зэв азыма. Со, видзёдлы,— кык вожкай пысавлём гёгрес комъяс куйлісны Валералён кок улын.— А сэні кыдз, чом дорад?

Эз уdit вочавидзны, кылісны лыйём шыяс: гып! гып! гып!
Коставлыштöм бöрын бара: гып! гып! гып! Лайсисны дзик быттьö
орччöн, веськыдасö сэтшöм матын чом дорöдзыс.

— Валера, лэпты вутыртö. Колö котёрён Шордïнö, мунігмоз
ставсо висътала...— тшöкъялёмöн шуалis Öльёксан.— Колö письмо
нуны Евлампия Ильиничналы, письмоыс сумкын, мужиксяныс...

— Кутшöм мужиксянь?! Небыличасö эн висътав,— эз эскы
ёртыс, сïдз эз и лэпты вутырсö. Табыйс вöйтчылö ваас, видлась
чериыс — верман мой кокниа эновтчыны татшöмторссыс.

— Абу небылича! Сё збыль! Мужикыс пышъялыс... Миян
чомын узьёма. Коньёрös, кылö, лайлісны. Аслас наганын öти
патрон и вöлi, водзасасынсö нинёмöн, асьсö лайны и кольёма
патронсö. Эз тай кёсий сетчыны ловийён-а.

— Петкодліс али мый нагансö?

— Аддзылi.

— Мича наганыс?

— Миян пу наганъяс сертиыд мичаджык,— Öльёксанлы дум
вылас усис югыд пуртыс. Телепит вöлi ошиысыны, да кыдзкö тай
кутис жö асьсö. Ас кодьём зон-челядь «войнасы» ворслöны.
Ворсигас мед быд «салдатлон» — гордладорсалён и немечладор-
салён — киас вöлi наган либö автомат. Кодi кыдз кужлiс, сïдзи
и вöчлiс-вöлавлiс аслыс оружие. — Мёдим?

— Ладнö, мёдим. Öти вожкаыс — тэн, мёдыс — мен.

— Ме талун эг кый ни öти чери. Ставсö аслыд босыт.

— Ог. Сöмын морт джынйён. А онi висътав, збыль али мый
пышъялыссыс Евлампия Ильиничналон мужик?

— Мужик. Микипер Иванён висътасис. Со, письмоыс,— Öльёксан
сумкассыс кыскис нёль пöвстöн кусынтьöм тетрадь листъяс,
нижёма караңдашён öтарас и мёдараас.

— Мый бара-й гижис-а? — окота тёдны Валералы.

— Ог тёд.

— Вай лыддям.

— Йöз письмотö абу лёссыд лыддыны.

— Сïдз эськö да. Но Евлампия Ильиничнатö рыхтöдзыс ог ад-
дэй. Видз вывсыыд йöзыс сёрён локтöны, а асывнас, аддзылi да,
куранён жö береглань лэччис. Онi ылын пуктыссыёны, мёдлапöлын.
Гашкö, водзджык лайсяннiас ветлам?

Öльёксанлы эськö аминь окота ветлынысö, öдйöджык тёд-
мавны, мый лои Иван дядыскöд, но югыд пуртсö колö меститны.

— Ог гёйгро, мыйла пышъялыссыён лобма Микипер Иваныс.
Шуёны, быттьöкö война вылын усьёма-а,— дивуйтчис Валера.—
Вай лыддям письмо. Гашкö, мыйкö и ясыдмас. Али эз тшöкты
лыддыны?

— Нинём эськö эз шу да.

— Öльёксан, друг да и миян батьянным тадзи жö кёнкö пышъ-
ялёны. А?

— Эн сёр, Валера. Менам батьлён усьём йылыс бумагаыс
ёнöдз ен джаджайын.

— Миян эськö ен джаджайын жö да.

Да, «усьомаяс» да «вöшомаяс» костыс некутшöм торъялём
сиктсаяс эз аддзыны. Ни öтиясыс, ни мёдъясыс эз воны гортаныс.
Но, збыльыссыс, торъялёмыс вöлi зэв ыджыд.

Помасис джуджыңд пожёмъяса, кос да вежов ялаа яг. Водзын, верст қык сайын, пласьтиздө сикт. Чөв-лөнь. Некён эз қывны гёлөсъяс, лыйём шыяс лёнисны. Ёльёксанлон юрыс тырёма ёти мёвпён: мый, бара-й, вёчисны Иван дядыскод-а? Лыйсис али лыйисны? Али колисны ловийён? Эз, ловийён сетчины эз кёсйи. Сідзкё, Иван дядь абу нин ловъя. Мыйла нё Иван дядыс, коді Ёльёксан батькод ётлаын мунлёма фронт вылёр, лоис пышъялысынас? Война кусомсянъ колис сизим во, и мыйла тайё кузь каднас эз сетлы некутшом юёр гётырыслы? Гашкё и, сетліс, да ми нином ог тёдой. И мыйла Иван дядыс прёщайтчигас шуис: ме по ниномыс абу мыжа аслам Рёдина водзын? Абу кё мыжа, мыйла лоис пышъялысынас?

— Валера, пуксылам эрд вылас. Йёвтö да тучмантö ме чомий коли, гашкё, мися, Иван дядылы згёдитчас. Кёсъян кё, кос сёркни нёняв.

— Ог. Мыйла Иван дядьён шуан? Дядынад миян шуёны батыдлысы воксо.

— Ачыс сізд тшёктіс. Нином абу лёкыс, рочъяслон ставныс дядяяс да тётяяс, чож көть чожинь, ичинь көть дядь. Гашкё, збыльысь лыддым письмосо?

— Ме тай шулі нин, лыддым, мися.

Ёльёксан майшасыштёмён мыччис письмосо ёртыслы. Валера паськодіс вижёдыштөм тетрадь листъяссо, босытчис ньёжйоник лыддыны:

«Оланныд-выланныд менам донаторъяс, муса гётырой Евлампия Ильиничной да зарни ёкмыльой, мусаник пиой Илля Ивановичой! Гижё тайё письмосо тіян верёс да бать Микипер Иван. Ті менё, надейнё, чайтанныд война вылын усьёмён ли вошомён ли, а ме со век на ловъя. Ен могысьён, прёститой, эг вермыв юортны ме тіянлы ас йылысь да. Гашкё, и тайё письмояс на оз веськав тіян кио. Сэки ті ме йылысь некор нин он күтой тёдны став збыльсө.

Нелямын коймод вося арнас, октяб 24 лунё, Украинаса Кривой Рог кар дорын ме веськалі немеч пленё. Менам машинао веськаліс снарад, кантужитчомён и босытісны немечьясыд. Бурджык эськө волі, сотчи кё сэк машинаойкод ётлаын. Ог кут гижны став мучитчомъяссо, мый мунис ме вывті пленад. Новлодісны ёти лагерсянъ мёд, и быдлаын ад. Ме ыджыд да ён волі, а сэтшомъястю немечыд эз лыйлы, уджодіс медсъокыд удж вылас. Борыннас миянос нуисны Германиялон рытывывса ёти каро, стройтім сэн военной аэрором. Нелямын витод вося апрельын миянос мездісны американской часъяяс. Мыйта волі сэк радлунным! Лыддим асынмос медся шудаён, ѿ ловъя юрён бергёдчам гортъясаным, асланым семьяю. Только тай радлыссома весьшорё. Американечьясыд сдайтісны мездом пленникъястю советской командованиеи. Нуисны миянос кутшомкө специальней лагерё прёверка вылёр. Чукортомасть уна сюрс мортос, кодъяс вёвліны пленын. Сәні первойысь кылі, пленё веськавломуяссо по, кодъяс отсасисны немечлы, оз кутны ләдзны гортаныс, найо по — изменникъяас да предательяс. И бара заводитчис ад. Унаос лыйлісны, унаос пыр жо мёддісны лагеръяссо, сэтчо веськалі тшотш и ме, сетісны мен дас во. Регыд тёдмалім и сы йылысь, кутасны по пуксьодавны лагеръяссо тшотш и миян кодьомыслыс гётыръяссо.

Медъёнасö таысь и полi, тэнö пуксъöдöмись, дона да некор вунлытöм Евлампия Ильиничнаöй. Та вöсна и ас йылысь нинöм эгсет тöдны.

Сöветской лагерыд нинöмöн оз торъяв немечьяслöн пленысь. Öти кывийöн кö, тожö ад. Унаён кулöны тшыгла, висьомла, сьöкыд уджыслы. Унаён пышайöны. Менам вир-яй вылын абу дzonь места, вомö колис кык легысь пинь, öдисны тыясöй, висьö кыкнан вörкис. Ме абу нин дыр олысь, кувны и пышай аслам чужан местайасö. Дона гötтырой да дона Иллюкöй! Ме абу изьменник ни предатель, немечыдкöд воюйтi ачымöс жалиттöг... Вот тай, веськалi сэсся пленö дай.

Кокнялыштiс сьöлём вылын, верми на гижны тайö письмösö да. Ен отсöгöн, гашкö и, веськалас на тiян киöдз. Прöститöй да прöщайтлöй, менам донаторъяс Евлампия Ильиничнаöй да менам зарни пи Иллюкöй. Прöститöй да прöщайтлöй, дона землякъяс. Ог на тöд, мый лоë войнас, мый ваяс аскиыс. Буретш дас öти во сайын, татшöм жö мича лунö, тi колльöдiнныd миянöс пронт вылö. Муöдзыс копыртла юрös тiян водзын. Микипер Иван. Юль 27-öд лун».

— Тöрыт на-ай гижöма,— чирöм гölöсöн шуис Валера, кор помалiс лыддьöмсö.— Онi ме тöда, кодъяс сэтшöм пышъялысь-ясыс, а то чайтлi ставнысö лёк йöзöн. Илля писö век на ловъяöн чайтö, важён нин кувлöмä-a.

— Ме вед висьталi Иван дядьлы, абу, мися, ловъя Илляыд. Висьталi да, синваыс петiс. Валера, öтлаын пыртам письмösö Евлампия Ильиничнаылды, но?

— Пыртам. Збылысь, мый бара-ай вöчисны Микипер Иваныс-кöд стрелокъясыс-a?

3

Эрд вывтi котöртысь ордымыс петкöдö Эжвалань. Веськыдасö сиктöдз он во, катыд весьтас эм лыа кöсаа виям. Келöмнаd, джу-джыд да, вуджны он вермы. Ю кыр йылö вотöдз на налы воча, увтigтыр, уськöдчис син весьтас еджыд чутъяса, лапъя пеля сьöд пон.

— Лаппель! Лаппель!— чукостiс Валера.— Тайö жö Янлон нёль синма поныйыс.

Лаппель, пушыд бёжкö легöдигтыр да никсiгтыр, леститчыштiс зонкаяс водзын и бёр öдйö тювийис береглань. Кыр йылас и паныдасисны Янкöд.

— Кон нё чериыд?— юалiс Öльёксан.— Кытчö тадзисö тэр-масян?

— Баас. Эг вевъяв вуграсынысö, нюгыльсö весь корси. Тöдан-ныд кö, мый ме аддзылi...— Ян кузиник да вöснзыдик, ляс ныра, чурвидзысь ыджыд пельяса.

— Ноко, ноко, мый сэтшöмсö аддзылi?— тöрёпитiс Валера.

— Тiян чом дорын лыйисисны. Эн мый кывлöй?

— Ми ю йылын вöлiм, ком вугралiм,— тыра вожкасö лэптыштliс Öльёксан.

— Аддза нин. Ti, сидзкö, нинöм он тöдöй?— лолыс тырёма Янлон, оз путьмы, мыйсянъ и панны висьтасьöмсö.— Нюгыль корсигён на казялi, салдатъяс локтöны Эжва берегöд, корссысян

понъяёсъ. Ме и кыйёдчыны куті, кодаро, мися, мунасны. Тіян чомланьё кежисны, винтовканысö чургöдöмён. «Эй, если кто там есть — выходи!» — горёдіс оти салдат. Некод эз пет. Сэсся сийё жо салдатыс видзысымпрысысъ восытіс чом öдзöссö и понсо домывсыс лэдзис. Тыртём волі чомныд.

— Тыртём, дерти, ми ю йылын волім да, — тёдчёдіс Валера.

— Энлы, энлы, эг на вед помав, водзё на висътала. Понсо бёр дом йылё пысалісны, турун зорёданысъ сэсся понийс кыскис көзянисö, и бувган гёлөсөн увтыштіс. Кодаро чужомён увтіс, сэтчань и уськодчинсны салдатъасыс. Сэки и лайом шы кыліс, веськыда зорёд пытшсяныс. Кодкё, кылё, «пли!» горёдіс, и винтовкась лайлыны босытчыны салдатъасыд.

— И ставсö тайос ачыд адзылін? — эз инасъ Ольёксан.

— Адзылі ас синмён. Крут кырёмин тай эм, сэсянь и видзоді. Энлы, энлы, водзё на висътала. Сэсся зорёдсыс турунсö клокъясон кутісны шыблавны, и кыскисны сэсъ... мортös.

— Ловъяёс? — юаліс Валера.

— Ог тёд. Шойос моз тай кыскисны зорёд бокас-а. Пышъялысъ, тыдало, волёма. Тöрыт войнас батьёлы кысянъё звонитлісны, кывлі сёрнисö, но нинём эг гёгёрво. Сэсся мамёлы, кылё, шуис батьё: лагерисъ по морт пышёма, ачыс по шордінса, мeraяс по тшоктісны примитны и быд ногыс отсавны корсысьясылы.

— А водзё мой волі? — корис на висътавны Валера.

— Мелань оти салдат кутіс локны, да вадорас пышши, вугра-сюм уло сетчи. Но рочён горёдіс кыр йывсянысъ: мальчик по, ноко, подойди ко мне. Матыстчи полігтыр. Понимаешь по по-русски? Понимаю, мися. Как по зовут? Ян, мися. Комсомолеч по? Комсомолеч, мися. Бокас ѡшалысъ кучик сумкасы перийс бумага да карандаш, и мойкё кутіс пасъявны сэтчо. Гижигас отаро мойкё да мойкё юавліс менсым: кутшом классын по велодчан, мыён по көсъян лоны?

— Мойён нё көсъисин лоны? — оти вомысъ юалісны зонкаяс.

— Офицерён, мися. Сэсся мортыд тапнитіс мышкё, шуис: юный офицер по, тэныд лоё татшом комсомольской порученниё — коло по оні жо нуны тайо бумагасо милиция. Нуа, мися. Сы вёсна и топропитча.

— Петкёдлан, гашкё? — окотитіс тёдны Ольёксан.

— Со, — зепсыыс кыскис бумагасо Ян. — Ог тёд, мой сэтчо гижома.

— Эн на мой лыдды? — сүйтчыліс Валера.

— Эг. Көсъян кё, лыдды.

Валера босытчыс надзёник лыддыны: «Объект ликвидирован. Отправьте подводу, подготовьте людей для опознания трупа. Мы находимся в верстах пяти от села вверх по течению Вычегды, на берегу. Капитан Соболев». Валера бёр сетіс письмосо Янлы, веськодыпрысысъ быттью шуис: — Верман котортны, офицер Ян Мамонтов, а миянлы тэрмасыны некытчо.

Ни Ольёксанлон, ни Валералон эз воссыы вомыс, мед висътавны райкомса секретар пилы сы йылысъ, коді дзебсясис турун зорёд пытшкас, кодлысъ шойсö нуны корёны вола-доддясö.

— Майла водзё эз пышши Иван дядыс? — дженеңидик гижода бумагасо лыддым бёрын шогёдіс Ольёксанёс.

— Письмос жо пасйома, кувны по и пышши аслам чужан

местаясö. Водзёсö қытчö сэсся пышъяс? Дай дзебсясьнысö вын-эбöсис нин, колökö, эз вöв,— доңъялïс лоёмторсö Валера.

Иван дядь йылысъ варовитгтыр другъяс воисны сиктö. Шёр улича тыр йозён. Кылïсны варов гёлостиас, пилаясон жуньгом, черъясон клёнöдчом: учреждениеясын да организацияясын уджалысъяс, кызд шуласны, став мирён, петомаёс бурмёдны мир туй. Зэръяс бöрын туйыс лошсылïс сыметь, он весиг вермы подён вуджны. Москияс ропмуномаёс, пемыд войясö лоё повны кок чегомысъ. Война кусомсянь колис сизим во, йöз олïсны судзсытёма на, дöвяслысъ сьёлёмсö век на косытисны усьём-вошом веростиасныс, но войтырыслён чужём вылын кутис нин петкодчыны скупиник югыдун. Колис кутшомкö ног мичмёдыштны-баситыштны и куимсё арёса сиктalyс чужёмбансö. Районса веськодлысъяс шуисны тайё уджсö панны шёр туй бурмёдёмсянь. Став вермысъ йöз, кодъяс эз вöвны страда вылын, пилитисны чуркайас, кодийисны канаваяс, дzonьтатисны москияс. Отсасис МТС-лон техника: тракторъяс топодисны туй подувсö, машинаясон кыскалисны лыа да галя из. Пу чуркайссö öта-мёд бердас топодомён сувтöдöма нин верст кык. Кымын сюрс чурка лоё сюйёма муас — тöдö, пёжалуй, сёмын Енмыс. Вöчоминыс и збыльысъ лоис шылыйд да кос.

Ачыс Шордïныс пуксыёма мича да гажа местаё — Эжва берегö, джуджыд да паськыд нöрыс бокшашö. Тулыснас, кор ытвавыс сывиыштö мёдлапёвсö помсянь помёдз, кажитчö, быттьёкö оз Эжваыс кывт, а ачыс сиктыс кузь да уна судта корабль моз шуньгö ю катыдсö. Коркёя дас крестьянской керкаа погост, кёни вёвлёма сёмын ичётик пу вичко да синтöм поп, воясон быдмис-паськалис. Содисны крестьянской овмёсъяс, тыла кераломён йöзыс вёчисны выль и выль муас да видзъяс, мужичойяс некор вёрзьёдлытöм парма ягъясö писькодисны кыйсян ордымъяс. Озыр вёрвавыс и вёвлî коми мортöс вердысъ-юкталысъён, кёмёдисъ-пасттöдисъён. Енлы эссысъ войтыр кыпёдисны вичкояс, пернапасон пуксылïсны пызан сайё, пернапасон водлïсны и чеччылïсны, эз вöвны пернатöм сылïяс. Вичко и восьтис Шордïнын медводдза церковно-приходской школа — сïё и вёлî пемыд войтыр пёвстö медводдза тöдёмлунъяс пыртысъён. Сэсся и, уна кад кольём бöрын, Шордïн лоис некымын верст кузя, уна йöза сиктöн. Медзумыд, синмё шыбитчана стройбаясис — кык судта, уна ёшия, ыджыд стына олан керкаяс, поп-дяклён короминаяс, приходской школа да земской училище, вёлостной правление, земской почтöвой станция да купечьяслён лавкаяс — сулалïсны мир туй пёлён либо Эжва берег дорын. Дерт жö, медмичанас вёлî вылын юра каменной вичко эзысъ гёлёса жынняннас. Ен праздникъясö кёллëкёльнясъянь ылодз разавлïс мича звöныс.

Шордïнсаяс мырсисны-уджалисны, радейтисны-вежётисны, корасылïсны-свадьбуйтлïсны, чужтисны челядьёс — олïсны морт олёмён. И со, кысък бесыс вайис сиктö большевикъясöс, найё и путкылтисны кок йылö сувтысъ олёмсö асланыс мича лозунгъясон да кёсийсъёмъясон, сэсся и ас кианыс босытисны власыт. Коми войтырлён сюсъ вежёра пиян — кызы нёль арёса поэт, учитель, прaporщик Афанасий Маегов, кызы сизим арёса поэт да учитель Вениамин Чисталёв да мукодъяс — Россияны Сöветъяслы

власът сетан воо на босытчылісны тышкасынды сый вёсна, медым Коми крайлы, кыдзи и Финляндиялы, сетісны асшёрлун и шуны тайо мусо Зырляндияён. Эз, нином эз артмы тайо водзмөстчомсыс. Страныны пансис гражданской войны, ёта-модыслы паныц сувтісны еджеңдіяс да гөрдіяс — и важ, и выль власът дорийсьяс. Збыль вылас медеңжыднас лоис эз Советъяслон власът, мый вёсна тышкасисны гөрд салдатыас, а коммунистъяслон партия.

Классовой тышыс эз помась революцияён да гражданской войнайон, сылон гыыс пасыкаліс и мирной кадо, кодош шуисны социализм стройтан кадон. Партийно-государственней аппарат, кодон веськодліс кос соя грузин Осип Джугашвили, лосьбодіс страныны сізд шусына тоталитарной режим, мод ног кө, волі бирёдома йозлон оломуясь Конституциянын индом свободаяс да правояс, бирёдома йозлысь нэмөвойсяобычайас. Медводз сюраліс крестьянстволы — озырджыка да шёркодя олысьяслы, ас выло уджалысьяслы. Налысь мырдисны муныссо, керканыссо, эмбурсо, ставссо, мый волі югъяло да котрало, пожалуй, канъясысь да шыръясысь отдор. Асыныссо, көзяевассо, моддісны мырдон уджодны гырысь стройкайасбердса, а сідзжо Магаданса, Норильска, Колымаса, Коими республикаса лагерьасо.

Власът кутысьяс тупкалісны вичкояс, сиктьясын наысъ вёчисны складъяс да конюшняс, а поп-дякъяссо мөддісны ссылкаяссо да лагерьасо, нем жалиттөг лыйлісны. Эз кольны ловайон и Шордінса вичкоясын служитысьяс. Кыдзи и уна-уна мукодош, найош лыйлісны Сыктывкар дорын, Човса лагерьасын. Кос соя Осип, му вылас медеңжыд злыдниясьсь оти, кодош шуисны Сталинён, мырдис ыджеңді странаса став войтырлысь вольноя олом да уджалош выло правосо. Война пансыттөдз кык-куим воён водзджык юртёммөдісны советской армиянымбо: бирёдісны нелямын сурс мортос — маршалъяссо, генеральяссо, округъясон командуитысьяссо, военной советъясса членъяссо. Эз кольны боко и места вывса партийной да государственной уджалысьяс, научно-технической кадръяс, творческой интеллигенция. Найош мыждулісны Уголовной кодекслон 58-од статья серти, пуксьбодісны лагерьасо витсянь кызь вит во кежло, быд дасод мортос лыйлісны. Мыжтөг мыжаломъяслон изкио веськалісны и Коими мусысь уна нималысь и нимавтөм йоз.

Татшом волі олан серыс ыджеңд война пансыттөдз, но некод төлкөн эз тод став збыльторс. Да и кысъ тодныссо, кор страна оти вомысь сылыс-нимодіс сомын Сталинос да партияос, ошиысис социализм стройтомон. Ошиысисны поэтъяс, писательяс, художникъяс, кино снимайтысьяс, политикъяс. А кодъяс стройтісны — на йылысь чөв олісны. Стройтісны миллионъяс — лагерьасо, турмаяссо йёршигомъяс, ссылкао мөддөмъяс. Сомын Беломорско-Балтийской канал кодъянінын, кианыс зырийон да тачанкайсан, мырсисны кыксё сурс лагерник. А кымын сурс нөшта мырсис странаса электростанцияс, көрг туйяс, заводъяс, фабрикайс, комбинатъяс стройтанінын, Сибырын зарни да Воркутын из шом перъяніны!

Да, бедаид йоз вывті ветло, а оз пу йывті. Нелямын отиод воя ся гожом шорын советской йозлон керкао пырис выль беда — война. Некод на сэк эз тод, кымын миллион морт ловпастог во-дас бой поле выло. Кодсюро думайтліс, мый толысь-модон и кисъ-

тасны пиньсö немечыдлыс, ёд Сöвет Союзöн веськёдлö оз сэтишом-татшом морт, а ачыс ыджыдсыыс-ыджыд морт Сталин. Шордïнса военкомато йöзсянь воисны шыöдчомъяс, мед ёдйöджык босытсны найös фронт вылö. Новобранечьясö война вылö мёдодан лунъясö мунлïсны митингъяс, найös колльöдисны гудök шы улын сылём-йöктöмён, топöдчылёмён да бёрдöмён. Мышкас гезпом волыса мешök нопъя, шырзьём кöзыра картуза, Микипер Иван, МТС-са шофёр, гöтырыслыс синваа чужёмсö кыкнан кинас кутыштöмён окалis бан бокъяссö, вом дорсö, быдлатi, кыт позис окавны; сэсся вылö-вылö качöдлïс Иллюксö, и, ассыыс син дорсö чышкалiг, сölis пароход вылö. Пароход ёся шутёйтiс, кузя да нораа букöстiс, и ыджыд кöлесаяснас лöнъ Эжвасö муткылялгтыр, дышпырыс бергöдчис ю горувлань. Новобранечьяс öвтчисны кинаныс, прöщайтчисны берегö кольём рöдвужыскöд, тшöтш и сиктыскöд. Öвтчисны и колльöдчысъяс, нывбабаяс чыштъян помнаныс чышкалiсны синвасö, ылысмыс пароходданьö чöвтлïсны пернапас. Уналён тайö эз вöв медбörбя синва, тшöтш и Евлампия Ильиничналён, Прокö Лидалён да нöшта куимсö анълён, кодъяс колясны Шордïн сиктын дöвяясöн.

Эз тöлөсъ-мёднад чег немечыдлöн пиньыс, кöть митингүйтись-яс та дырайн и кöсийлïсны пасьвартны вöрёттö. Москва дорöдз со волисны фашистъясыд, Ленинградса олысъястö тайкö помёдз тшыгла эз вины да кынтовны, Сталинградсыд став короминасö пасьвартiсны, уна сюрс гöрд армечлыс ловсö перийисны. Тöлөсъ-мёд пыдди нёль во кыссис войнаыд, уна йöз лыднаным и вермим, а став славасö кос соя вождьыд аслыс босытiс. Эз жалитлы сiйö ассыыс салдатъяссö. Роч армияса полководец Кутузов, мед спаситны ассыыс салдатъяссö, да тшöтш и Россияös, эновтлïс весиг Москвা�ös-а... История учебникъясын эз лоны лист бокъяс, кöнi эсько эз казытывсыы Сталинлон ним. Висътавсис, быттöкö войнаын вермёмсö лои шедёдöма «дас сталинской ударён».

Но и татшом победа бöрын эз мевмы вождьлён сьёлёмыс. Война дырии и помасьом бöрас эз небзынын сёветской законъяс. Ёсь тыш мунан воясö лагерьясын да тюрмаясын сiстiсны миллионъясöс, унаös лыйлïсны, унаён кулiсны тшыгла да висьомла. Нелямын кыкёд воян Ветлосян лагпунктын кувсис Афанасий Магегов, кодi коркё мёвшавлiс коми войтырлён югыд да шуда олём йылыс. Сы вöсна и ырыштчылiс котыртны аслас ёртъяскöд асшöрбя Зырляндия республикасö. Нелямын коймёд воян, чужан мусяныс ылын, Кемеровской области Тайга лагпунктын, орис олёмыс Виктор Савинлон. Война кусём бöрын кутiсны йёршиставны тюрмаясö весиг прöстöй колхозникъясöс, кодъяс эз вермывны тыртны трудонормаяс, кодъяс колхозной му вылыс дзеблïсны зептас шеп-мёд, кодъяс здук-мёд сёрмайлïсны удж вылö. Сэтшомъяс ыывсыс шулiсны: сетiсны по мортыслы «принуд» — мёд ног кö, кытчöкё мёддöдисны мырдён уджöдöм вылö. Эз вöв шоныд лола Сталин-батьным: пуксъodalis лагерьясö и пленö сюрлёмъясöс, и сэтыс пышыйисъясöс, кодъяс тшöтш жö пуктiсны ассыын пай Победаö, кодъяс эз сетны талявны ас мусö кöрт шыпъяса немеч сапöгъясöн.

Сэк, кор пышыйис лагерьис Гёrd Армияса вöвлöм салдат Иван Морохин, Сталин чорыда на кутiс киас странаён веськёдлан вожжисö, и личöдыштöмьыс эз тöдчы олёмлён некутшом юкёнын.

Паспорттём колхозникъяс вёліны рабствоын, шордінса колхозники быд трудоденъ вылёр вичмылс куимсё грамм ид тусь, сэсся налогъяс пёдтісны йөзсө. Кутчысисны найё, семьясы кё кодкё уджаліс кутшомкё учреждениеси либо организацияны. Сэтшомъясылён вёлі съёмтор, вермисны мыйсюрё ньобны лавкаясысь. Вот и Евлампия Ильинична ассыыс велодчысъяссё, Ольёксан Попвасевös да Валера Поповös, кор найё пыравлісны сы ордö съораныс свежой чериён, гоститöдліс кампетён либо кёлачён, сакара чайён на юктöдліс и.

Комын витöд во нин Сöвет власыт котыртöмсянь, а Шордінын пёшти эз кыптыны выль общественнöй стройбаяс, эз стройитны и олан керкаяс. Цар дырии на кыпöдлём короминаясын, купечьяслён да кулакъяслён зумыд керкаясын, кытысь кёзянъяссё важён нин вётлісны коммунистъяс, вёліны райком и райисполком, почта и банк, редакция и типография, милиция и прокуратура. Вёлі жо öти тöдчана вежсъём: войнабöрса воясö вылыс Эжваса сиктъясын öзийс югыд би. Со тай, сикт шöрын и туй босытчыны бурмöдны. Буретш сiёю лунас, кор Ольёксан Попвасев, Валера Попов да Ян Мамонтов съораныс лёк юръясöн локтисны чери кыяннись, уджъясыс мунисны милиция öшинь улын. Мир туйсö сэті вёлі сэтшома ныръялöма, он весиг вермы мунны вёла телегаён. Микипер Иванлыс шойсö телегаын вайисны ю берег пёллоныс. Бörсяныс вётчыны сёмын куимён, на лыдын и капитан Соболев. Мукöдис, тыдалö, кольчысны берегас шойчыны, гашкё и, купайтчыны.

Шойсö пыртісны пывсян кодь ичöтик керкаö. Сулаліс сiёю милициялён стройбасянь воськов кызы сайын, чутласысь сутугааджуджыд öграга пытшын, и шуисны кёзöдön, кёть эсъкё и этшашон тöдісны, мый сэн пытшкас. Коліс документ, мед юортны ыджыд начальстволы пышыйсъёс кутём да бирёдöм йылысь. Та могысьс колісны понятойяс, кодъяс эсъкё стöча индісны мортыслысь збыль ним-овсö. Дерт, бирёдісны кё пышыйсъёс кёнкё съёд вёрын, сэтчö и гуалісны эсъкё. Сэки капитан Соболев вермис кольны наградатöг. А оні лоё вель уна кырымпаса документ, и эм лача, мый Соболевös кутшомкё ног да донъяласны: либо медаль сетасны, либо погон вылас ыджыдджык звёздочка пысаласны.

Милициялыс петіс югъялыс кизъяса кителя, бек вылас ыджыдда съоқыд нагана сержант, матыстчис туй вöчысъяс дiнö. Öтьведайтчыштiс синъяснас, и ас дiнас чукöстiс морöсас медальяса мортöс — Макар Тольёс. Черсö мужичой сатшкобтiс чурка помё, и тэрьба воськалiс милиционер бörся.

— Мый морла нö Макар Тольёс сэтчö пыртісны? — шензисны йозыс.

— Мый морла пö? Саламатён, кёнкё, кёсйоны гоститöдны кага-чуркайссё вöчаломысь, — шыасылс яр гёлёса, киас зыръя нывбаба, кодi Макар Тольянь быдтiс кык арёса нывкäöс.

— Пасъкёд вомтö, гоститöдасны сэн... печина рокён, — ярскöба, кылё, шуис мёд нывбаба.

Макар Толь кызы öти арёсөн мунлiс фронт вылёр. Пёшти нёль во воюйтiс, и война чёжнас öтчыд и ранитчылöма: шуйга гырдза пырыс мунома пуляыс и сойыс эз куснясь. Морёс тыр медальён воис гортас, наградаяссё оз пöрччыв весиг съёд удж вöчигён.

Ачыс лёссыңдат статя, мича ныр-вома, быдён дінө сибалаись. Со ташом морт, а готыртөм на, мамыскод олө. Помавліс бухгалтер курсъяс и оні ревизораліс орсын. Но Макар Толь нималіс Шордінын да матігётурса грезд-посёлокъясын эз сёмын аслас медальясон, но и аньяс дінө ыджыд азымлунён да каньлон кодь мелілунён. Көссяс кө, Макар Толь пёкёритас любой аньос — томёс и дёваюс. И пёкёритліс. Сылон кыйыс волі майдыквса ключ кодь, мыйён позис восытны любой аньлыссь съёлёмсө, көтү кутшом томан сәні эз ёшав. Макар Толь пытшкын оліс син пörtтысълон, мөд ног кө, гипнотизёрлон би кинь, мый отсогён и, тыдало, пёкёритліс и нывъясос, и бабаясос. Комын кык арёса Макар Толь ветымын кыкод воян нин волі кызь вит нывкалён да зонкалён батьён. Веростом аньяс, кодъяс чужтылісны сысянья кага, эз дзебалыны батыссын нимсө. Юавлісны кө, коді батыс, аньяс вочавидзлісны весъкыда: Макар Толь! Весъкыда висытасъомыс коліс сы вөсна, медым быдмом бораныс челядьыс төдісны збыль батыс и эз соравны вирнысө чоя-вокаяс.

И со, Макар Тольюс корисны милицияю. Здук-мөд мысти сийё жо сержанттыс ас борсяыс пыртөдіс нөшта кык мужичойос, весиг кок пёла, көстыльон дзурликасысь фронтёвик Плешев Митрейюс — Ольёксан Попвасевлыс дядьсө. Мамыслон чойыс, ичиньыс, Митрейлон готыр. Ов вөснаыс ли мый ли, Митрейюс дзолядьиыс нимтылёмай «пасъкыд плешён». Сэсся, быдмис да, и збыльыс лоис зэв пасъкыд плеша, көтү шегъясь сэн. Война вылад вот ыджыд юрсо вермома видзны, а весъкыд коксо госпитальын вундомай, Берлин дорса косьясын осколокон лысожугодома да. Шай-паймунісны туй вөчыссыас, нином оз гёгөрвоны, мый ковмома милицияылы шордінса мужикъяссиян. Оти том морт сэсся и шуис, кыл:

— Шордін гёгөрысь по пышъялысъос корсьоны.

— Мед корсьоны кө, сы вылө и милицияыс. Пасъкыд плеша Митрейид кок пёвнад сёровно некодос оз вётод,— бара шыодчыліс яр гёлоса аньыд.

Куимнанныс петісны милициялон йёрысь юрнысө увлань нёрынтьомон. Ньюжйоник кайисны чой паныдсө, пуксисны туй бокшын куйлысъ пилиттөм на кер вылө. Плешев Митрей перийис зепсыыс гөрд сунисон вышивайтөм табак көшель, сэтчо гудёк мек моз тубыртөм бумага, и куимнанныс оти көшельсъ гарточтісны чигарка. И мужичойас, и нывбабаяс гёгөртісны найюс, отамод вежомсыныс юасисны, мый насянья ковмома милицияылы.

Көзөдын куйлысъ шойсө куимнанныс төдомай — Микипер Иван. Та йылысъ сёрниыс Шордінын разаліс помсянья помодз чардби ёдон. Сиктсаяс жалитісны Микипер Иванюс, торъя нин готырсө. Кодсянкө кывсис, быттюкө оні мөддасны кутшомкө лагеро и Евлампия Ильиничнаюс кызды предательлысъ готырсө — эм по сэтшом закон. Мөддны кө по, важён нин эсько мөддісны,— шулісны мөдъяс. Волі кө по збыльысъ предательён, лылісны эсько пыр жо,— кывкортөд вөчисны фронтёвикъяс,— мыйкө по тан дзуг делю. Страдуйтысъяс видз вывсыыд локтоны сёрён, и найю нином на эз тёдны Микипер Иван йылысъ.

Гёбоч джаджыйн суалысъ гырничысъ Ольёксан босытіс жытник ключъяссө, мед дзебны сэтчо Иван дядьон козыналом юғыд

пуртсö. Жытникас, фанера сундукын, Прокö Лида видзис күтшöмсюрö шоча пасъставлан кёлуй. Сундук пыдöсас и кёсийис саймовтны пуртсö, но öти стенясь, тув йылысь, казяліс батыслысь вёралан кёлуйсö: лаз, потласьом тасмаö пысалом патронташ да пуртöс. Пуртöсис күтшöмкö сьöд кучикись, лы кодь чорыд, гашкö и, пöльыс на вурлïс сïйöс. Сэтчö и сюйис мича воропа пуртсö, буретш лöсяліс. Пуртöса пуртсö сэсся дзебис медпемыд пельöсас, öд аддзас кё ыджыдджык вокыс, пыр и мырддяс. Öні оз аддзы!

Микипер Иванлысь шойсö вайигён Öльёксан да Валера вёліны нин милициявесътса берегын.

— Колö висъставны кодыкö та йылысь,— шуис Валера.

— Колö эськö да. Кодлы нö висъталам? Евлампия Ильиничнаыд видз вылын на-а.

Сы кості на дïнö кыськö воис Ян — тырёма лолыс. Чүйдіс кашкигтыр:

— Пышъялысыыд пö миян сиктса вёлöма, предатель пö.

— Кысь кывлïн?— юаліс Öльёксан.

— Эстёні, мир туй вылас, сы йылысь и сёрни. Сэні кывлï.

Зонкаяс матыстчисны туй вöчысыяс дïнö. Быттьö күтшöмкö митинг, йöзыс суалісны öтчукöрын, милицияö корлöм йылысь буретш висътасис Макар Толь. Нывбабаяс шлап-шлапкерлісны кинаныс, эз эскynы асланыс пельяслы. Öльёксан сувтіс Митрей дядьыслон мыш сайö, кызвіс сёрнинысö. «Иван дядь абу предатель. Абу, абу, абу!.. Кызд тайös висъставны йöзыслы?— зепсыс письмөсö чунь помъяснас йиграліг, ачыс аскöдыс вензис Öльёксан.— Гашкö, сетны письмөсö Макар Тольы либо Митрей дядьлы, и мед гораа лыддясны? А кысь пö письмөыс?» Жутліс-жутліс юрсö Öльёксан и урок вылын школьник моз лэптыштліс кисö, шуис:

— Аддзысылі ме асывнас Микипер Иваныдкöд. Менам да Валера Поповлон эстёні чери кыян чом выйим, сэні и аддзысылім.

— Он пöръясь?— йöз чукёрсянъ кыліс гёлöс.

— Ог. Иван дядьыд абу предатель. Со, письмо менам эм, Иван дядь тшöктіс сетны Евлампия Ильиничналы.

— Ноко, ноко, петкöдлы,— корис Митрей дядьыс.

Öльёксан кыскис зепсыс письмөсö. Ставён чöв ланьтісны. Плешев синъяснас котöртіс нёльнан лист бок кузяыс. Горшыс, тыдалö, гёрдзасис и кывсö шуны оз вермы.

— Мый нö ланьтін, Плешев? Ставнымлы висъстав, мый сэні гижома,— шызысны йöзыс.

Митрей кыв шуттöг сетіс письмөсö орччон пукалысь Макар Тольы, сэсся, лöныштіс да, шуис:

— Тэ, Толей, морт чорыд сьёлöма, сувт да лыдды гораа.

«Оланныд-выланныд менам донаторъяс...»— быд кыв ясыда шуалігтыр босытчис лыддыны Макар Толь. Матыстчылісны йöз чукёрö и кывтыдö, и катыдö мунысъяс, тшöтш и челядь. Кымын водзö лыддис письмөсö, сымын ёнджыка шемöсмисны кывзысыяс. Кызди нö он шемöсмы, кор найö медводдзыс кылöны плено веcъкавлём морт йылысь збыльторсö. И тайö мортыс öд налён, ас сиктса!

«...Проститой да прощайтлой, дона землякъяс. Ог на тöд, мый лоö войнас, мый ваяс аскиыс. Буретш дас öти во сайын, татшöм жö мича лунö, тi колльöдінныд миянöс фронт вылö. Муöдзыс ко-

пиртла юрős тіян водзын. Микипер Иван. Юль 27-өд лун», — помаліс письмосö Макар Толь. Ольёксан казяліс, кыдзи йöz чу-кóрын суалысыяс пиысь унаён чышкалісны синвасо. А ачыс асьсö кыліс геройон, öд сы отсöгөн шордінсаяс кутасны тöдны Иван дядь йылысь уна збыльтор. Макар Толь киысь босытіс сэсся письмосö, и Валеракöд кытчöкө уйисны.

Некод и думыштны эз куж, мый тайö здукас тані жö вöлі и милициясь следственной юкёнён веськöдлысь майор Лапин. Колö шуны, ветымынöд воясö Шордінса учреждениеясын да ор-ганизацияясын унджык веськöдлысыасыс вöліны мукöд районысь, весиг роч мусысь воёмъяс. Пöжалуй, сöмын райисполкомö весь-кавлісны ас района либö ас сиктса войтыр. Но советской органъ-яслöн тöдчанлуныс йöz оломын вöлі зэв ичöt. Быдлаын кöзяйни-чайтіс райком, кöть и ачыс райкомыс вöлі чекистяслöн стрöг син улын.

Майор Лапин Шордінö воис, стöчджеяка кö, сiйös вуджöдісны татчö, Сыктыв вожсянь. Вежон-мöд на и тані, ветло гражданской паськöмён, нинёмён торъяvtöм, синмё шыбитчытöм, ар комын вита. Сийö сюся кызвіс Макар Тольысь гёлоссö, сыён шүöм быд кыв сюркняліс пель саяс. Кыліс кö татшöмторсö фронт вылын, Лапин эськö лыйліс мортсö места вылас. Онi терпитіс, кызвіс сö-ветской лагерьяс омольтана письмосö. И кыдзи лысytіс Макар Тольыс гораа, уна йöзлы кывмёнтäя лыддыны антисоветской пись-мёсö? И кыдзи пыштаялысь Иван Морохиныслöн письмёыс весь-каліс си киö? Майор Лапин, тыдалö, воёма йöz чукёрö сёрён-джык, абу казявлöма, кыдзи Ольёксан Попвасев сетіс письмосö Митрей дядыыслы, а Митрей дядыыс тшöктіс гораа лыддыны Макар Тольёс. Мыйла лыддигас на майор эз мырдды письмосö? Поліс асьсö петкöддыны лёк мортон? Али виччысис помка, мед кодöскö таысь мыждыны?

Бур кöть, тайöс эз аддзыв ни эз кывлы Евлампия Ильинична да. Мöдлапöвсянь гортладор берегö пыжöн вуджысь страдуйтысь-ялы воча лëччисны кык милиционер. Найö и корисны пыравны сиктса велöдьысьös милицияö. Ыджаид пу керкалöн вылыс судтаын, кык öшиния ичötтик жырыын, мёвкъяліс лöз табак тшын. Некымын бöра улöс, кыз кока важ нога пызан да шкап — ставыс на, ты-далö, керкаса купеч-козяиныслöн вöвлöм эмбурыс, кодös мырд-дышлісны комынöд воясö. Бумагаясöн тыр пызан сайын пукаліс кузиник голяя, векни пельпома, балябöжланыыс топыда шыльöдöм юрсия мужичой. Мышсайса стенас стеклöа рамын югыд погона Сталинлон портрет. Шойёвошöм Евлампия Ильинична нинём эз гёгорво, мыйла сiйö, олома ныvbaba, ковмома тайö тöдтöм мужи-чойыслы, кодi видзöдіс аньлань кутшöмкö ёсь, посни синъясöн; эз видзöд, а быттьö напаръяон розьбöдіс сылысь повзьöм сьёлёмсö. Гашкö, Иваныс ловъя либö тöдö сылысь туйпомсö тайö кöин ви-дзöдласа мортыс?

— Ме следователь Лапин,— чирём гёлосон шыöдчis сiйö.— Кора вочавидзны тіянöс менам юаломъяс вылö.

Ныvbaba эз öшиы инас, эз тöд, кытчö и воштыны кияссö. Та вöсна и öтарö лöсöйдыштіс ныр вывсыыс öчкисö.

— Тыр ним-ов?— чернила дозиö зургыліс перösö Лапин, лö-сöйдchis пасъявны воча кывъяссö.

— Эг тай кыв, мый юалінныд?

- Омёля кё кыланныд, пуксьёй матёджык. Кыдзи, мися, овныд?
- Морохина.
- Нимныд?
- Евлампия.
- Овнаыд?
- Ильинична.
- Пол?
- Кутшом пол? — пырсö эз гёгёрво инсыыс вошом аныд.
- Ныvbaba, мися, али мужичой тi?
- Енмой-мамой! Аддзанныд жё, ныvbaba.
- Ентöг, гражданка Морохина, ентöг, тi абу вичкоын. Кор, кутшом воян чужинныд?
- Тысьюча öкмиссё öтиод воян, декаб витöд лунö.
- Конi?
- Сыктывкарын.
- Сэк сийё эз шусы Сыктывкарён. Мен, гражданка Морохина, қолёны точной öтветъяс.
- Усть-Сысолыскин, сiдзнад.
- Кутшом национальностьд?
- Коми.
- Социальнöй происхождение?
- Батьё вёвлі пёжарникён.
- Сiдзкё, гижам «из рабочих». Партийной?
- Абу.
- Образование?
- Помавлі педтехникум.
- Кутшом кывъяс тёданныд?
- Кужа сёрнитны комиён и рочён.
- Конi уджаланныд?
- Школын. Велода начальнöй классъяс.
- Заграницын вёвлінныд?
- Кутшом али заграница, война бёрас öтчыд на-й лэччылі карöдз.
- Наградаяс эмёсь?
- Эм. «За доблестный труд в Великой отечественной войне» медаль эм. Ме Шордiн сельсоветса депутат, и кёсся тёдны: мый могысь тi ставсö тайос юасяныд? — Евлампия Ильиничнаён косьмис вомыс, окота нылышты вом тыр ва, но следовательлон пызан вылын графиныс вёлi тыртём.
- Тайё абу юасьём, а тайё допрос, гражданка Морохина.
- Кутшом сэтшом мыж нё вöчи, мед менё допроситны? — ку письыс кутiс петны ныvbaba.
- Вочавидзом пыдди следователь öзтiс папирос, кутiс юасьны водзö:
- Кыдзи шулiсны верёстö?
- Верёсöс? А тi мыйкё тёданныд менам верёс йылысь? Господи! Морохин Иван Никифоровичён шулiсны.
- Кор сыкёд аддзысыллныд медбörяысьсö?
- Война öзъян воад и мунiс пронт вылад, тадзи жё юль тёлысь вёлi. Нелямын коймёд воян, гожём помланыыс, волiс бörяя письмёыс. Частьяныыс юортлiсны: вошиc пё без вести. Дас öти воин дёвуйта.

— Тіян верёсыд, гражданка Морохина, воён-джынйон слу-житіс немечьяслы. Сэтшомъяссö Сталин ёрт шуис предательясон. А көні mestasyп предательяслы? Лагеръясын!

— Предатель? Менам Иван предатель? — съёлёмас кутчысис нывбаба, мырдён крепитчис, мед эз усь улоc вывсыыс.— Менам Иван, сідзкё, лагерын? Лёж, ставыс тайо лёж!

— Да, лёж. Заключённой Морохин пышайис лагерысь. Ас бёр-сяыс нүодіс нёшта некымын лагерникöс. Зонаис петігөн виисны кык охранникöс, босытісны налыс беруие, пасъёмнысö — вö-чисны нёшта ыджыд преступление. Ковмис котыртны спецотряд, мед кутны либо бирёдны пышайисъясоc. Лагерник Морохинöс талун асыв отряд вётодіс, но ловийон эз сетчи — сийö лыйисис. Ме тайоc лыдди отчётыс, кодоc кырымалö спецотряда командинир капитан Соболев.

— Йойманныд тай ті менö, следователь ёрт,— вежёрсö вош-тан выйöдз воис Евлампия Ильинична.

— Йойманныд али он-ö — сийö тіян делö,— кёдзыда чöйтіс следователь, öдзöссö восытлёмөн шыёдчис дежурной динö:— Ме тшöктылì корны врачöс.

— Сийö танi нин, виччысью тіянсянь индöдъяс,— кылiс де- журнöйлон гёлөс.

Пышайисъёс кутём да бирёдём йылысъстав документыс вöлi нин дась, сёмын колісны кырымпасъяс гётырсянныс да врачсянь. Евлампия Ильинична аслас кырымпасён вынсыёдас, мый морт шойын сийö тöдіс ассыыс верёссö — Иван Никифорович Моро-хинöс, а врачлон кырымпасыс коліс кыздзи медэкспертлон. Воёма медся опытной врачыс, Инесса Рудольфовна. Вужийис сылён эз вöв комиись, петлёма Поволжеса немеч рöдись, а веськалома войвылò комынöд воясö. Шордiнö воис войнаöдзыс, и бура нин тöдіс коми кыв. Кыздзи помнитöны шордiнсаяс, Инесса Рудольфов-на пыр татшöм: ичöтик тушаа, тэрый восьласа, дженыыда тшö-тшöдöм еджыд юрсисö топöдöма гребёнкай. Верёс ни, челядь ни сылён эз вöв, и сиктын этшай тöдісны водза олём йывсыыс. Удж кузя ёртъясылы висытасьлому, верёсой поусис комын öк-мысöд во помын финнъяскöд косьясын, а гётрасыломуасть врачас на велöдчигён. Пыдди пуктана врач Инесса Рудольфовнаыс, сикт-саяс пырдыхык зильёны веськавны асланыс нёрпалöмъясоn сы динö. Война воясö, да и кусём бёрас нин, чукортлывлis сиктса ань-ясоc клубö, сетлiс сөветъяс, кыздзи видзчысъны сийö либо мöд висьёмысъ, кутшöм турунныс да кызд позьё вöчны сёян-юан. Во-лывлis школаясö, тöдмавлiс челядьлысъ дzonьвидзalунсö. Первой классын велöдчигён кутшöмкö ичöтик трубкай водзяныс и бёрсяныс кызвылiс и Ольёксан Попвасевöс.

Бокысъ воёмъясыдлон медыджыд маетанас век вöлi оланiн корссым. Некымын патера нин вежлiс и Инесса Рудольфовна. Бörяя кык восö патеруйтiс ётка мужичой ордын, шуисны немöй Миколён, кодi уджалiс промартельын часi дzonьталысъ мастерён. Мортыс гыр кодь зумыд да ён, пасъыкыд съёд синкымъяса, тшöкыд съёд юрсиа, гёрба ныра и зэв визув карой синъяса; быдлаö ки-подтуя, но немöй. Сылён керкаса ёти жырыын и олiс Инесса Ру-дольфовна. А тöдмасылiсны тадзи. Отиысъ, во куим сайын, Ми-колай сетчис висьём уло. Сетчис сёмын сы вöсна, медым аддзысъ-лыны Инесса Рудольфовнакöд, код вылö важён нин кыйялö синъ-

яснас, но шуны нинём оз вермы. Бур кёть, кужис гижны и лыдьысынны. Съобрас гижётторъя бумагаён и муніс больничаас. Пёрччысис гёйгёдзыс, врачыд бергёддёмён кывзіс кыдз пу кодь топыд вир-яя мужичёйос, но некутшом висьом ээ казяв. Миколай ымзігтыр нюмдыштлө, врачлён синмө и видзёдö, сэсся и мыччис бумагато. Мёдис пыр и нүодіс гижёдсö син пырыс: «Инесса Рудольфовна. Лок ме ордö овны, эм менам лёссыд жыр, ог кут босытны тэсянъ некутшом деньга». Бумага мёдарас врачыд пасийис: «Пасиб. Думыштла».

Во чёж думайтіс Инесса Рудольфовна, тыдало, полём кутшомкё вölі. Абу öд нутреч, а тыр вир-яя нывбаба сiйö. Друг да кутчыслас Миколайыскöд? И друг да съектас? И друг да немой кагаös чужтас? Век жö венiс полёмсö врачыд, вуджис Миколай ордö. Гозья моз-ö олiсны — некод ээ тöд. Оз öд дi вылын овны, быдтор на кывсяс да йёзасяс. Войнаборса воясад быд мужичёй — кёть немой, кёть кок пöла, мед сöмын ээ вöв добротом — донъявис зарни мешёк дон. И öдвакö вермис лоны сэк кутшомкё сёрни муслун йылысь. Олыштан по да мусман — тадзи шуомыс, по-жалуй, медъёна лёсялiс сiйö кадыслы.

А онi ки тырыс ключяса сержант нүодіс Евлампия Ильиничнаös да Инесса Рудольфовнаös шой куйланiнö. Нарвывса покониын Евлампия Ильинична пыр и тöдiс ассыыс верёссö. Кияснас шылькнитiс Иваныслысь кöдзыд плешсö, зарвидзысь ус-тошсö, и воштiс садьсö...

Öльёксан да Валера вель дыр öттведайтчисны, кор жö воссяс Евлампия Ильиничналён кильчö öдзёсис. Бöрдись съёлёма нывбабаös гортёдзыс вайöдiс Инесса Рудольфовна. На бöрысь керкаас пырисны и зонкаяс. Öльёксан мыччис письмёсö велёдисылы, и босытчис висыставны астья аддзылёмторсö... Суседкаыс ордö локтiс и Прокö Лида. Онi нин кык нывбаба кыдз мый вермисны лёньёдисны Евлампия Ильиничнаös. Но верман-ö сöмын мел i кыййон личёдны мортлысь та ыджа шог-печальсö — оз, оз сюрны сэтшом кывъясыс. Инесса Рудольфовна ветлiс, тыдало, больничаö и вайис кутшомсюрö лекарствояс. Унаён волiсны тайö рытас Евлампия Ильинична ордö. Разöдчалисны коркö вой шöр гёгöрын. Эштылiсны кольччыны вой кежлас тёварыш пыдди и Прокö Лида, и Инесса Рудольфовна, но мёдис быд ногыс пыксис: мый лоны по лоёма нин, муной да шойччой гортаныд.

Асывнас следователь Лапин öлöдiс милицияса дежурнойös: öкмис часын по гражданка Морохина мед вölі сылён кабинетын. Нуодны-ö водзö допрессö али Микипер Иванös дзебöм йылысь панаc сёрнисö — та йылысь тöдiс сöмын ачыс следователь. Тöрытъя допрос йывсыс гортас висытасигён Евлампия Ильинична шуис: следовательыс по, надейнö, кёин-мамсянъ, а абу коми нывбабасянь. Збыльысь, мыйкö вölі кёин сямыс Лапинlён этши. Но милицияса начальствовысь отдор Лапин йылысь Шордiнын не-код нинём ээ тöд. Да и öдвакö кодлыкё окота вölі мыйкö тöдны кутшомкё следователь йылысь. Век жö колö пасыйны: нелямын коймёд воян кызь квайт арёса Лапин лоис лейтенантöн. Сэк, кор штрафной батальонъясоc мёддöлiсны атакаö, бöрсяныыс суалiсны заградительной отрядъяс. Öти татшом отрядын и вölі командирён лейтенант Лапин. Штрафникъяслы ээ позь бöрьильтчины. Кодi бö-

рынътыліс либő джёмдylіс атака дырый — на кузя восьтлісны би заградотрядса пулемётчикъяс. Мёд ног кő: асланым салдатъяс шырисны ассыным жо салдатъясөс. А командасö сетлісны коммунист Лапин кодь ыкша командиръяс.

Евлампия Ильиничнаös корны мунісны қык милиционер. Мыйла қыкён? Лапин ѥлдіс: кутас кő по пыксыны, вайодой қык морт косто босытёмон, қыдзи арестанткаös. И кильчо, и керка ѡзбосыс волі пёдса, но пытшкокссяныыс қаличтөм. Тотшкодчини оти ѡзбосы, мёдё — некод эз шыась. Милиционеръяс, қыкнанныс том йоз, пырисны керкаас, сувтісны порог дорас. Котшасса пу крёватаын гатш куйліс көзаяка.

— Зздравствуйте, Евлампия Ильинична! — оти вомысь чоломасисны погона молодечъяс.

Чёв-лонь. Ошинь стеклөө нойтчигтыр дзизгис гут.

— Узьё, — шуё оти милиционерыыс, — колё садьмёдны.

— Евлампия Ильинична, пальбодчой! — тшоктана голёсөн шыбодчис мёдыс. — Милицияю, следователь дінё корисны.

Ныбаба куйліс вөрзьбодчывтөг — еджең ковтаа, съод юбкаа, кокас ас қыём вурун носкиа. Кияссö пуктёма морёс вылас, и озсет некутшом олан пас.

— Абу кő ловъя-а... — майышмуні отиыс.

— Кулома! — нывбабалён косіник көдзыд киö инмёдчыліс мёдыс, перийис покончалён қын чунъяс костысь кутшомкё бумага. Тайо волі верёссяныыс, Микипер Ивансянь, письмоыс. Керкасыыс петігөн милиционеръяс паныдаисны Инесса Рудольфовнакод...

Кык лун мысти Морохин гозъяös дзебисны Шордінса кладбище вылёр, гортъяссö пуктісны орччон оти гүё, воськов-мёд сайын гүйс и Илля пинаслён. Колльбодісны медбөртә туйё став сиктөн, а олыс лыдьыс Шордінен артавсис сэк куим сюрс сайё. Кладбище вылодз ветлісны и Ёльёксан Попвасев, Валера Попов да Ян Мамонтов. Колльбодчысь йоз вылёр милициялон занавесалом ѡшинь пыр куритчигтыр видзодіс следователь Лапин, кодлы сиктсаяс бөрынджык сетасны мисьтөм прёзвищеяс.

Покончалён киыссы гүём письмоöс милиционеръясыд сэки вайисны следовательлы. Майор Лапин лыддис Микипер Иванлысы письмоöс отчыд дай мёдыссы, коть и кывзыліс нин, кор гораа лыддис сійёс уличыввса йозлы Макар Толь. Кодёсскö коліс мыжавны тайо антисоветской письмоыс. А кодёс? Макар Тольён лыддьом бёрын письмоас гижомторыйыс кывсис сикт пасьта. Тайо, тыдало, лоис помканас, мый Морохин гозъяös дзебны петіс та мында йозыс. Эз тёр ку пиас майор Лапин, и ассыыс скёрлунсö весъкодіс Макар Толь вылёр. Государстволы паныд пропагандаысь 58-од статья серти пуксьодлісны йозёс некутшом судтөг, следовательясон дасытөм бумага серти, наградаяс төд вылёр эз босытлыны. И сэтшом бумагасö Макар Толь вылёр дасытіс следователь Лапин. Лунмёд мысти кывсис, Макар Тольös по пуксьодомаоьс, мёддомаоьс Вылыс Човийо.

...Ветымын коймёд вося мартаин кувсис Сталин. Вождьös дзебан лунё, март 9-од лунё, Инесса Рудольфовна чужтіс қагаоц — шочиник съод юрсия зонкаоц. Вайсигас бабитчис Прокё Лида и қагаыслы лоис гёгиньён. Нимтісны зонкаоц Эдуардён. Немой Ми-

кол да патеранткаыс некодысь нин эз дзебны, мый найё лоисны гозъён.

Кос соя вождьлён кувсьюм бёрын странын небзыыштисны законъяс, бырдисны МВД-лысъ сідз шусяна Особой совещанияс, выльысъ кутисны видлавны пуксьюдом йозлысъ делояс. Эз чёв ов и Макар Толь. Сий гижис зэв кузь шыбдчом и мёддис Коми АССР-са Верховной судю. Шыбдчомас посклоннё гижис ассыс воюйтан туйсö, индис боевой наградаяссö, пасийис: ме по тышкаси фронтъяс вылын Сöветской Рёдина да Сталин вöсна, и ковмас кё, некор ог жалит ассым олёмös. И со, выль 1954-öд восё Макар Толь пасийис гортас, Шордïнын, морёсас медальясон. Сэсся и гётрасис: вайис кык челядя дёваös. Тюрмаыд, тыдалё, бырдёма мортыдлысъ том нывъяс динё окочлунсö. Шордïнсаяс эз дивитны, а мёдарё, ошикисны дёваыдкод отлаасьомсö. Вёлïны и сэтшомъяс, кодъяс эз эсkeysы, мый Макар Толь та бёрти дугдас кырсасьомысъ. Ладнё, петкодлас кадыс.

Сий жё вося гожёмнас Инесса Рудольфовна да немёй Микол райисполкомлы вузалисны Шордïнысь керкасö и кианыс ичёт кагаён лэччисны овны карё. Сэтысь, местайыс шусис Парижён, ньобисны пелькиник пу керка ёшинь улас град йёрён да пывсянён. Миколай пырис пельтёмъяслён ставрорсияса обществоö и регыд лоис сэн ас мортён. Гозъялы вёлî нимкодъ, Эдуардыс быдмё дзоңьвидзаён да. Кузь нэм да бур шуд сылы!

Евлампия Ильиничналысъ керкасö аслас баланс выло босытис сельсовет. Бур ногён кё, сэтчо позис овмёдны сиктö воясъ выль специалистъясоц либо кык семьяös, но ньобис керкасö уна пача райком и разис пес выло.

Водзё лоё на.



Анжелика ЕЛФИМОВА



* * *

Пуксылам, вай, мамукöй,
Воча ныр.
Висътасътёмсыс съёлёмой
Дзик нин тыр.
Рёдасъёмным овлывлö
Шоцсыыс-шоч —
Карой лэдзлö тэ ордö
Бёра-водз.

Мыёта вермам, нюжёдам
Рытсö, вай.
Тэнад шоныд дориыд
Быттьё рай.
А кор бара торъялам,
Тэ эн бёрд,
Пернапастö ме весьтö
Гусьён чёвт...

* * *

Эн бёрд.
Ме тэныд съыла съыланкыв,
Кутшёмёс коркё съывліс мамой,
И лолыд лоас ме кодь рамён.
Эн бёрд.
Ме тэныд съыла съыланкыв.

Эн бёрд.
Ме тэныд мойда уна майд,
И ставныс помасясны бура.

Тадз мамой менсыым съёлём
вурліс.
Эн бёрд.
Ме тэныд мойда уна мойд.

Эн бёрд.
Ме тэнсыид малалышта юр,
Ас бердö топёдёмён шонта.
И мам моз вашкёдышта:
«Помтём
Му вылас олёмыс...»
Эн бёрд...

* * *

*Лидия Логиновали, менам
медрадейтана съылысылы*

Коркё голёс кёрсыид пётла-ё...
Морёс пытшкын выйён гёвкъялёт,
Маа дойён лолёс сылёт.
Быттьё кувла, тэнё кыла да.

Дзикёдз кувла, райё веськавла,
Пушыд руас пöttöдз пессывла.
Одвасорён бёрсö пальбётча.
Тэнад йёлёгайын янётча...

* * *

Тувсовъя кодзулён
Ӧзйоны синъясыд,
Кötасьём пышкайён
Тиралё съёлёмыд.
Лолышттётг восьлалан
Радейтчём пёлёныс.
Кодлон нё чунъясыс
Чунъясад инмасны.

Воськов да, мёд да,
Пыр выло и вылоджык.
Усян ли кутчысян,
Юрыд кор бергётчас?..
Кодлон нё нюмыс сэн
Мый вынсыыс дзерётчö?
Код водзын ыпмунин тэ
Юрси йылодзыд?..

* * *

Бортё локтёмысь некор эн пов.
Лунын, войын кёть,

примита нюмён.
Сёмын ёдзёсөс восьты
да шу мем:
«Некод тэ кындзи, вёлём,
оз ков».

Йёзлён сёрниясь юрным оз усь,
Вичмём муслунным зэлёдас
сёнъяс...
Паськыд му вылас вошомыд
кёнъя?
Мыйла туйпомыд этатшом кузъ?..

* * *

Öвсын вай, сьёлёмой, öвсын.
Ордлы костёдыс тадзитё тюран.
Майдса кёвдумён ручыдлы
сюран,
Оз сот кыв йывсö öгыра посыд.

Отчыд кёть, донай, кывзыс!
Оз ёд лёкториё мамукид велёд.
Олом юёдьд та дыра келіг
Няньтё кётлан тай быдсяма
пызысь...

* * *

Сёмын вежон тэтёг.
Быттьё сизим во.
Ёмидз куст да сэтёр
Сизим ар оз во.
Сизимёдыс пышкай
Киллис льём пу роз.
Сизим зэрёд пышай,
Кыті, бара-й, кос!?

Квайт лун дорё — ёти
Быри, воши пем.
Тэ эн вежсын ньёти,
Дзор юрсия — ме...

* * *

Шлапкысьюма-усьёма
Эжва юас
Гулю рёма енэжыс.
Быри мусыс.
Кильчё вывсянь шыбитла
Дёмлём тывийös,
Гашкё, сэтчё пысасяс
Зарни кыйдös...

Печора юлы

Дас лун чёж кёрт потаннымös
лайкодин,
Сэтчö-татчö мудзтöдз лэччöдин
да катöдин,
Паськыд воръяд ётчукирён
тёльскин-польёдин,
Карса чукирнымös чужомъясысь
мольёдин.
Горзьёдлытöдз юква сурнад
вердин-паньёдин,
Войся ыззёймымös гы
петтöдзыд шаньёдин.
Синва войтöн тэнссыд оттö,
позьё, содтыштам,
Тэнад мичлун йылысь
гортсаяслы мойдыштам...

* * *

Коркё öд и миянöдз
Гожём кёрыс воас.
Косаён да вилаён
Петам Эжва дорас.

Лысва нюмнас небзьёдам
Неджёгасьём сьёлём.
Кыём шогёс резьёдам,
Öвтам видзьяс пёлён.

Чёсмёдлыштам вирнымös
Йёлёгалён горнас.
Коркё öд и миянöдз
Гожём кёрыс воас...

* * *

Чуксасьёны дзодзёгъяс
Кушмём нюръяс весьтын.
Шлыивгö олём водзё. Да
Мекöд на мед эсько.

Гоз-мёд кывбур коли на
Бёчыштöм, но чужтöм,
Медым тэнссыд кольмёдны
Выло лэптöм юртö...

❖ ❖ ❖

Александра МИШАРИНА



Видза колян, чужанін!

Пёкрёв лунлы паныда войё усьёма лым. Но югдігас нин сійö пондіс сывны, ывлалыс шондöдіс да. Бёр съöдöдісны күшмöм град вывъяс. Вижöдіс боръасын öтава турун. Пывсяндорса льом да пельсис пусыс суалісны пасытöмөс, быттьö виж сарапанъяссö таллялісны кок уланыс. Пуксис волён медся гажтöм кадыс — сёр ар, көттэ дзикöдз кынмавтöдз да тёвся лым устыöдз вöлі ылын на.

Сиктын ломтысисны пачьяс, но эз быд керкасы тай пет тышыныс. Мортон эновтöм шоныд позъяс кöдзалисны. Кыдзи карбердса даачаяс кынмывлöны тöв кежлö, сідзи жö и сиктъясын кольёны олан рутöг тыртöм керкаяс. И воысь воё налён лыдыс содö и со-дö. Бур на, эм кö гожём кежас кодкö волысь: бокын олысь челядь либö чой-вок, кодъяс чужлісны тайö жö керкаас, кодъяслы абу на дзик ковтöм чужаніныс.

Бур на, кыскö кö сэтчö, кöні кöмтöг котравлін изъя берег вывті. Верстямыштін, да кытшовтлін став матігöгорса яг-нюръяссö. Уна вотöс-тшак лоис öктöма. Уна турун нöб кыскöма мышку вылад. Кочög бытшкымён ытшкёма вутшкёсь видзъяс. Куртöма и чöвтöма зорöдö ма кöра кос турун. Гörлöма и кöдзлöма. Идраплöма град выв пуктас.

Быд сиктса удж Насталы тёдса. Көттэ эсъё комын во нин лыддьыссыö карса олыссыён, а Ягвыв сикткöд йитöдис эз на и орлы. Мамыс ловъя дырии артмыліс на тöлыссынас кыкысь волыны. Сюрас кутшöмкö выль бурдöдчан-зырасяント, и Наста бара нин туйын.

Таво медводдзысь Наста гожийис дзик öтнасöн (не кö лыддьыны пöрысь Васька каньöс). Гожёмыс вöлі жар. Висер юыс подён кевмён косьмис, важъя дорысь ёна нин турунзис, и та вöсна нöштта на векныдджыкön кажитчис. Кывтыцпом весътса дïыс сиктладорсияныс пöшти öтлаасьома берегыскöд. Кок лапаясыд öдва и вошлöны ваас дi вылас вуджигён. А челядь дырииыс Насталы

юр вылодзыс ковмыліс ләптыны бөждоръяссö либо дзикöдз пörччывны платтьёсö. Сэки дi вылас, еджговвиж лыа вылас, эз быдмывлы ни öти бадь куст. Кок пыдöсъясыд майбыр, эз доймавны. И мёдлапёлас дiкостса ва пыдöсис сэтшом жö еджговвиж лыаа вöлi. Но сэтi юыс кывтiс зэв öдйö дай джумъя вöлi, некымынысь воськовтан и вайс юр йылодзыд нин. Сöмын зонпосни да повтöм-джык нывкаяс вартчывлiсны кок судзтöминöдзыс.

А онi со дi вылас быдса рас быдмёма, еджыдвиж лыаыс оз нин пошти и тыдав. Но век на тай сэнi кылёны челядь гёлöстьяс.

Лыа дi кö раскё нин пёрны удитiс, дыр нин и овсёма вольной светас Насталён. Со, кусiс нин и мамсö видзыс чойыс, куим во и олiс мам бöрас. Позис на во дастö овны, а мамыс дыра кö, и кызьёс на.

Кузь нëма вöлi Сава Марья. Кызьёд нэмсö заводитчёмсяныс помöдзыс олiс, да чужан сиктсыс эз и петав, не кö лыддыны Павелыскöд Кардорöдз пур кылодёмсö. Но мый нö сiёд аддзылiс ылi мусассыс? Сöмын ассыс муса Павелсö. Орчёнöс да шудысла нинём эз и казяв. А сэсся, шогсö вайис ыджыд война.

* * *

Ныла-пиаён ки вылас Марья колис энькаыскöд муöдз пыром öшињяса, нитшсялём вевта омёлик керкаö.

Павел верёсис вöлi шёркодьён куим пиян пиыс. ыдкыдджык вокыс войнаöдзыс удитiс гётрасыны да торйён ләптылiс керка. А Павел эз удит, медiчöt вокыскöд, Öльёксанкöд, найёс босытiсны война вылö. Сiдзи и семья лöсёöдлытöг стинитiс ичöt вокыс. Гу ни горт. Карелияса зыбуч нюрыс нылыштлöма Öльёксанёс сёкыц пулемётыскöд тшöтш. Павелös тай Енмыс видзёма. Эз кö ловйён коль, и Наста эз вöв... Медыджыд вокыс, Степан, война вылас сюрлöма воöдчины Киевöдз. Генералös по тай новлодывл-i. Эз и пыдди пуктывны сиктса войтырыд сылыс сёрёмсö. Ачыс на шмонь туйё сэсся колис олём помöдзыс.

* * *

Война бöрас куим челядя нин, Сава Марья видзис на мёс. Анна да Ёгор велöдчисны школаын. Наста гёбочывыса потанын горзiс-бöрдiс. Павел Мартестанын пёжасис вöр лэдзысъяслы. Регыд и ыджыд нылыслы вичмис вöр лэдзан үджыд. Дас нёль-дас квайт арёсаяс кайисны Сирё, Чуб ю йылö. Ичöтик тушаа Анналы аслыс кодь жö и вöв вичмис. Пробка нима на дай. Рытъяснас шойöдз мудзём том йöз, челядь руа на ныв-зон, видзöдлiсны на баракö вайом кино, а сэсся сы ни садь узьлiсны мыш-на-мыш вöдмён. Эз мёдейтны, кодi и мышканыс водлiс, ныв али зон. Унмовсълiсны здукöн. И век жö унпöтныс эз шедлы.

Отчыд шоныд кадö Марья нывбëртys кайёма пожöм кыз вож вылас и гезйён коскёдys кörtасьома пуас. Сiдзи и узьё сэнi, а бригадирыс чеччалö кок пöв вылас да ёрччö. Он öд пилит пусö да ви нывкасö.

Аннаös, кöть и начальной школа сöмын помавлiс, корисны колхозсянъ велöдчины тшöтоводö. Бура лыддысыö и артасьö, вежёра и сюсъ, зептас кывийыsla оз пыр ни — артмас по сысыс

төлкыс. Кос тшак да кос нянь тыра пу чемоданён регыд сэсся и мёддісны Улыс Човса сельхозшколаö. Ёти ныв Марьялён лоис сэсся служащойон. Пиыслы Енмыс сетлôма му вылас овнысö сöмын дас куим во. И мамыслон медся уна муслуныс сэсся, дерт, вичмис Насталы. Невеста нылодз тай ёти крёвать вылын узылсны-а. И мёд нывсö Марья велодіс служащойодз. Сöмын тай сиктад гез вöнтьö он на веж шöвк вылô. Мед кё школаын уджалан, картаад баксысъ-руксысъяс пыр эмösь. Важ керкаас на олігас ётчыд Наста мам кисыс ыджыд пу помой ведра аддзис да курыда думыштчыліс, мый и сылы тайö, быдмас да, вичмас. Но таыс сiйö мынiс. Анна чойыс вежис мамсö. Пачвозд дортöг да идрасян уджтöг на Насталы тырмывлiс сиктса мырсыом-пессьомыд. Но сiйö үджыд эз ёна и сёктöдлiв том вир-яя, эбёса морттö. Му вылын кöтө видз вылын, пес вöчигён кöтө вотчигён, эз кё панийв мукöдъяссö, и эз кольччыв медбörтъяöн. Эз няргыв потём гадъяс пöлялiгöн.

Ылi видзяяс вылын войковъясён пуктысигён личавлiс Насталён лолыс, сьölöмыс бурмылiс. Танi, челядь синъяссянь ылын, позис видзчиcъстöгджык, вöльнёя овны. Кöтъ пасытöгыд ёляс бузöдчы. Корсюрö и сёткыштны на ковмылiс, косаыд кё вутшкö сатшас. Велöдис мортыд öд абу нин Павел Наста, а Анастасия Павловна. Первойсö зэв тешкодь вöлi, кор сiйöс верстбöджык йöз тадзи ыджöддiсны. На син водзын öд быдмылiс чöрс кодь вöсни да вильыш Наста. Зырымбедь да и сöмын. Настаöс кольбöдöны вöлi карö, институтын водзö велöдчыны журналистö. Но уджалан мес-та лоис школаын, да чилзьöдiс-локтiс гортас, мамыс борд улö. Йöй кöсийомыс збыльмис...

Ёти радлун и вöлi сиктын — клуб. Культура керкаён нин сэки шусис. Выльнуныс ётдор, быд рыт петкöдiсны кино, сэсся и асыныс том йöз тшöкыда концертасисны. Не кё тайö да библиотека, прöст кадтö лоис некытчö воштыны. Книгаяснас эсько библиотекаыс эз вöв ёна озыр, но уна воис газет-журнал. Роман-газетаыд ветлöдлiс киыссы киö. Гортад, аски кежлö челядьöс велöдны лöсöдчомыссы ётдор, виччысълiс и ичöтик радлун: помавтöм на книга. Окота öд тöдны, мый лоас водзö. Онi тайö лöнь шойччомсö вежисны бразилияса сериалъяс. Телевизоръяс быд керкаын. Со тай, быттöю гу выв крестъяс керкавывса антеннаясыс. Клубад сöмын гажа юрён косясъны том йöз волёны. Кинотö онi и паччöр вывсяныд позьö видзöдны, мир пасыта став лоёмтортъяссö тöдан. Анна чойыслон дзик выль телевизор со колис. И антеннаыс керка вевт вылас сулалö.

* * *

Эм-ö му вылас креста йöрыссы ётдор гажтöмджык места... Яг-ывв сиктлон шойнаыс эсько и зэв мича гажа ягын, но сы дортi мунiгöн челядь дырыйыс на Насталы вöлi шуштöм.

Ёти гожся асылö мамыс йöзыссы водзджык лысътiс мёссö да лэдзис дзиръя саяс, мед по виччысъыштас мукöдъяссö. Но Сюрук дыр эз думайт, бöжсö вылô лэптiс да и шутёйтiс креста йöрланыыд, код сайын и вöлi йирсъöдчанiныс. Унзiль Настаöс мамыс кыпöдiс шоныд вольпассысыс и ыстiс Сюрук бöрсаяыс. Школа помалысыыд невеста ныв нин эсько да, но зэв на челядь руа.

Көмтöгыс и котöртис мёс бёрсяыд. Чики-мики кодь Сюрукусың быдтор позис виччысыны. Мунас да корсъ сэсся, кыдзи кольём гожём — нюрё муртса абу войёма.

Колльёдіс Наста тайтöös йирсöйдchan йörö да бёр локтö гортас. Ывлайс шондïа, весиг креста йöрыс кыпыйдöн кажитчö. Но кор шойна яг колис мышкас, нывка бёрссыс кылïс тэрýба шуалём: «Эн коль, эн коль, эн ко-о-ль!» Юрсиыс зэвтчис и весиг вöснýyдик шыр бёж кёсаяссыс быттьö вывлань качисны. Пöсöй и кöдзы-дö шыбитлïс сïйös. Наста нетшыштчис да тöвзис сиктланьö.

Кутшом нин сэні «эн коль!», кор тэ бёрся крестайöрса вöтчö. Лысътан öмöй видзöдлыны бёрвылад.

Сёргенджык мёсъяссö коллысысьас аддзылёмайс Öльёксан Ёгорлыс чипана-петукасö. Потшöс вылас по «ко-ко-ко-оо!..» любítчöны. Аддзылёмайс мусукасиянï!

* * *

Гожёмбыд Наста олïс чужан сиктас. Шонтïс, ловзьöдлïс чужан керкасö. Кайлïс шойна яг вылö. Танi öd ставныслён гуясыс: ма-мыслён и чойыслён, почыслён и ыджыд мамыслён, уна мукöд рöдвужлён. Шог лои Насталы сьёлём вылас сысыс, мый унаён нин тшöтшяясыс аддзисны аслыныс татыс mestанысö, сысыс, мый томъясыс нин танi куйлöны. Кодöскö косясигён виёмайс, кодкö ас вылас кисö лэптöма, кодкö лёк сораса винанад сотчöма. И том аньяс куйлöны кыз му улын. А öти памятник вылын вуштыйтöм краскайын гижöма: «Мама, тебя мне так не хватает». Тайö Насталён воча чойыс вина понда жö колис нывсö сирötäйн. А сиктын том йöзыс пыр öддзöны юнысö. И юёны «Троя». Со и содёны выль гуяс.

Наста вермис жö воны татчö кадысъ водз. Ышмыштлïс жö том дырийыс, торйён нин мамыс да чойыс дорö волигъясöн. Со по карсаыд локтö, бара нин пидзöсъясыс водзынöс, дольда шенасьö кияснас. Түяс петигён кöть эсъё нин мед эз ю,— ропкывлïс ыджыдджык чойыс. Но бур на, Наста эз вöв лёк руа ни пинягыжъя. Эня-ныла сïйös видöны, а мёдыс сöмын чöла вашъялö. Васька каньынсö шыльыд юрёдис мольбöд. Узяс да мёд лун асывнас шöвктут кодь шань. Горт тöгöрыс ставсö вöчны уськöдчö: джоджтö чышкас-мысъкас, пес-ватö пыртлас, тöвъяснас öшинь ув туйястö зыртас. Тулыс, гожём и ар град вылын копрасьö.

Торйён нин уна Насталы сюрлïс пескён ноксöмыс. Сиктад позьö не видзны мёс да порсъ, сыйтöг олан. Позьö и этшаджык град выв пуктас вöдитны, дыш кö. Но пескыд кö абу, эштас олёмыд.

Кын пес чуркатö кисътасны трактор телегаись ыджыд чукöр. «Менам ньёбöма,— шуас чойыс,— сэсся тэнад удж, карса». И быть мырсы. Карын кöть олан, а мамыдлы отсöгыс колö. А ручка-перö кутан киыд slab. Кузь чуркайысыс нöшкён вачкывтöг оз на и потны. Лым сылас да сэсся тэчны колö. Пес вевт улöдз күш му выйтï ваннаён кыскавны. Тайö кокныддик лемень ваннасö коркö первойысъ видlöма катыдпомысъ öти ань дадь пыдди. Сэки сы вылын сералёмайс. А дадь вöччысысыд тай сэсся бырисны сиктсыйд, да онi быд йöрын, видзöдан да, сïйön и вöдитчöны: кодi күйöд град вылас кыскö, кодi пес. А кодкö и öтруб ли пызь ме-

шёк сельпосянъ гортас вайё. Дасть пыддиыц зэв түяна. Павел Анналён сийё быдса куим. Оти — күйёдлы, мёд — песлы, а коймёд сараяс дзик выль югъялъ. Со и кыскалё Наста водз тулыснас то пес, то куйёд. Оти местаё кё эськё вёлі тэчома ломтытёдзыс, бур на да. Но Анна чойыс индывліс первой тәчны пывсян бокё, восьсанінё, мед косьмас. Сэсся вёлисс пес вевт улø пыртлоны. И во гёгөр чёж тайё уджыс вёлі: тёв кёть гожём, тулыс кёть ар.

* * *

Наста, гашкё, нэмсö эськё уджаліс сиктса школаас, но муніс юркарö водзö велöдчыны да сэсся бёрсö эз и лок. Но отпускаліс пыр гортас. Карын бур оланіныс сылы эз вичмы. А гортад век нин бурджык, кёть недыр кежлö мынлан йёз семьяяслыс няйтсо зыртны. Сийён и чужан сиктсыыс кёдзалёмыс эз ло. Со оні, гожёмбыц чужан керкаас олём бёрын, синва петтёдзыс жаль вёлі муннны, тёвбыц кежлö сийёс кёдзёдны. Мёд во тулысöдз сэсся оз артмы волёмыс. Енмыс кё видзас керкасö да ачыс кё лоё дзоңь-видза, быть воас. Видза колян, чужанін!

❖ ❖ ❖

Гожся университет

Николай ВОЛОДАРСКИЙ

Ньёти пемыдысь ог пов

Ньёти пемыдсыс ог пов,
Сёр кадыс мем лёсялёт.
Чайтлі, сөстөм тэнад лов,
Ставыс лои мёдарёт.

Тэнад ставлы вичмёт кад,
Но ме талы абу рад.
Тагёс саяд ог и тувчыс,
Сізд нин юрын тэйсъ чад.

Ковтём кывъястё эн шу,
На вылёт ог кут ме лача.
Тэкёд эг и аддзы шуд...
Гашкё, мёдкёд сійёс аддза.

Комиодіс Анастасия Малева.



Валерий ВЫЮХИН

Ми тулыс виччысям

Ми тулыс виччысям тёв шёрын,
А гожся кадё корам тёв.
Ён тёв нырлён ышмылём бёрын
Ми аддзам: бурджык, кодыр чёв.

И муслун ассыс ёзъян мич
Сёр мыччылёт, кор быттьё вунёт.
Тэ кадсё весьшёрё эн видз —
Мед дасьён вёлін шуда лунёт.

Комиодіс Анастасия Малева.

* * *

Чолём вылёт эн вочавидз,
Кор вокзалёт ме локті.

* Тавося июнь тулысъо гожся университето волысь том йоз видлісны асьнысъ вұджёдчан уджын. Семинарсо сиисны А.Б.Ванеевлы.

Лоим люкасъмён воча, но
Мунін ньёжйёник бокті

Тотшкан каблука кёмнад,
Эн и казяв со менё...
Тэнад тёдса и сёмын,
А ме радейті тэнё.

Комиёдіс Юлия Нефёдова.



Николай РУБЦОВ

Важиник вёр керка дорын

Важиник вёр керка бокті
Радейта кытшовтны рас.
Ягсеръяс сэтысь ме вотлі,
Кор ар ассыыс чөвталё пас.

Турияс лэбёны вылі,
Кён енәжлён помтём от.
Эжёрсө поткодіг, кылёр,
Писькодчо пыжа морт.

Ывлалыс югыд, но тёла.
Ю выллыс гыа көть кор.
Торъяліс пұысь да чёла
Сынёдаст бергалё кор.

Ләбө тшётш быттьёкө лолыд.
Гүгёрыд — чуймодан мич.
Кызд ләбачлы енәжын долыд,
Кыпыйдлун съёлёмад видз.

Комиёдіс Татьяна Шахова.



Ирина ДАНИЛОВА

Кодзув

— Мамук, вай мем кодзувсё,—
Шуё ичёт ныв.
Кык арёса дзоляклы
Олём восьтö сыв.

— Ой, со зэрыс кынмёма!
Тайё абу лым.
Йизьём ва гёп малыштö,—
Ичёт кекöнъ пым.

Ичёт воськов — ёддзёдö,
Быттьё воссё борд.
Аслас кодзулёдзыс
Быдмас ичёт морт.

Комиöдис Анастасия Дёмина.



Эйла КИВИККАКО

Ноктюрн

Ворсо тылён веркёсын
Югёрьяснас тёлысь.
Аслам дзугсёём möвпъясон
Вошла мёдлапёлö.

Льём пу кёрнас лолышта,
Овны босытча выльясь.
Быттьё вина гумовта
Ладога ты вылышь.

Ог нин казтышт важъясо,
Гёгёрвои вёллись:
Лоа тэкёд веськодьён,
Быттьёвойын тёлысь.

Комиöдис Люда Тюрина.



Регыд ёд бара Выль во...



...Быд выль волён медводдза лунё зіля звёнитлыны тайё мортыслы гортас. Весиг войнас, кор часі петкёдлө дас кык бёр, а гётёр пасиёны му вылын, тыдалё, медся виччысяна, медся гажа да мича праздникиссо. Сьёлёмсяня чоломала, сиа кузь нэм да бур шуд. Чоломала чужан луннас, сэсся нин Выль воён, югыд аскиё эскомён, мукёдторийон. А чоломалана мортыс кывзыштас менё да воча шуас: «Ме сийё жё помнас, сийё жё местаас чоломала. Аттьё бур кывсыд. Енмыс тай шулёма чужны волён медводдза лунё, мый сэсся вочан. Быть ов...» Тайё мортсö бура тёдёны Коми муын, и тайё мортыс — Геннадий Васильевич Беляев. Журналист, литература тура туялысь, гижысь, веськёдлысь... Сы йылысь гижнытё и кокни, и зэв съёкыд. Кокни сы вёсна, мый Геннадий Васильевич ме тёда нин буретш комын во. И та мында каднад мортыд воссёй йоз син водзын быд боксянь. А съёкыд сы понда, мый Геннадий Васильевич зэв аслыспёлос морт: аслыспёлос этша, аслыспёлос видзёдласа мувыв олысь. Овлё, шуас кывтö, да кок чунь йылодзыд мёрччас. Кётын якшын олём, кётын якшын литература йылысь. И чужан мусыс сылы вичмёдёма-козыналома енбисё дзонь нёб, кык морт босытчан кыскыныссо, да он вермы. Ме збыль шуа, а ог Геннадий Васильевич водзын бур туйё пуксьём ради. Енмыд тай ассыс биторсё оз быдёнлы сетлы. Кодлыкё сийё вичмё, а кодлыкё и оз... Гашкё, наён Сыктыв вожё Енмыс и збыль дыр кежлё сибавлёма да азыма кёдзёма ассыс югыд кёйдиссё кольём нэмё? Од буретш тасянь ыджыд олёмёт петис миян югыд кодзувным, Иван Алексеевич Куратов. Чукломын быдмис да верстяммис нималана коми шмонь гижысь И.И.Сажин (Ичёт Иван). Межадорын енбисыс ыпнитис быдёнлы тёдса Степан Семёнович Раевскийлён. Тасянь жё ыджыд олёмёт петліс Иван Павлович Морозов, коді кызы кык во чёж веськёдліс Коми муён да эз кисыт сийёс якшын веськёдлысьяс моз, а мёдаро — кыпёдислэптис. Сыктыв мусын быдмисны-сёвмисны да бордъясисны республика пасытала нималана журналистьяс: А.В.Сажин, В.Е.Кушманов, Н.Т.Пунегов... Позьё и водзё лыдьёдлыны Сыктыв во жын чужлом-быдмылом пыдди пуктана войтырлысь овъяссё. На

тура туялысь, гижысь, веськёдлысь... Сы йылысь гижнытё и кокни, и зэв съёкыд. Кокни сы вёсна, мый Геннадий Васильевич ме тёда нин буретш комын во. И та мында каднад мортыд воссёй йоз син водзын быд боксянь. А съёкыд сы понда, мый Геннадий Васильевич зэв аслыспёлос морт: аслыспёлос этша, аслыспёлос видзёдласа мувыв олысь. Овлё, шуас кывтö, да кок чунь йылодзыд мёрччас. Кётын якшын олём, кётын якшын литература йылысь. И чужан мусыс сылы вичмёдёма-козыналома енбисё дzonь нёб, кык морт босытчан кыскыныссо, да он вермы. Ме збыль шуа, а ог Геннадий Васильевич водзын бур туйё пуксьём ради. Енмыд тай ассыс биторсё оз быдёнлы сетлы. Кодлыкё сийё вичмё, а кодлыкё и оз... Гашкё, наён Сыктыв вожё Енмыс и збыль дыр кежлё сибавлёма да азыма кёдзёма ассыс югыд кёйдиссё кольём нэмё? Од буретш тасянь ыджыд олёмёт петис миян югыд кодзувным, Иван Алексеевич Куратов. Чукломын быдмис да верстяммис нималана коми шмонь гижысь И.И.Сажин (Ичёт Иван). Межадорын енбисыс ыпнитис быдёнлы тёдса Степан Семёнович Раевскийлён. Тасянь жё ыджыд олёмёт петліс Иван Павлович Морозов, коді кызы кык во чёж веськёдліс Коми муён да эз кисыт сийёс якшын веськёдлысьяс моз, а мёдаро — кыпёдислэптис. Сыктыв мусын быдмисны-сёвмисны да бордъясисны республика пасытала нималана журналистьяс: А.В.Сажин, В.Е.Кушманов, Н.Т.Пунегов... Позьё и водзё лыдьёдлыны Сыктыв во жын чужлом-быдмылом пыдди пуктана войтырлысь овъяссё. На

радын, дерт, и Геннадий Васильевичлён нимыс. Чужлёма Геннадий Васильевич Ыджыд война водзас на, 1940 воын, Кычаныб грездын. Помалёма Визинса шёр школа. И сё дивö! Дас сизим арёса зонкаён босътчома корреспондентавны ас районса газетас. Зильёма-уджалёма быдса кык во. Абу тай повзьёма-öвтыштчома: ог по куж да сямой абу. Сідзкё, эссылёма аслыс, школаын босътём тёдёмлунъясылы. Районса газетын корреспонденталёмыс югзьёдис синсо том Беляевлысь. Тайё кык воыс зонлы лои бур, зумыд подулён, мед нэм кежлас пырёдчыны журналистикаö, йитны асьсö коми печатькёд. Но водзё велёдчытöг овны эз нин позь. Öд школыд школа и эм, мед кёть и бур. А мукёд тёдёмлунсо сетёны вылындыхык. Та йылысь тшёкыда мёвпавліс Геннадий Васильевич да пырис велёдчыны Коми пединститутö, историко-филологической факультетö. А сэсся, позьё кё сідзи шуны, нэмсö велёдчис да уджаліс. Уджаліс да велёдчис. Быдмис ыджыд мортöдз да уна мукёдöс на бурас велёдис. Велёдчомсö кё висьставны, помаліс Коми пединститут, сэсся КПСС ЦК бердын общественнöй Наукаяс академия. Сэні жё гижис да дорийис диссертация, мёд ног кё шуны, лои филология наукаясса кандидатён, учёнойён... Тайё оти боксянь. Мёд боксянь кё, и коми печатьсыд, журналист уджсыд, Геннадий Васильевич эз кёдзöдчы. И кыдзи нё эновтан тайё «висяна» уджтö, дас сизим арёссянъ кё сійё тэнад вирын, лолын, съёлёмын олö. Быдса дас нёль во мырсис-зилис «Югыд туй» газетын, дас восё редактораліс. Бур, шоныд кывъясон Геннадий Васильевич казтылё В.Е.Кушмановös. Тайё нималана мортыс, коді юрнуöдліс коркё и «Югыд туй», и «Красное знамя» газетъясон, вёлі да век колълі Г.В.Беляевлы бур ёртöн, олёмас велёдьисьён. Кор колё вёлі, и отсавліс, тёлка-вежöра кывтö шуліс. Василий Егорович Кушманов уна



Геннадий Васильевич Беляев да Дмитрий Мартемьянович Леканов (Коми книжной издавательства директор). 1981 вося август 20 лун. Сыктывкарны усьём воинъяслы Вечной славы памятник восьтём. (Снимокъясыс Геннадий Васильевичлён архивысь.)

журналистостөс «казяліс», уна журналистлы восьтіс олёмө туй. И ме тшотш сійос аттьёала, көтү мортыс бура важён нин муніс тала-дор югыдсыыс. Аттьёала, мый Ко-ми пединститутын на велёдчи-гён отчыд да мёдысь корліс ас ордас, «Красное знамя» газето, сёрнитіс мекёт, студенткёт, та ыджа чина морт, вўзийис зиль-джыка пырёдчыны журналистикаю, сетліс темаяс... А кор по-малі институт, босьтіс удж вы-ло. И буретш мёд велёдьысьнас лои В.Е.Кушмановлон бур ёрт да земляк Г.В.Беляев. Збыль тай шуломаось, олёмад по ставыс ота-мёдьыскёт йитчома. Бура пом-нита 1980 вося гожём. Витёд во нин ме уджалі «Красное знамя» газетын. Пета волі отпускё. Паныдали В.Е.Кушмановкёт (сәки

«Красное знамя» газетса главной редактор). Орчён суало Ген-надий Васильевич и шуё меным:

— Ольёксан, тэ ѡд коми морт, а уджалан роч газетын. Лок «Югыд туйё», миянлы йёзыд колёны жё.

— А мый, Геннадий Васильевич буртор вўзийо. Вудж вай, ме абу паныд-а,— пырёдчис сёрнио Василий Егорович.— Отпускан и вудж.

Ме эг ло паныд. И тёлышы мысти уджалі нин «Югыд туй» газетын. Волі отделса веськёдлысъён, редакторос вежысъён, сәсся и юрнуодысъён. Нэм чој кута бур кывыон казытывны В.Е.Куш-мановос да Г.В.Беляевос сыйыс, мый найо ышёдісны менё йитны олёмос коми печатькёт, велёдісны, туйдёдісны. Көтү эсько, шуны кё веськыда, уджавны Г.В.Беляев веськёдлом улын эз вўв зэв кокни. Геннадий Васильевич ичтётсяныс велалома ёна уджавны-мырсыны да корис татшом жё водзёс и муқодсянъ. Ачыс тшо-кыда гижліс, йёзёдліс статьяяс «Югыд туйын», «Войыв ко-дзулын». Печатын зилигён на сяммис ләдзны литература туялан некымын небёт.

А сәсся... Сәсся Геннадий Васильевичлон олёмын лои виччысъ-том вежсъём. Партия обком индіс сійос выль удж выло — телевидение да радиовещание комитето предён. Веськыда кё шуны, нопыыс ок съоқыд. «Югыд туйын» кё волі кызы—кызы вит морт, телерадиокомпанияын — куимсё! Но мортыд эз тай повзы, босьтчис уджё. Унатор сяммис вочны, унаторио выльыс велёд-чис, унатор, тыдало, и олёмсыс гёгроис. Ме чайта да, сійо во-ясыс Геннадий Васильевичлон олёмын воліны медся съоқыдось. Буретш сәки партия кутіс киссыны-пазавны. Польыштісны, кы-дзи асынм гижлім, реформалон выль тёв ныръяс. Олём кутіс вежсыны, но эз пыр бурланъё. А сәсся и дзикодз гудыртчис...

Видзёдлыны кё Геннадий Васильевичлон олан туй выло, сә-тысы ясыда казялан кык визь. Ётиыс — журналистика, мёдыс —



Нылышкёт.

литература туялём. Коми печатын Геннадий Беляев быдмис нималана мортёдз, таись сийёс пасйёма народъяслён Дружба орденён, медальясён. Нёшта содта: Геннадий Васильевич — медвоздза коми журналист, кодлы вичмис Коми республикалён Госпремия, и буретш журналистика юкёнын. Но Г.В.Беляев некор (тёдчода — некор!) эз лэдчысыль и литература туялан уджысь. Коді босытло киас «Коми му» газет либо «Войыв кодзув» журнал, пыр и казялас тайёс. Кольём во на сылён гижёдъясыс петісны «Коді сийё, коді тайё...» нима торъя небёгён, а татшом небёгыс пё, нюм сорён висытало Геннадий Васильевич, чёжсис некымын... Сийё пыр корсысьё-лукыйсьё архивъясын, кежало библиотека-ясо, пыр мунё-жёдзё... А мыита вын пуктіс, медым тёдмавны коркоя (ёнія йөзөн вунёдом нин) гижысьяслысь нимъяссё, наён вочёмторсö. Сыёлёмсянныс туяліс М.Н.Лебедевлысь творчествосё, донъяліс П.Ф.Шаховлысь, И.Г.Тороповлысь, Г.А.Юшковлысь ги-жёдъяссё. Донъяліс эз кыдзкё да мыйкё, веркёса, а ас ногыс — стрёга да пыдісянъ. Коми литературасо сы кодь донъялышыс буретш и оз тырмы талун том учёнойяс пёвстын.

...Кадыд тай ёдйё лэбб. Войт бёрся войт быттью содё арлыдыд. Регыд нин бара Выль во пуксяс, муртса сыодз коли. А локтан вовоис зэв тёдчана Геннадий Васильевичлы. Сылы тотшнитас 65 арёс. Сомын на 65. Буретш январ 1 лунё.

...Кор часі вылын лоё дас кык бёр, ме быть звёнитла Геннадий Васильевичлы да чоломала сийёс тайё тшупода паснас. Мися, кузь нэм да бур шуд, дона коми морт! Дыр на ов да гажёд таладор югыдсё, корсысь да гиж.

Ме тёда: сийё лунас ог ло ётка. Унаён чоломаласны Геннадий Васильевичос. Пёся да сыёлёмсянныс.

Кузь нэм да бур шуд, дона коми морт!

Александр Ульянов,
гижысь.



*«Войыв кодзув» редакция да редколлегия нимсянь
тишёти чоломалам Геннадий Васильевичос тайё луннас.
Эскам, мый и водзё йитёдным кольё.*

Кутшён збыль вылас вёлёма

Мечтатель, поэт, журналист. Экономист. Депутат.
Водзё видзёдысь и аддзысь, кадсё тэрмёдлысь
комиссар. Сійös
тёдліс Россия.

Коді сіё Дмитрий Яковлевич Поповыс? Сы йылысь сёысь нин гижло-
ма, и быттё тёдам. Но пыр ылёсас,
ог стёча. Кутшён мортён вёлёма?
Вот та йылысь этша мый аддзан. Сёмын сылён делёяс да шог-мог йылысь
архивö колышталём документъяс.
Да Нёбдінса Витторлон казтылёмыс.
Дмитрий Яковлевичос сіё бура тёд-
малёма первой Дереваннойса второ-
классной школын велёдчигас: ве-
жа ай Дмитрий сэки — абу сёмын
сиктса вичкоас поп, но и школаса
сёветас председатель (лыдды — директор, заведующой) да закон
божий велёдьысь. Сэсся бёрын, верстёнас нин, кор ётвылысь
лэдзёмны «Зырянская жизнь» газет либо вёлёмны мукёд удж
вылын.

Кодсюро (М.Таскаев да мукёд) дыр гижисны, Дмитрий Попов
по чужёма Выльгортын, сэсся шыльыддыхыка, «чужёма» кыв-
тёгыс нин, Выльгортса Яков Попов поплон пи по. Гижлісны тшотш,
чужёма по Нюдзпоскаын (онія Койгорт районын Нючпас). Но
та лыдысь нинём чорыда эскёмён шуны он вермы. Нинём серти
шунысö.

Дмитрийлон польыс — Волся вичкоса дякён Стефан Попов,
а сылён Яков пиыс священнослужитель (поп) Нюдзпоскаын, сэні
1868 во пуксытытёдз. Дмитрийлон мамыс, Анна Александровна,
вёлёма вичко служитысьлён нылён жё. 1868 во пуксигас, янва-
рын, Яков Стефанов Поповос вуджёдомаёсь Выльгортö. Сэні
Дмитрий пиыс некыдзи ээ вермы чужны: сэки сіё вёлёма вит
арёс тыртысь детинкаён нин. Но... абу чужёма и Нюдзпоскаын:
сэтчёс вичкоса метрика книгиын сы йылысь 1860 воясё абу не-
кутшён пасйёд, а сёронсяджык вичко бумагаяс серти оні стёч
нин тёдмалёма, мый Д.Я.Попов чужёма 1863 вося май 2 (14)
лунё. Батыыс жё сэки стёч попалё Нюдзпоскаас. Артмё, гётырыс
ветліс писё чужтыны кытчёкө мёдлаё?



Сыктывдін уездса вичкояслён 1910 вося клирўой ведомостын стöча (абу сьёкыд гёгёрвоны — документъяс серти) гижалома дзоңынас Д.Я.Поповлысь семьясö да службасö*. Ачыс священник, витöд вичко округса благочинной (округас сэки пырёма 11 вичко да приход, а благочинной — сий округса став поп вылас ыджыд). 48-öд арös вылын, чужёма 1863 вося май 2 (14) лунö. Гётырыс Анна Александровна, 42 арёса. Сэсся, чужан во и лун быдöнлысь стöча индаломён, лыддьёдлёма квайтнан — 1910 во кежлас квайт — челядьсö. Со найо: Александра — велöдчö Санкт-Петербургын высшой женской курсъяс вылын; Мария — велöдö земской училищеын; Сергей — Кожеозерской манастырын; Надежда — велöдчö гимназияын; Феодосий — велöдчö земской училищеын; Борис — гортас (куим арёса на).

Дмитрий Попов велöдчöма Вöлögдаса духовной семинарияын, но абу помалома (мыйлакö квайтöд классыс мунöма, корисны гортсаясис али мыйыськö вётлісны?), 1882 воё (19 арёса нин) мунöма сэтыс. Кык во мысти пунктöмайтас Дереваннöйса Христорождественской вичкой псаломщикöн, нöшта кык во мысти — дякёнöн, нöшта кык во мысти, 1888 воё — священникöн нин. Öдйö быдмöма! Псаломщикалигас на лоёма сиктса церковно-приходской школаас учительён. Попас пунктöмкöд тшöтиш, öти лунö (1.10.1888) индöмайтас приходской школанас веськёдлыны да нүöдны закон божий. В.Савинлён казытылёмъяс серти ми тёдам, мый Дереваннöяс 1900 воын, бара жö октябрь 1 лунсянь, восьтöмайтас второклассной школа. Дмитрий Яковлевичöс индöмайтас сийён веськёдлыны да закон божийсö тшöтиш нүöдны. (Во мысти сы син уло и веськалас Нёбдиньс зэв писькös вежёра да вильиш зонка Виттор.)

1893 воё священнослужитель Дмитрий Поповлы сетöмайтас награда-набедренник, 1899 воё — скуфья, кык во мысти — Библия, 1903 воё — камилавка. 1910 во кежлö вежа батьлон вёлöмä куим медаль, на пиыс öти — Россия пасьта медводдза перепись бура нүöдмис.

Витöд округас Д.Попов первой кöкъямыс во вёлöмä благочиннойлы отсасысыён, сэсся 1903 восянн — благочинной, сэксянн жö епархиальной да окружной съездъяс вылö депутат. Синод индöмайтас 1898 воё на зырана кыв вылö вуджöдöм став литература вылас цензорён.

Выль кадö, 1918 восянн, Дмитрий Яковлевичлысь олёмсö ми, чайта, медбура тёдмалам Нёбдинса Виттор серти. Д.Попов да В.Савин — вичкоис да Енлы эскöмис эновтчом-чöвтчом (коркö збыллыс эскылёма-ö?) поп-комиссар да сылён школасянь велöдчысис-быдтас — кык революционер, кык поэт да редактор. Виктор Алексеевич босытчас казытывны ассыс учительсö 1921 вося арын, кор воас сылён кулём йыллыс юёр. Пуксяс, тыдалö, гижны некролог, но радейтана морттö казытылгöн öддзöма и артмöма очерк, кёні Дмитрий Попов петкöдчö дзик ловъяён. Гижöдсö Савин, «Югыд туй» газетса редактор, йозёдöма 1921 вося йирим (октябрь) тölиссö, учительыслён кулём бöрын недыр мысти. Некутшöм юрним весиг абу, прöстö сьёд рамкаын

* Семья, служба, мынтысöм удж, наградаяс йыллыс ставсö гижёма 1910 воё Дереваннöй вичкоса псаломщик, гётыртöм том морт Александр Пальшин киён — видзёд НА РК, фонд 230, опись 1, ед. хр. 351, лл. 650-652.

Д.Я.Попов

«Ме тёда Д.Я.Поповös 1901 восянь, кор велёдчи на Дереванёйса второклассной школын. Сийö сэки вёлі Дереванёяс по-пён, тайё школаас Сöветса Председательён да законоучительён. Но, колё мем шуны, аслас велёдан предмет — «закон божий» вылó сийö и сэки нин видзёдис вач веськодя: вёвлі, локтас классö, тшёктас кутшомkö велёдчысылы висьтавны колана «урёк», а ачыс сувтас öшинь дорас да видзёдö кытчёкё ыліас, видзёдö да мёвпалё пыдö вежёрас пуксьём кутшомkö мёвп, а велёдчысылысь висьтсö оз и кызвы. Мый йылышы сийö сэки мёвпаліс?.. Сэсся бöрйисны 4-öд Госуд. Думаö членён. Сыктывдінö бёр локтём бöрын босытчис уджё крестянакöд отвыйлысь — лёсъбдны Сöвет власть. Вёлі Уисполкомса предös вежысыён, Финансъяс Юкёнён Веськёдлысь, Социальной Обеспечение Юкёнён Веськёдлысь, Совнархозса Председатель, «Зырянская жизнь» газетса Редактор, ветліс Югдинö Губсовнархозын уджавны, а сэтысь локтіс люгилеги дзоньвидзалунён нин, и Сöветской стройтельство зіля нуюдомысь сылы лои вешыйны. И муніс сийö сьёкыд мёвпъясон... Кутшома сийö сямыліс сетчыны уджыслы, тыдалё татшомторыйлысь. Кор сийö вёлі «Зырянская жизнь» газетса Редакторён, ковмыліс сылы гижны зэв уна. Сылысь передовицаяссö и «Зырянин» да «Пунимов» псевдонимъяс улын статьяяссö, Зырянской крайлон экономика кузя сылысь гёйрбок бура дасьтём докладъяссö (тані докладнас В.Савин шуё либо ыджыд, газетлон уна номерын йöзöдан статья, либо быдса брошюра тыр гижёд — Г.Б.) — тёдö на «Зырянская жизнь» став лыддысылыс. И со öти тайё кадö сьёкыд висьём водтöдис сийös вольпасьё. Врачьяс вельёна повзьöдлісны да тшёктісны сылы овны «строг покойын». Редакционной Коллегияса член могён ме отчыд локта сы ордö паттераас да суа сийös тешкодьён: ачыс куйло нисьё пукало вольпасяс, а крёвать весьтас вёчома табуреткаысь да дзоридз уло тумбочкаясысь мыйкё конторка сямаёс да гижё экономической доклад «Железнодорожная линия Мураши—Устьсысолыск—Ухта». Мися тадзинад сёмын сьёкыдджаыка висьман, а сийö та вылó шуис: «Ог вермы, В.А., сізд куйлыны, уджтöг; колё тэрмасьны...» И тадзи сийö уджаліс пыр, лун и вой; тэрмасис быдсияма докладнас. И аслас олёмын медбörья лунъяссö Д.Я., тыдалё, колляліс увтыртём Коми йöзлён пемыдлунсыыс, сьöдсыыс, асынисö гёйрвотём олёмсыыс öдйöджык петкёдöм вёсна тёждъясон жё. Тёждысис и висис. Тавося сентябрь 24 лунö сийö мем гижис:

«Зэв пыдди пуктана Виктор Алексеевич! Проститöй, гижа мисьтöма, сы вёсна мый куйла вольпасыын... пукавны ог вермы. Öni Тиян Партиято весалёны. Колё шуны, торйён кё миянлы — сиктса олысъяслы, мый тайё — медся колана выйöдзыс нин воёмтор да мый ылі пельёсъясад öткымын коммунистъяс понда олёмыс эз ло. И мый сёмын найё оз вёчны, быттьёкё наропшö уськёдёны йöз син водзас, янёдёны ассыныыс партиясö да онія кадся сийö зэв ыджыд социальной вörzöмсö, коди пыр вёлі став сёстомыслён, джуджыдыслён, югыдыслён пасён! Менам, кёт и беспартийнöйлён, збыль, тайё мисьтöмторъяссыыс сьёлём висьмис

(водзё сійё гижё тайё мисьтёмторъяс йывсыс, найёс вöчысьяссö нимъяснас веськыда индалёмён). Ме оні дзонынас примита Коммунизмлышь великой учениесö (войдёр сійё вöлі с.-р., но 1918 восянь нин нином эз ётуvt тайё партияыскöд да бумагаясас пыр пуктывліс: «Р.К.П. дор суалысь») да важёнкодь мёвпала аслам нэм помасигён пырны Партияö мед кöть и абу ыджыд да зиль удж могысь — висысь од ме и, дерт, уджавны ог нин вермы, а прöстö, кыдзи эссысь морт». Письмоыс вель кузь (четверть ыджда 8 лист бок), гижёма абу нин сійё почеркнас, кутшомёс ме тёдлі водзджык... Став 8 лист боксо тыртём бöрын сійё 1-од лист дорас гöрд карандашон вöчома содтöд: «Я еду в Устьсыольск прямо в больницу, дол. быть, умирать».

Сійё водзвыив нин адзёма помсо и та бöрын кык вежон мысти куліс.

Сэтшом йёзыс, кыдзи Д.Я.Попов, шоч вöлі революционной тыш лунъясас Сыктывдін уездын, и сы йылысь паметь мед эськё колис миян пöвстын — том уджалысьяс пöвстын, кодъяс петім выль олём арена вылас сы бöрся.

Узь лёня, дона велёдысь! Аттьё уджалысь йёзлы выло став тэнад вöчомторыйсь, мый тэ пыр вöчлін эн полём вöснаыд, а сёвесть серти!

В.Савин».

Тадзи торъялёмайось вичкоысь чöвтчом поп-комисsar да сылён велёдчысыс. Кык революционер. Кыкнанныс поэт-редакторъяс да кыкнанныс — быдсяма уджас повтöг босытчысьяс.

Кыдзи да мыйён Югдінас сэтшом чорыда висьмёма рясасö пöрччысь дзор комисsar? Од сійё абу на и пöрысь вöлöма — 58 арёс. Кылёма, тыдалё, матыс помсо да, буракö, Сыктывдін карö прамёя либö нач сувтлытöг мунёма Дереваннöйса аслас керкаын кувны. В.Савинлы письмёас эськё и шуö, гöрд карандаша содтöдас, локта по карад больничай. Абу нин веъялёма...

Йирым 9 лунё петёма лолыс.

Дмитрий Попов унаторыйн вöлöма мукöдссыс водзын. Миян, овлö, зильёны лэптыны сэтшомъясöс, кодъяс либö этша мый бурсö вöчисны Коми мулы да йёзлы, либö весиг сöмын дзугисны делёсö. А Попов кодь югыд юраяссö вунёдёны либö гёгёрвотöм помка вöсна, либö тшöктöм серти. Сылён кулём бöрын вель дыр мысти нин Андрей Цембер вöлі сувтлёма Дереваннöяс, пыралёма видлыны Поповлысь дёвасö, Анна Александровнаöс. Сійё по тшыгъялё, и тшыгла кулёмссыс по видзö сöмын нылыс. Дмитрий Яковлевич, тыдалё, бокö некодлы абу норасылёма, но гöтырыслы век жö шулывлёма, Сöвет власытыд по менё вунёдис.

Ёнджыка на властьяс зилисны сійёс вунёдны бöрынджык. Видзёттö, 1921 воад кутшома на ошкёмён Д.Поповтö казытылёма Нёбдинса Виттор! А бöрынджык? Тайё эсерыслён, «буржуазной националистлён» и с.в. нимыс лои пинясяна кывйён. Сійёс эз позь весиг гаравны. 1933 воё, кор Нёбдинса Виттор бара кöсий казытывны уездса да обласытса газетъясысь став вöвлöм редакторъясö, кодъяскöд ачыс уджавліс, Дмитрий Поповъясöс, Степановичсö и Яковлевичсö, сылы лоёма «вунёдны» нин. Найё веськалёмайось врагъяс лыдö. И В.Савин 1933 воад гижё: «Со газетлён медводдза редакторъясыс — Чумбаров-Лучинский, П.П.Попов, А.С.Иевлев, Н.П.Попов, кодъяскöд ме тшётш уджавлі».

А Дмитрий Попов, Дереваннёйса поп, казялёма В.Савинёс школьникнаас на: вывті нин сійё вёлёма югыд юра, весиг вильшасьёма абу ётмоза бобъяс моз, а кыдзкө «интереснёя». Дмитрий Яковлевич радейтлёма сійёс второкласснёй школаас да прёститлывлёма «грекъяссö», ёд зонкаыслён став 13 предметсыс пыр вёлёма сёмын ёти оценка — «пять» (отлично). Но и Виктор сэки нин казялёма, мый школа сөветса председатель абу мукёд велёдись кодьыс, а Савинлён вильышлунсь сёмын нюмъялёт, а то и кыдз вермё күтö пыльсунны кёсийсь-вöйсись серамсö.

Кор Виктор Алексеевич, семьяя нин, грёштöг зептас локтёма Сыктывдін карё, медводз сёмнаас отсыштас Д.Я.Попов. (Сідз жё и Андрей Цемберлы: лышкыд мортон вёлёма Дереваннёйись «отеч».) Вермас лоны, сійё жё мыйкё вёчис, мед Савин веськалас «Зырянская жизнь» газет редакцияö.

Д.Я.Попов — коми школа да сылы велёдчан книгаяс, литература дасьтыс «Коми комиссияын» медзіля уджалысьяс лыдысь. Сійё абу сёмын коми кыв радейтыс, а чужан кывсö сёлёмнаас кылысь. Поэт. Сійё лоё быттьё дзебасын 1926 во бёрын, кор Москвайын Илля Вась лэдзас «Коми гижыссяс» сборник да сэтчö тшётш сюяс «Мит. Як. Поповлысь» кывбуръяссö. А ёд сылысь дас кывбур лэдзёма 1914 воё на Усть-Сысольскын «Коми майдан да сылан кывъяс» сборникас А.А.Цембер. Интереснё пасыйны, мый даснансö гижёма буретш 1914 воас да ёти апрель тёлышсö и, кыдзи авторыс индёма, даснансö «Питирын». Либё сёмын Госдумаас депутаталігён босытчылёма, быттьёкё дзик ёти тёлышсö весиг, кывбуравны, либё сылён мукёд кадся поэзияыс миянёдз эз во да некёні оз гаравсы. Со 1914 воё Питерас гижём кывбуръясысь кык, «Эжва» да «Вундём».

Эжва

Эжва, Эжва! Тёв и гожём
Кытчö ватё ассыд нуан?
Кымын шорён, кымын вожён
Бёрысь, лудыйсь зэртö юан?
Кымын морт тэ вывті ветлö
Пыжён гожём, тёлын вёлён?
Кымын морт тэ дíнын пётлö?
Мыйта овмёдчис тэ пёлён?
Тёлын шыльыд туй тэ ваян,
Гёгёр кытшлаломысь чинтан,
Тулыс видзяяс выlö каян —
Турун пёткодан да вынтан.
Тулыс тэнад пом оз тыдав,
Пуктан гёгёрыд тэ лыа,—
Тёвлы ворсны тэныд гыда:
Быттьё саридз — вылын гыа!
Кымын морт тэ дíнын вердчö!
Пуръяс помтöг лун-вой кывтö...
Быдён удж Эжваын бердчö,
Кынёмпöt шедö тэ вывті!
Воас шойчёг,— ёні дырый!
Кöть и гортö нэм эн пырлы!
Шоныд рытъяс Эжва кырыйн
Сылём, гажёдчом оз бирлы.

Вундём

Лунтыр копрасям ми мүөдз:
Чарла вёрё, чарла ворсö,
Сэні шёрсö ректіс күшöдз,
Сэні күштö сiйö дорсö...
Йöртöд зарни няньён тыртам,
Сöмын из да шомöс вöч!
Вöвлы-мöслы идзас пыртам,
Выя рокён пöтас пöч.
А кор бырё, йöртöд чышкам —
Гöльлы уна оз и ков!
Коркö тшигъялам, кор вишкам,
Корсям удж — бара нянь-сов!
Вундём зiл! Чомёр вöчам,
Рытын небзьöдам ми кос.
Чумалияс, сёром тэчам...
Тэрыбджыка пуджой сос!

Гашкö, эм Питерас Госдумалён архивъясын мыйкö, а миянтанi, Комиын, Д.Поповлён, тыдалö, абу кольёма ни öти, некутшöм личной делö. И чужёмсö онöдз тöдлiм сöмын группöвой фотография серти (коркö 1919—1921 вося, снимайтчомаöсь дас сайö морт, и на лыдын дзор уска-тошка да юрсия «пöль», стöча тöдмалöма, мый тайö Дереваннöйса вöвлöм поп, комиссар). И со дзик неважён меным отсалiсны аддзыны архивын куйлысь важ, томдырсяджык портрет (1902 вося кö, кыздзи карандашён пасийма мышкас, то буретш татшöмён Дереваннöяс Д.Поповöс медводдазысь аддзис В.Савин).

Дмитрий Яковлевичöс дыр лыддьöдлiсны лёк войтыр радын, кодi быттьö вöчлöма йöзыслы сöмын омольсö. Онöдз тайö «йöлögäыс» тшötш оз сет, торкалö мортсö пуктыны коми историяын ас местаас. Но отсалоны сылён бур делёяс. Ог тöд кодлы кыздз, а меным отсыштö тшötш и томдырсяджык снимок-портретыс, кöнi Дмитрий Яковлевич восьса кымёса, мича уска-тошка, абу на дзор.

Сiйö вöлöма визув, бырлытöм эбöса, додь кыскысь мортöн. Со татшöмтор.

1914 вося юныын Николай II вынсöдöма Романовской комитет йылысь Положение. Кад сертиыс кö шуны, тайö кутшöмакö тшötш и мирöвой война кежлö дасьтысьöм — лöсöдчомаöсь нин и Россияны? Тайö комитетыслöн мог: «воспособление делу беспризорных сирот сельского населения без различия национальностей, сословий и вероисповеданий». А война пансöюм бöрас комитетыслысь могъяссö паськöдлöмäöсь, попечительской тöждыс сылён, дерт, содöма. Восьталöмäöсь сэки («романовскойысь» кын-дзи) тшötш уездъясса земствояслысь да частной приютъяс.

Романовской комитетыслöн лöёма Сыктывдiн уездса юкён-отделение, а сiйö восьтöма 1914 воё Кулёмдiнын да Визинын сирötаяслы керкаяс. Татшöм шог-могнас ноксöёма уездса комиссия, Сыктывдiнса комиссия вылас 1915 вося кос му (апрель) 28 лунö (война нин) кызвöмäöсь Государственной Думаса шлен, Дереваннöйса священник Дмитрий Поповлысь письмö. Сiйö шыасьö письмёнас уездса Земской управавысь председатель И.Булатов дiно (вай ог комиöдöй, а то «кörссыс» мыйсюрö вошас. Тайö письмёсö, буракö, медводз петкöдiс архивысь Н.И.Сурков):

«Глубокоуважаемый Иван Варфоломеевич!

Обращаюсь к вам с усерднейшей просьбой. Меня очень озабочивает положение малолетних детей крестьян во время стра-ды. В обычное время днем несчастные малютки остаются без всякого призора или же с такими няньками, которые сами требуют бдительного присмотра. О печальных последствиях этой беспомощности среди крестьянства не нужно говорить, они ведомы всем вникающим в крестьянскую жизнь.

В настоящем году вследствие постоянных тревог жен ушедших на войну за судьбу своих мужей, недостатка рабочих рук, отсутствия руководителя и неумению ориентироваться в работах детям этих семей грозит полная заброшенность и беспризорность».

Сэсся Д.Я.Попов гижё, ме по эсько кёсий восьтыны яслияс Дереванной вёлосытын июнь 7—9 лунсянь август 15—20 лунодз. Сэки по сы мындано посни челядьёс мамъясыслы дзик некытчо кольны. Но менам по та выло сём оз судзсы да «усерднейше прошу Вас, не можете ли Вы отпустить из земских средств на оборудование и содержание этих яслей рублей 150 или по крайней мере 130 (...). За отсутствием сметных назначений на этот предмет, не найдется ли возможным удовлетворить мою просьбу из каких-либо остатков или подходящих ассигнований (...).

Умоляю Вас от лица этих несчастных измученных матерей что-либо сделать по моей просьбе. Если бы явилась возможность ассигновать сумму, то не откажите уступить под квартиру для яслей помещения земских училищ в с. Деревянске и деревне



Тані вёлі Дереваннойса второклассной школа, коні аддзыисны В.Савин да Д.Попов. Кутшом ёшињё эсько видзёдіс Дмитрий Яковлевич? Колян нэм 80-ёд воясся снимок.

Нижнеконецкой. Покорнейше прошу не отказать мне в ответе.

*С совершеннейшим почтением член Государственной Думы
священник Д.Попов.*

17 апреля 1915 года».*

Депутатлысь письмосö видлаломаöсъ уездас комиссияён да согласитчомаöсъ сыкёд. Но татысь съём абу аддзомаöсъ да шыасьомаöсъ Романовской комитетлон Вёлётгда губерняса юкёно, корёмны 1000 шайт. Кыдзи-мый сысянь вочавидзисны, архивысь нином на эз сюр.

Дмитрий Поповлы, кыдзи шулывлёны, быдтор колёма, некор абу овсёма чёв усьёмён. Та йылысь жё висьталё öти вёсныыдик небёг, лэдзомаöсъ Сыктывдин карын 1916 воё на «Следников и К°» типографияын. Корка вылас гижысылён ним — Государственной Думаса шлен Священник Д.Я.Попов. А небёгыс шусьё «К вопросу о железнодорожном строительстве на Севере». Мый йылысь сиёö, мыйла поп-депутат лыдьёма коланаён лэдзны?

«Войыв да, торийн кё, Сыктывдин уезд, коди 14.181.303 десятина** пасьта, онёдз кольёны кёрт туйысь бокын. Ставныс зилисны сюйсыны лунувывланьджык, си вёсна мый войвылад писькодчыны сёкыд дай эз тёдны татчёс озырлунъяссё, а найё зэв гырысысьось», — гижё Д.Попов.

Но война пыркнитис-вёрзьёдис Россиялышы став экономической олёмсö да петкёдліс, мый важён нин колё да позис вёчны. Войнаыс поё ёна тшёктис Россияын петны Вой саридз динё. Сёмын оні на эштёдёны Мурманё кёрт туй, а ме уна тёлка йёзсянь кывлі: вёлі кё сиё 1913—1914 воясö нин, Германия эсько эз лысыт Россиякёд панны войнасö.

Автор висьталё, кутшом проектъяс вёломуаöсъ.

1912 воё вёзйиломаöсъ Обь—Из—Беломорье кёрт туй проект (сийос дасьтысъяс пиысъ öтилон ов серти шусылома Вольтманлон проектон). Из вомён вужём бёрын визьсö нуюдломуаöсъ Мылдин сикт вылё, сэсся водзё Ухта, Пинега да саридзёдз вобдчо Кардорын. 1913 воё проектсо примитломаöсъ нин, да торкёма войнаыс. Таво (гижигас, 1916 воё) Министръяс Сөвет бара примитліс, но Государственной Сөветлон мёд департамент бёр бергёдёма.

Таысь отдор 1915 воё художник Борисов дасьтёма мёд проект, сиёö кёрт туйсö шуёма нюжёдны Сыктывдин уезд вомён: Обсянь босытчо сиёö сэні, кёні усьё Иртыш, сэсся Из вомён — Немдін—Кулёмдин—Сыктывдин кар и водзё рытывывлань Эжва шуйга берегті Котласодз. Борисовлы сетёма нин поё кык во кежлё «высочайшие разрешения» да съём, мед корсысъяс. Д.Я.Попов гижё, тайё кёрт туй кузаяс поё кутас воны Сибырысь нянь, вый, яй да с.в., Из-Уралысь — чугун, руда, ломтас, си динё жё Коми мүёд визувутысь уна юті мёдасны кылодны вёр.

Борисовлысь проектсо дорыйны Петроградас мёдасын нин локтёма Сыктывдин уездысь депутация. Авторыс уна висьталё аслас старанныё йылысь. Пыр поё видзёді, кыдзи мунё делёыс, да вёчи ставсö, мед кёрт туй писькодисны уезд вомён, «тёлышсё дзоньнас ме лэдзчысыльтог да шойчытог видзи си вылё, медым, кёні сёмын позьё, эскёдны, гёгёрвоёдны, миян дор кыскыны». Худож-

* НА РК, фонд 116, опись 1, ед. хр. 312, лл. 220—221.

** Десятина — 1,09 гектар.



Вёвлём земской управы. Сёвет власть пансиғон тан вёлі Устьсысольскса уисполком. Таны, буракё, и уджавліс Дмитрий Яковлевич Попов. Снимокы 1912 вося.

ник Борисовкёд по ме вёлі Госсоветлон мёд департаментса юралысь граff В.Н.Коковцев ордын, департаментас вит морт дорын, пыралёма көрт туй министрөс вежысь И.Н.Борисов дінё, МПСлон инженерной управлениеса начальник Козырев дінё. Графыс примитлёма коми депутатос и мёдысь на, кор сылы воёма Вёлётада губерняса земстволон телеграмма.

Петроградас художник Борисов, Государственной Думаса шлен Д.Я.Попов (дженызджык нимён асьсо ньётчыид оз шулы, а проект вёчысыыс мыйлакё пыр инициалтём) да мукёд по уна тёлкүйтисны, кыдзи эсъкё став позянасö вёчны, медым оз кё удайтчы вештыны Вольтманлысь проектсо, то көть ылыстны сийёс вынсыдан кадсö. Но уездса депутатиялон коромыс, код дор сувтис Госдумаса Шлен Священник, финансъяс министрстволон доклад серти, видлаліс Обь—Белой море (Вольтманлысь) проектсо да примитис сийёс, медым ыстыны сэссе мёд департаменто.

Попов кузя гижё, күтшом докладъяс да сёрнияс вёлёмайс, мыйён подулаломаёс и отдортын кёсиймайс оти и мёд проектсо, мыйта бурсо эсъкё сетис миян уездлы да Войывилы Борисов серти нюждём туй. Но кос му 29 лунё Госсоветлон мёд департамент абу вынсыдёма и мёд проектсо.

Брошюрасо Дмитрий Яковлевич помало тышё чуксалана. Войывив олёмын по оні критической кад. Индома комиссия, сийё лосьёдё Российской империяны көрт туйяс стройтан отувъя схема, и мед эсъкё миянлы лёсяланаджык проектыс сэтчо веськаліс медводдзаяс лыдын. Унатор по вермас вёчны и карьясса да земствоса самоуправление. Помас пунктёма:

«Государственной Думаса шлен священник Д.Я.Попов.
Устьсысольск, август 1916».

(Тайё гижёдсё, этша мый вежжаломён, автор йёзбдлёма мёдысь 1918 воё «Зырянская жизнь» газетын моз (август) 27 лунсянь иирым (октябрь) 12 лунёдз.

Но художник Борисовлён мёвпыс сідзи ээз и збыльмы. Регыд пуксис мёд олём. Мёдтор пырёма и Дереваннёйса вёвлём поп юрё.

Күтшом сійё революциялы паныд мунысь морт?! Мечтатель, выль олём виччысысь да дасьтысь, уджалысь йёзлён власът вёсна тойтысь-тёждысысь. Сійё од и РСФСР-са Сөветъяслён V съезд вылын делегатён вёлёма.

Нёбдинса Виттор висыталё пёшти дзоңынас Поповлысь олёмсö. Октябрьской революция медводдза лунъяссяныс по вуджис Сөвет власть дор да став ловнас сетчис уджалысь йёзлён отувъя моглы. Арлыд вылас видзёттог лун и вой уджаліс социальной да экономической олёмын быдсяматар вылас. Сыктывдин да вёлём уезды дзоңынас Д.Я.-ос по тёдо I крестьянской съездсиян (1918 во пуксигон), кор сійёс бёриисны уисполкомса членё. Сэксянъ и ээз дугдыв Сөвет власть лёссоңды дзик медбёръя кадбозыс. Сыктывдинса олысъяс аддэёны 1918 вося май 1 лунё медводзын, манифестация юрын мунысьён, тёв йылас, куш юра да, шавъялыш дзор юрсиа, киас «Да здравствует Советская власть!» гиҗёдён дёлалысь горд знамя да революционной сыланкывъяс сылысьён.

Вичкоись вач некутшом «церемониятог» эновтчомыс по, гиҗё Савин, кыпёдіс сылы паныд быдса поход, ысталісны петицияяс муртса ээз енәжса канцеляриябзыс. Но Д.Я. этша казявліс тайёс. Зэв ёна лыддысыём, озыр научной тёдёмлунъяса морт, сійё быдтор гёгёрвоис да вёлі збыльысь велёдьсъён аслас став сослуживец-ёртыслы.

Лёсяланайно содтод пасъям, мый Дмитрий Яковлевич вёлём кывсъё экономика медбура тёдьсис йёз лыддыс. Оз од весышшёро ло уездлён, а сэсся и губернялён совнархозын юралысъяс пын. Но сійё — гижись экономист. 1918 воас «Зырянская жизнь» газетын вевъялёма йёзодны ыджыд гиҗёд, коді шусь:

«Народное хозяйство Устьысольского уезда и пути его будущего развития. Экономические очерки». Петомаось очеркъясыс газетлён 37—42 номеръясын. Лыдпастясын подулалом экономической докладъясыс сылон по ээз отчыд тшёктывны шёр властьясёс видзодлыны миян Коми мулань. Весиг коми йёзсё автономияю торийдом йылысь сёрни сійё кыпёдліс 1918 вося мартаин на уездса Сөветъяслён медводдза съезд вылын. А бёрындзык кaitchis таыс, шулывліс: сэки, кор кыптіс революциялён бушков, ээз на вёв кад сёрнитны торийдчом йывсыыд; олём визулыс по ачыс вайёдас сэтшом кадас. Сідзи и лоис, сылон «кaitчом» бёрын толысъён-джыннийон мысти комияслён лои автономия. Күтшома на сійё озийис кыпёдчыс коми йёзлы уджыштны кёсиймён! Но висьомыс дорис вольпась дінас, көрталіс да гүё суюис мудз тёдлытём рёбётникёс.



Тёдіс уна, аддзис ылодз

Б.Н.Старовскийкёд
аддзысылёмъяс да сёрнияс

Матё комын во нин — стöчджыка кё, 1975 восянь — миан юркарса öти уличалы сетёма Старовскийлысь ним. Локтан вося майын, кор кутам пасыйны Великой Отечественной войнаын вермөмсянь квайтымын воа юбилей, тайё ыджыд нима коми морыслён чужёмсянь тыро сё во.

1962 воöдз В.Н.Старовский йылысь миан республикаын ёнасö эз тёдлыны, весиг ми воклы — журналистъяслы — нимыс сылон вёлі тёдтёмён. 1962 вося мартаын волыны СССР-са Верховной Совето (квайтёдьис чукортана) бöйысылёмъяс. Национальностьяс Совето Коми республикасию дас öти депутат пöвстын лои и Владимир Никонович Старовский, СССР-са Центральной Статистической Управлениеын юралысь. Бöйисны сийёс Печора округсиян.

Бöйысылём водзвылас В.Н.Старовский воліс республикаö, паныдасліс войтыркёд, кодъяс кутасны гёлосуйтны сы вёсна. Сувтліс и юркарö. И тані, Печать керкаын, февральса öти рыто аддзысліс журналистъяскёд. Ми сэн чукортчылім морт дас вит — газетъясын да радиоын уджалысьяс (телевидение Сыктывкарын эз на вёв). Вот сэки медводдзазысь и тёдмалім: Владимир Никонович Старовский — коми морт, чужлёма 1905 вося майын Помёсдин сиктын, мамыс да батьыс воломаёсь школаын велодысьясон.

1959 во пансигён — война бöрын медводдзазысь — муніс йёзös Ставсоюзса гижалём (перепись). Ми и юалім Владимир Никоновичлысь, кызды пасайис сийё асьсö.

— Пасий, мый бать-мам серти ме коми, а сёрнита да вöдитча роч кывиён. Комиён ме и оні гёгёрвоа, а сёрнитны ог нин куж: мунлі чужан мусысь дас кёкъямыс арёса зонмён, и волывлёмъяс сэсся эз вёвны. Эг вермы весиг волыны мам-батьёс мёдар югыдö колльёдны. Сэк öд Москваин Сыктывкарёдзыд лун-мёдён он вёлі во...

Бöйысылём водзвылас петісны В.Н.Старовский йылысь гижёдъяс. И ми тёдім нин, мый Усть-Сысольскысь (онія Сыктывкарысь) мунлёма Москваö 1923 воё. Велодчома университетын. Велодчигас на, 1925 восянь, босытчома уджавны СССР-са Центральной Статистической Управлениеын. Заводилёма статистиксиян, а дас вит во мысти, 1940 воё, пуктёмабыс ЦСУ-са



юралысыён. Буретш сійө воас жө Владимир Никонович дорийма диссертация да лобома экономической наукаясса докторён.

1948 воодз ЦСУ пырліс СССР-са Госплано, та вөсна В.Н.Старовский сійө воясас чин сертиыс оттшотш волі Госпланса Председатель ос вежысыён. 1948 восянь ЦСУ лои Министръяс Сөвет бердын, Союза министерствояскод өтвесьта тшу-пöдьын. Ассыыс уджсө нүöдöм кын-дзи, Владимир Никонович велöдöмä студентъясос Москва вузъясын, ветлывлома да лыддьома лекциияс весиг Харьков карса вузъясын. Нүöдöма ыджыд научной удж — сійөс лыддьылёмайс ста-

тистика юкёнын му шарываса медся нима учёнойяс лыдын.

Медводдза аддзысылгөн, мый йылысь ме гарышті нин, миянöс медся ёна кыскис Владимир Никоновичлөн Сталинкод аддзысылмъяс йылысь висьтасьом. И сійө нином эз дзеб, быд юалом вылö вочавидзліс зэв восьсөн.

— Корисны кыдзкө менё Сталин дорö, война помасьом борын регыд мысти. Юаліс: «Уна-о йөз воштім ми война дырый?» Татшом лыдпасъясыс воліны нин, и ме вочавидзи, мый СССР воштіс Великой Отечественной война кадо кызь сизим миллионын ундыхык мортос. Сталин видзёдліс ме вылö скора читкыртём синъясоң да грузинъяслань кыскан сёрниогнас крапкис-шуис: «Артасыны он куж! Ми воштім война вылын дас кык миллион мортос. Вежортін?!» Мем коли сомын вочавидзны: «Да, Сталин ёрт, вежорті: СССР воштіс мёд мирёвой война дырый дас кык миллион мортос...»

Татшом лыдпасыс «гуляйтіс» сесся во дас кымын, Хрущев кадодз. Сталин арталіс сомын Красной Армиялысь да Флотлысь воштөмъяссө (найо и збыль артависны дас кык миллион гёгөр морт), а мый наысь отдор страна воштіс дас вит миллион мирной ольсъёс, медводз ныvbабаяссо да челядьёс, Сталинёс, тыдало, эз ёна вörзьод...

...Серни миян сәкся аддзысылм дырый нюжаліс, некызд эз көсийессы янсöдчыны Владимир Никоновичкод. Оз ков вунёдны кадсө: волі 1962 вося февраль, во джын на коли КПСС XXII съездсиян, көні вынсыдісны (Н.С.Хрущев туйвизь серти) СССР-ын коммунизмлышасы материально-технической подув лөсьюдан кызь—комын во кежло арталом паськыд программа. И.В.Сталинлысь шойсө съезд мунігас на петкодісны Мавзолейлыш да гуалісны орччон, Кремль стен дорö. Ундыхык йозыс странын кылісны күтшомкө пытшкёсса кыпидлун. Збыль вылассо, гашкө, и эз ёна, но газетъяс, радио (ми вок зильёмён) олём серпассо петкодлісны кыпидён. Владимир Никонович, унатор тёдьысь да ылө водзö аддзысь, сюсө вежора морт, небыдика шуис миянлы, мый оз ков ёна ыкшаасыны да горзыны — страна водзö сувтодом могъясыс

пö вывтö ыджыдöсь, сьöкыдöсь, найöс арталöма кузь кадколаст кежлö. Кутöй пö тайöс тöд вылын...

Юалim москваса гöсчлëсь и татшöмтор: кыдзи сылы удайтчис мэздысыны Сталин культ кадся изки улö веськалöмысь? Юалim сы понда, мый кодkö, В.П.Шарков, буракö, кывлöма нин кысьkö: Старовский юр весьтö культ кадся нöшкыс öшйылöма жö.

— Да, вöлi,— вочавидзис Владимир Никонович.— Еврейясöс мыжалаң кадö. Арестуйтöмöдз эз во, но мыйkö дыра кежлö уджыссы отдортлïсны. Сэсся звöнитis горто Сталин да юалö, мыйла ме ог уджав? Тэнö пö эз на мэздывны удж вывсъыд... А сэсся кывсис ме пельбöдз: Сталин юалöма Поскрёбышевльс (вождьлён личной секретарыс) — Старовский ис пö еврей али абу? Мöдys вочавидзöма: «Абу, сiё коми?». «Коми?! Тайö нö кутшöм нин сэтшöм войтыр?...»

А Сталин öд тöдис коми йывсъыд. Медбörъя ссылкасö коллялïс Сольвычегодскын (Совдорын). Весиг олöма пö сэнi коми нывбaba ордын. Оз ков вунöдны и сiёс, мый медводдза советской правительствоын Сталин вöлi национальностьяс народной комиссарён. Буретш сiё кадас и лои лöсъёдöма Коми автономной область.

Дыр кыссис В.Н.Старовскийкöд сёрни сiё тöвся рытнас. Зэв унатор йылысь да восьсöн. Ми некыдз ог лэдзöй Владимир Никоновичс, кöть и тэрмасис рытъя самолётöн лэбзыны Москвao. Петим сэсся кöдзыд ывлаас, колльöдим машинаöдзыс. Быдёнкöд киасьёмён торийöдчис.

Сэксянь Старовскийлён нимыс республикаын лои вель тöдса. Сiёс нöшта на кыкыс (1966 да 1970 воясö), Печораса округсянь жö, бöрийлïсны СССР-са Верховной Советö депутатöн. Гёгёрвоана, бöрийсъёмъяс водзвылас бара волывлis республикаö, паныдасылiс да сёрнитлiс войтыркöд, кывзылiс да пасъявлiс нальс корöмъяссö...

1971 во. Августын тырё Комилы асшöрлун (автономия) сётомсянь нэм джын. Ме сэк уджалi телевидениеын. Режиссёр К.Ф.Горбуновакöд босытчим дасьтыны юбилейлы сиöм передача, медым петкöдлыны сiёс Центральной телевидение пыр страна пасьтала. Та боксянь миян вöлi нин кутшöмсюрö сям — (куим-öнёлlyсь петавлiм передачаясöн Москвасянь). Водзмёстчöмнымöс ошкисны. Босытчим уджö. И менам югнитis мёвп: ёна эськö лöсиялiс корлыны тайö передачаас пасъкыда нималысь коми мортöс. И пыр жö думыштлi В.Н.Старовский йылысь — союзнöй правительства шлен, депутат, академияса член-корреспондент. Клара Фадеевналы татшöм мёвпys кажитчис жö. Тöдмалi ЦСУ-са приёмнöйсь телефонсö да звöнитi. Мыёён висьтаси, кодi звöнитö, пыр и йитiсны В.Н.Старовскийкöд. Владимир Никонович миян корöмьсээ эз кут пыксыны: «Воанныд Москвao, звöнитöй. Паныдасям да сёрнитам...»

Москвao воёмён тшöтш йитчылi Владимир Никоновичкöд. А аскинас, öкмыс час асылын, вöлi нин сылён уджалан вежöсын. СССР-са ЦСУ-лы комынöд воясö кыпöдлöмайс сьöдгöрд кирпиçись ыджыд керка Киров улича вылын (öni бöр сетiсны важ нимсö — Мясницкöй). Юралыссын вежöсис вöлi мöд судтаас. Шöркодь арлыда нывбaba-секретарыслöн пыралöм да юörtöм бöрын öдзöс дорöдзыс волёмён киасис мекöд. Сэсся корлiс уджалан

вежёсас ассыыс кык вежысъёс. Ётиыс на пиысъ вёлі Л.М.Володарский, паськыда тёдса революционерлён ичтотджык вокыс, 1975 во ё сійё вежис В.Н.Старовский ёс ЦСУ-са юралысь чинын.

— Тёдмасъёй,— шыасис Владимир Никонович аслас вежысъяс дорö.— Сыктывкарысь воём журналист, Коми телевидениеён журнуёдысь Александр Степанович Петрунев. Чужан мусысъ нима ёртъяс пыравлёны ме ордö, а коми журналисткод аддзыся тайё вежёсас медводдзазысь на. Мыйкё дыра ми пукалыштам, сёрни-там. Удж могъясён пока эн шыасъёй...

Мем, дерт, эз вёв лёссыыд, кылі ачымёс мыжайонкодь: дöзмёдча татшом ыджыд чина, паськыда нималысь мортлы. Владимир Никонович казяліс, дерт, менсым шай-паймуномёс да шуис:

— Энё майшасъёй. Пуксям лёссыдджеңка да сёрнитам...

Личкыліс сэсся кутшомкё клнопкаё да шуис: «Виччысям тшай». Секретарыс пырысътём-пыр вайис крепыда заваритём тшай, кампет-печенньё. Пуксим ёта-мёдлы воча, и пансис кузь сёрни.

Телепередачаё гижсъём йылысь сёрнитчим ёдйё.

Водзё чеччиштлёмён висьтала, мый урчитём кадо Владимир Никонович воліс Шаболовка уличавывса телекентрё да гижис сэн видеоплёнка вылёт Коми йылысь висьтасъёмсө. Бара тёдчёдіс, мый ачыс сійё коми морт, и быдтор, мый вочсъё чужан муас, сылы абу веськодь, ставыс вёрзьбёдö съёлёмсө.

А сәкся сёрниыс миян бара пансис война кад йылысь казтылёмъясён.

— Эк, война, война!— шуис Владимир Никонович.— Кызь квайт во нин коли со помасъёмсянныс, а лёк колясъяссö кутам кывны во сё кымын на, ог кё дырджык.

Первойсö ме эг и вежёрт, мый сійё кёсайис тёдчёдны тайён. Гёгрвоис менсым шойёвошлёмёс да стöчмёдіс:

— Война дырии кисьтём каръяс, промышленной предприятиеяс ми бёр кыпöдім-ловзъёдім квайт-сизим воён, Сталин кувтöдз на. Видз-му овмёсён вёлі съокыдджеңк: войнайдзса тшу-пöддз воим дас вит-дас квайт во мысти. Ёна съоктöдісны кос вояс, торъя нин нелямын квайтöд востя жар гожём, кор унджык нянь муас вылысь босытны вёлі нинём. Но медся съокыд воштöмъясыс — йёз. Висьтасылі нин тіянлы, СССР воштіс война дырии кызь сизим миллионныс унджык мортёс, на лыдысь мато дас кык миллионныс армияын да флотын служитысьяс, а дас вит миллионныс — мирной йёз, унджыкыс нывбаба да челядь. И тайё абу на став воштöмыс. Война вылын доймаліс да лои вермитёмён дас кёкъямыс миллионныс унджык салдат да офицер. Со и вежёрттой сэсся, мыйта йёз воштіс СССР Великой Отечественной война кадо — нелямын вит миллионыс унджык олысъёс, дзоридзалан арлыда унджык войтырсё...

В.Н.Старовский ассыыс научной уджяссö сиис буретш СССР-са войтыръяссо да нальыс олёмсё пыдісян түялёмлы. Сійё бура тёдіс К.Жаковлыс да П.Сорокинлыс коми войтыр йылысь гижёдъяссö. Миян сәкся сёрниын тёдчёдіс жё, мый коми йёз важысъянь, нэмсё, кызыннас волёмаёс сөстома олысъ, писькёс вежёра, зиль да уджач йёзөн. А велöдчом боксянъ Питирим Сорокин пуктыліс по комиёс Россиянын олысъ войтыръяс лыдын коймёд тшу-пöдö — еврейяс да немечьяс бёрын. Ме сэк та йылысь

медводдзыны на и кылі — П.Сорокинлысь гижёдъяссö эз йёздлыны, архивъясын эг корсысыльы...

Сизимдасöд вояс пансигён мунис ыджыд удж, медым восьтыны Сыктывкарын университет. Владимир Никонович висъталіс, мый сылён уджалан вежёсö эз нин ётчыд волы З.В.Панев, коді сæk вölі Комиын Совминса юралысьös первой вежысьён. Сы кором серти, шуис Владимир Никонович, ме по зіля жö мыйсюробён отсыштын, мед университет восьтісны.

Кежыштла бокö. 2000 воо петаліс З.В.Паневлён «Вехи в пүти» («Туйвыв пасъяс») книга. Сэні Зосима Васильевич гижё, кутшом пай пуктылёма В.Н.Старовский Сыктывкарын университет восьтёмö. Донъявны вермытёмö! Союза да РСФСР-са медся чинаяслы висъталёма весиг, мый Коми юркарын университет восьтёмсö сетісны сылы, кыдзи депутатлы, бöйысысыяссянь наказ (!). Владимир Никонович тшöктöма тёдмавны и Москвайын олысь став коми учёнойсö. Окмёма — наукаясса дас сизим доктор да матö сё ветымын кандидат. Татшом лыдпасъясыс колыны по сы могысь, медым ыстысъны, мый выль университетö тырмымён сюрасны ыджыд квалификация профессоръяс да доцентъяс (збыль вылассö, кор 1972 воын университет Сыктывкарын востис, Москвайысь локтіс дзик ётнасöн Н.А.Фролов, коми поэт, математика наукаясса доктор, профессор. Мукöдыс абу вежомаёсь Москваса «шань олёмсö» Сыктывкар вылö).

Война дырий уна дас миллион мортёс воштёмсö, тёдчöдіс Владимир Никонович миян сёрниын, ми по кутам кывны этшапырысь сё во. Промышленностö да видз-му овмёстö, шуё, позьё öдйö ловзьöдны да кыпöдны, а ёзтö он бергöд. И воштим öд медся «дзоридзалаң» арлыда, том войтырсö. И колö, шуё, помнитны, мый медся уна воштёмыс уси славяна сёрниа войтыръяслы. Йёзöс гижалом (перепись) петкёдлö, мый öдйö содёны тюрк сёрниа войтыр, а славяналён содёмыс абу. Босытны кё финн-йёгра сёрниа этша лыда войтыръясöс, кытчö пырё и коми, налён лыдys оз сод, а чинö. И венны нальысь чинёмсö, шуё Владимир Никонович, лоё вывті сёкыд, гашкё, и позтём...

В.Н.Старовскийкёд кыкысь аддзысылём костын — матö дас во. Водзайыс лои Н.С.Хрущев кадö на, мёдыс — Л.И.Брежнев веськёдлігён. Тайё по Никита Сергеевич Хрущевлён вёт, фантазия. США оз сулав öти местаын, да и сы вылö став мирыс уджалö. Медся сёкыд могыс по миян сыын, кыдзи кыпöдны йёзлышы пытшкёсса культурасö. А та боксянъ ми кольччам Европаись да Америкаись сё, а то и кыкёс во. И артмис татшом кольччöмыс унатор понда. На лыдын и татаро-монгольяслён ыджыдалёмыс, и сiё, мый Россия, кыдзи государство, артмис ёна сё-рёнджык. Но медся ёна по тёдчис крепостничество. Крестьянаёс Россияын моз некён Европаын эз нартитлыны. Россияса крепостной крестьянинös, мужик кёть нывбаба, некор весиг нимнас эз шулыны. Барин шыасыліс на дорö ётмоза: «Эй!» Кутшом нö

пытшкёсса культура вермас лоны «Эй!»-ыслён?! Коми войтыр пё та боксянь воліны рочъяс серти ёна мездындыхык.

— Ас юр вывтыйд,— мёвпсö нуёдис водзö В.Н.Старовский,— некод на абу вермылёма чечыштны. А ми со лёсьёдчам. Но нинём таысь оз артмы. Висьтала тиянлы татшомтор. Ми ёна отсалым Монголиялы. Оти-кё, мездим монгольясös нартысь. Кыпöдим налы каръяс, предприятиеяс, туйяс нюжöдим, велöдчанинъяс восьталим, на лыдын и вузъяс. И шум сэсся став мир пастлаыс: «СССР отсöгён бörö кольём Монголия феодализмён медся улì тшупöдсянь воськовтис социализмö».

Да, кёнкё воськовтис. Ми аттьёалам монгольясös сысысь, мый война кадö ёна отсалисны Красной Армиялы яя сёянён, шоныд паськёмён да мукöдторийн. Но кодъяс сэтшом монгольясис? Скöt видзысьяс, скöt видзом кежысь и олисны нэмсö. Кочуйтисны. А онיא том монгольяс оз кёсайны ноксыны скöt видзомён. Ставныс лёсьёдчоны лоны либо учительён, либо инженерён, врачён да с.в. А монгольяслысь скötсö видзёны онi... миян салдатъяс. Пастукалёны Монголияны. Кутшом нё социализм тайё?

Күш велöдчом помсыыд мортлон культураыс, ассысö сөстомён кылёмыс оз сод. И ас юр вывтi чечыштём миян оз жё артмы. Пытшкёсса культураён миянлы зэв лоё сьёкыд вётёдны Европаёс. И ёдвакё вермана тайё...

Кузя кыссис Владимир Никоновичкёд сёрни. Тёждысьсысь секретарь-ань унаысь пыртлiс миянлы вылъысь заваритом пöсъ тшай да идравлiс кёдзалёмсö. Мем кыдзкё эськё эз вöв лёсьыд эта дыра манитны татшом нима мортсö, яндзим вöлi. Владимир Никонович казявлiс тайёс да шулiс: «Эн беспокоитчой, сёрнитам вöзö...» И сёрнитiм, матö куим час чöж.

Аддзысылыны В.Н.Старовскийкёд нöшта коркё мем эз нин удайтчыв. Нёль во мысти сылы тыри сизимдас. Ыджыд государственной, научной да педагогической уджсö пыдди пунктёмён В.Н.Старовскийлы сетисны сэк Социалистической Уджвыивса Герой ним. Сiйё, вöлём, сьёкыда нин висьё. Регыд мунис сэсся удж вывсыыс. И сiйё жё воас кувсис.

1958 воё В.Н.Старовскийёс бöрйисны СССР-са наукаяс Академияын член-корреспондентён. Владимир Никоновичсö нёльысь наградилсны Ленин орденён. Наградилсны сiдзжö Октябрьской Революции, Трудовой Горд Знамя да «Знак Почёта» орденъясён. Татшом нима мортыс коми войтыр пиысь петалис этша.

И паметтыыс сы йылысь мед некор оз чусмы.



Кузьпелев, Кузькоков, Шкалик да мукód

ВИСЬТ

Глафира Петровнаös вежысь воис жё бёръяпом. Таёдз, пенсия вылас петём борын нин, олёма ань вит во на велёдіс школын. «Уджалышт нёшта,— шулісны быд во помын,— министерство-сянь кёсийсъёны, ыстам по том мортёс».

И со, воис.

Выльлунö квайтöд класс кабинетö, быттьö важ тёдса либо гортас моз, пырис томиник ныв.

— Менö шуёны Ида Сергеевнаён,— висьтасис челядьёс видзёдласнас кытшовтöм борын.— Кута нүöдны коми кыв да литература, Глафира Петровнанытö вежа. Выль темаö талун ог босьтчой. Кёсъя тёдмавны, кыдзи важыс юраныд пуксис. Со, танi пасёйма,— видзёдліс журнало,— кывбур сетlöмаёс велёдны. Коля Кузьпелев,— кисё нюжёдліс мёд парта сайын пукалысь детинкалань.

Челядь шемёса видзёдлісны ёта-мёд выланыс: кытысь сийö тёдö Коляёс, медводдзысь на кё пырис классаныс? Коля и ачыс шёйбвоши, но дышиника сувтiс жё парта сайсыс.

— Сідз, сідз. Пельяс серти менам овой, Ида... Сергеевна. Ылысь и бура кыла. А кывбуртö ме ог куж лыддыны, нёйза-велёда, но некыдз ог велав. Аслам кыйвён висьтала кё-а. Семёыс сэнi гётрасьö Öгрö Марпа вылö, а пызан сайын пукалысьяс вина-сур юёны. Со и ставыс.

— Кывбуртö, Коля, кыдзи гижёма, сідзи и колё лыддыны... Кыйвыйс кыйвйö, сорласьтöг. Вай, инё, Витя Кузькоковоös кывзам,— велёдзысь видзёдліс шёр радлань, но сувтiс ёшинь дорын пукалысь зон, классын медкузыыс. Одва тай и мынтöдiс кокъяссö парта костысь-а.

— Тэ, Витя, он ас местаад пукав,— велёдзысь читкыртлiс синъяссö.

— Книгаös вунёдсъёма, Ида Сергеевна. А тайö кывбурсö зэв нин важён тшёктылісны велёдны, да, мися, оз нин и кутны юасьны. Колёкё, ме сёронджык висьтала.

— Но... Кодi, сідзкё, ас кёсиймнас?— велёдзысь бара кытшовтiс видзёдласнас челядьёс, казялiс кисё чургöдзысь нывкаös.

— Да, Катя Сорокина.

«Этiйö катшашыс, ставсö тёдysыыс. Ме по и эм, ассысö петкёдлö»,— броткыштiс учительлы кывмён Коля Кузьпелев.

Катя Сорокина сувтіс збодера, юрсö чатörtöмён күтіс сярғыны: «Виктор Савин. «Семö ордын». Тутуруту Семö сайö, Ёгрö Марпа верёс сайö, майбыр, мунö. Пызан гöгöр дона гöсътьяс, ставныс кодöсө вина-сурён. Педёр йöктö увлань юрён, гажыс мунис вой шöр гöгöр...»

— Катя, тэ нö мый?— Сорокинаös öлöдіс том велöдьысь,— кывбурсыыс торъя лестукъяс мöдін висъставлыны. Гижысыыс кöловъя вölі да ачыс кö кызвіс, яналіс эсъко.

— Ланьтін кöть, ставсо öтлаö гудралін,— гöлöсис вölі Витя Кузькоковлён.— Татшом здукъясо, Ида Сергеевна, миянös Шкалил пыр мездывлö. Сийös кöть узянінсыыс садымöд да юав, ставсо лючки висъталас.

— Шкалик? Мыйся ним-ов, сэтшöмыс журналын абу да?

— Костя Кузьбожевös сізди нимтöны,— стöчмöдіс Сорокина.

Бöръя парта сайсянъ юрнаас довкнитіс öтнас пукалысь зонка,— со по ме кöні, Шкаликыс.

Тайö нимыс детинкалы неважён на кöвъясис, и дзик виччысьстöг. Мукöддýрий весиг велöдьысьяс торксясны да Шкаликон чу-костлоны.

Ыджыд перемена дырыйи Кузьпелев нуöдчис Кузьбожевös нуръясыыштын (гортыс матын школасянь), а мöдис шуö, меным по мамö быд лун нянь да шкалик-бутылкäö кöза йöв пунктö. Костя школаас ылі грэздяни волывлö, а школын столöвой абу, оз вердны. Сэксянь и кöвъясис «Шкалик» нимыс, но Костя оз дöзмы.

Ида Сергеевна видзöдліс журналын Кузьбожевлысь оценка-яссö.

«Мыйла нö, либö, «трияс», ставсо кö тöдö?»— думыштис ас кежас, а кывмён шуис:— Но, Костя, мезды миянös.

Дöска дорö петтöдз Костя Кузьбожевлы колö бура дыр «lö-сöдчыны». Мыйыс сöмын абу партаас, пидзöсъяс вылас и: кöрт-торъяс, сутуга помъяс... Урок вылас Костялён пельясыс кыв-зöны, синмыс парта улас, а киясыс мыйкö ассыныс вöчöны. Ве-лöдьысьяс аддзöны: ноксö-мошкоритчö зонмыс ас кежас, а юалас-ны — тöдö. Кывлöм-лыддьомыс юрас топыда, дыр кежлö пуксö.

Öтчыд, математика урок вылын, Сорокина посявтöдзыс ар-тасис дöска дорын, помö-дорö некыдз эз во. Сэки велöдьысь чу-костис Костяös,— аддзис öд, зонка мыйёнкö мöдторйön ноксö. Эз шöйбöш... Тыдалö, син поўсö коркö чöвтлöма дöскалань:

— Скобкаяс восьтöм бöрас чинтан знак колö пуктыны, а Катялён знаксö абу вежöма. Со и став помкаыс, а лыдпасыс помас дзик мöд артмö. Петавла?

— Ачыс вöчас!— стрöгджыка шыасис велöдьысь, видзöдліс сылён тетрадьö.— Аслад гортса уджыд вöчтöм!

— Гижнысö эг удит, а ас кежись решитi. Юрын кута лыд-пасъяссö. Гортса уджыс онi менам юр выв тыр. Мамö кык пыдди уджалö, вой кежлас сöмын и волö гортö. Гортын меным лоö став-со вöчны-бергöдны. Петала дöска дорас, мöд примерсö здукöн решита.

— Петав, видзöдлам!..

Костя тэрмасытöг петис, мелийön тутш-тотш, тутш-тотш, и збы-льысь — здукöн решитiс примерсö.

— Пуксыы, Костя. Бур! Журналын со «трияс», а «пять» вылёрман велёдчыны. Гортса уджъястö кё, дерт, лючки кутан вöчны тшётш.

— Гёгёрвоа, но некор,— веськодьпрысь вочавидзис Костя.— Велёдлёмасö ставсö помнита, а мый сэсся нöшта колö...

Ида Сергеевна кык тöлысъ нин уджалö школаын, класснойён нöшта лои квайтöд классын. Уна велёдчысь ордö гортас ветлïс, тöдмасис бать-мамныскöд, юасис нальсъ, кыдзи да кор быдтасныс гортса уджсö вöчö, кор водö-чеччö? Но Костя Кузьбожев ордö, Чойпом грездö, эз на волы.

Оти рытö мунис сикт помёдз, а вель ылын нöшта керкаяс тыдалёны. Школасянь грездöдзыс верст нёль. Ичотик нывка сэсся индис Кузьбожевъяслыс керкасö.

Кильчö помас увтчомён паныдалис ичотик пон. Ида Сергеевна гольбодыштис кильчö öдзёс кольчанас — керкассыс некод эз пет, но öдзёсис игантöм. Пырис. Костя, вöлüm, пыдï жыръяс: дöромтöм, кöмтöм, гач кокъяссö пуджомён джодж мысыкё.

Зонка падмыштис: видзöдö воясъ вылёр, ва визувтö вет्यök помсыыс.

— Эг öд и кывлы пырёмнытö. Пёрччысöй, пуксöй, дзик пыр помала,— аддзысис жö сэсся.— Тайё менам бöръя гортса удж. Скöt справитöма, пес-ва вайёма, мамö воигкежлö сёян коли шонтыштны...

— Зэв тай ылын тiянöдз, локтi да локтi...— пёрччысигмоз висьтасис велёдьись.

— Школаöдз нёль верст. Муртавлi — буретш квайт сюрс воськов.

— Мамыд сёёрдз уджалö? Отнад тай...

— Öni кык пыдди уджалö, Матрен тьёт висьмёма. Куканъяс дорын сiйö. Ме быд лун жö ветла сэтчö кöрым разöдны да куйöд петкöдны. Талун тай эг мун,— детинка видзöдлiс выльён мыськём джодж вылас.

— Пызан выв тырыд кутшöмкö кöртторъяс, проводъяс? Конi нö урокъястö вöчан?

— Со, мёд пызан эсiйö пельёсас. А кöрт-сугуугыс? Гожёмнас куканъясös бара кута видзны... Радиоприёмник вöча, батарейка вылын уджалысъ лоö. Книга лыддышишта, радио кызвышта — лунъясыс тöдлыйтöг мёдасны кольны... Мам видз вылын, совхозлы кöрым дасьтö, а куканъясös йирöдны — менам мог.

— Мыйён нö кöсъян лоны, школатö помалан да? Водзö кöсъян велёдчыны?

— Былын на сэтчöдз, уна ва визувтас... А сiдзсö, сьёлёмсянъ кё, быд удж ас местаас колана... Чайник пуис, Ида Сергеевна, коза йöв эм и.

— Кёзатö, гашкö, ачыд жö лысъстан? Мамыд, шуан, сёрён локтö да, дерт, ёна мудзö?

— Кор кодi... Но тшöкыддыхыка ме.

— Чай стöкантö юа, Костя, да сэсся и мёдёдчыны колö, пемда туяс. Мамыд тай эз лок-а? Эг аддзысълой...

— Мыйкö мог вöлi? Ме кывийсъ кывийö висьтала. Отa-мёдьись немтор ог дзебой.

— Нинём. Видзёдлі тай, кыдз, мися, оланныйд. Аттьё чайсыыд. Мёдёдчыла сэсся.

— Амуркод колльёдыштам,— съёлём сетіс зонка да кокныди-ка кышасис.— Куимнад век нин гажаджык, көтү эськө ни кё-инъяс, ни лёк йоз таті оз ветлодчыны. А мамё...

— Мед оз майшась,— нюмдіс зонкалы Ида Сергеевна.— Аддза, ставыс тіян бур.

Уна быдторсо на сёрнитісны найё... Нёль верст, квайт сюрс воськов. И кадыс эм, и съёломуыс Ида Сергеевналён места вылө воис — классыс став челядьсö лои видлöма. И уджыс артмö. Сийё оні — велöдьсъ!



Коми литературын кадпасъяс*

Ӧшым тёлысь — декабрь

Дзирдалёны Енэж Кёшын
Эзысь кодзувъяса сюръяс.
Кучкё стенё пашляк-Ӧшым,
Потё кёдзыдсыс пу сюръя.
Пёртмасьёвой Ӧшкамёшка:
Визя-визя, лёза-гёрда.
Ӧшым-пашляк кучкё нёшта,
Пасъкыд енэжас оз тёр да.
Ӧшым дурё, Ӧшым ворсö,
Сылы ывла вылын воля...
Ӧні, челядь, татшёмторсö
Ставён шуам ми Вой Польён.

Юрий Васютов.

- 1 — прозаик Вячеслав Третьяковлён паметь лун (1938—1988).
1 — кывбуръяс гижысь Мария Игушевалён чужан лун (1950).
2 — чужис роч прозаик Юрий Коврижных (1924—2004).
5 — поэт Яг зон—Николай Игнатовлён чужан лун (1900—1941).
6 — Жугыль—Николай Поповлён чужан лун (1901—1971).
6 — поэт да прозаик Кон Ольён—Александр Куликовлён чужан лун (1907—1967).
7 — чужис роч публицист, краевед Владимир Силин (1961).
8 — куліс Лев Смоленцев (1926—2004).
10 — вуджёдчысь, фольклор чукортысь, гижысь, учительница Феоктиста Забоевалён чужан лун (1850—1943).
10 — поэт Алексей Тимушевлён паметь лун (1935—1975).
11 — поэт Михаил Худяковлён чужан лун (1922—1993).
12 — роч очеркист, «Грамматика зырянского языка» да коми-роч, роч-коми кывёктёд вёчысь, профессор Павел Савваитовлён паметь лун (1815—1895).
12 — куліс Альберт Егорович Ванеев (1933—2001).
13 — Шыладорса Миш—М.Доронинлён паметь лун (1902—1939).
13 — прозаик, Кулёмдінын «Эжва» литкружок лёсьёдьсь, журналист Николай Пунеговлён чужан лун (1919—1985).
14 — публицист да поэт Сандрик Микол—Н.Шаховлён чужан лун (1898—1942).
14 — поэт-фронтёвик Николай Самаринлён паметь лун (1923—1944).
16 — чужис роч поэт Андрей Шабанов (1955).
18 — чужис роч публицист-краевед Анатолий Попов (1941).
18 — чужис рочён гижысь поэт Владимир Пономарёв (1966).

* Заводитчо 6, 7, 8, 9, 10, 11 номеръясын.

- 19 — чужис поэтесса Александра Мишарина (1946).
21 — поэт, радиожурналист Анатолий Изьюровлён паметь лун (1932—1966).
21 — прозаик Пик Артеевлён паметь лун (1937—1987).
21 — чужис роч поэт Александр Журавлёв (1938).
25 — чужис Александр Рекемчук (1927).
25 — чужис кывбур гижысь Ганна Попова (1965).
26 — чужис Владимир Безносиков (1927).
27 — Илля Вась—В.Лыткинлён чужан лун (1895—1981).
27 — прозаик да поэт Степан Фёдорович Тимушевлён чужан лун (1919—1986).
27 — чужис роч прозаик-натуралист Кирилл Седых (1926).
27 — куліс роч поэт, скульптор Вениамин Смирнов (1937—1996).
28 — поэт да журналист Вань Модь—Модест Ильчуковлён чужан лун (1911—1942).
28 — Александр Лыюровлён паметь лун (1923—1990).
29 — чужис прозаик да поэт Евгений Уляшев (1927).
29 — чужис прозаик Василий Торопов (1929).

* * *

1 (1923) — Народнёй образование практической институтын медводдзайс ворсомаёссь Нёбдінса Витторлыс «Вабергач» пьеса.

5 (1920) — «З.Д.Следников и К°» скропечатня-типография заводитома уджавны кыдзи кооперативной предприятие. Вайомны Петроградын вочёдём-кисьтом коми шрифт, и босьтчомаёссь 1920-ёд во помсянь лэдзыны коми школын велёдчан книгаяс. Рабочойясыс абу сетомаёссь вётлыны вёвлём көзянисё, Зосима Следниковёс. Сийё и коляс директорнас (1924 воёдз).

6 (1918) — Коми комиссия шуис: 1) медводдза ступеня коми школын воддза кык восё оз позь велёдны чужан кывыйсь отдор мёд кыв вылын; 2) коймёд классянь да школа помёдз роч кыв велёдны кыдзи торъя предмет, но оз позь вочны сийёс мукёд предмет велёдан кывыйн.

Сыктывдін уездса Совет исполком вынсьёдіс тайё шуёмсё.

6 (1920) — Сыктывдін карын восьтёма Коми книга лэдзанін, коді шусис РСФСР-са Наркомпросысь нацмен отделлон юкёдулон (подотделон).

7—8 (1988) — Коми АССР-са гижысьяслён кёкъямисёд съезд.

7—13 (1958) — РСФСР-са гижысьяслён медводдза съезд. Комиысь ветлісны С.Попов, А.Рекемчук, Я.Рочев, Г.Торлопов да Г.Фёдоров.

8 (1993) — Коми Республикаса гижысьяслён ёкмысёд съезд.

9 (1964) — Коми АССР-са гижысьяслён коймёд съезд.

9—14 (1985) — РСФСР-са гижысьяслён квайтёд съезд. Комиысь ветлісны Ю.Басютов, Н.Мирошниченко, П.Столповский, И.Торопов, П.Шахов да Г.Юшков.

10—14 (1990) — РСФСР-са гижысьяслён сизимёд съезд. Комиысь делегатъясон ветлісны В.Кушманов, В.Лодыгин, Б.Шахов да Г.Юшков, гостъясон — Ю.Ионов, А.Микушев, Н.Мирошниченко, Е.Рочев, В.Тимин да И.Торопов.

- 11 (1955)** — «Заполярье» газет бердын ётувтчис Воркутаса гижись котыр.
- 11 (1990)** — Коми АССР-са гижисъяслён сизимёд съезд.
- 11—20 (1981)** — Москвайын Коми АССР-са литература да ис-кусство лунъяс.
- 13—14 (1968)** — Коми АССР-са гижисъяслён нёльёд съезд.
- 13 (1973)** — Коми АССР-са гижисъяслён витёд съезд.
- 9—12 (1980)** — РСФСР-са гижисъяслён витёд съезд. Комиысь ветлісны А.Ванеев, И.Торопов, Г.Юшков.
- 15—26 (1954)** — Москваоб гижисъяслён ставсоюзса мёд съезд вылёр делегатъясон ветлісны Яков Рочев да Геннадий Фёдоров, сёвещательной гёлосон — Серафим Попов.
- 15—18 (1975)** — РСФСР-са гижисъяслён нёльёд съезд. Ко-миысь ветлісны В.Леканов, С.Раевский, И.Торопов да П.Шахов.
- 18—19 (1992)** — Коми Республикаын воліны Коми-Пермяк автономной округлон культура лунъяс. Волісны тшотш пермяк гижисъяс, волі налысь литература петкёдлан выставка.
- 19 (1989)** — Геннадий Фёдоровлы сетёма Трудёвой Горд Зна-мя орден.
- 19 (1994)** — Хельсинкиын кырымалёма Финляндияса да Ко-ми Республикаса гижись котыръяслён ётувъя удж ийлысь сёр-нитчом. Ветлісны сэтчо Елена Козлова, Владимир Тимин да Пётр Шахов.
- 20 (1984)** — РСФСР-са Министръяслён Сöвет сетіс Иван То-роповлы РСФСР-лысъ М.Горький нима Государственной премия.
- 20 (1995)** — Иван Тороповлы сетёма «Коми Республикаса народной гижись» ним.
- 22 (1928)** — медводдзысь петкёдлёма Нёбдинса Витторлысь «Кулёмдинса бунт» исторической драма.
- 22 (1970)** — Помёсдинса шёр школалы сетёма В.Т.Чисталёв-лысь ним.
- 24 (1987)** — Владимир Безносиковлы сетёма «Коми АССР-са культураын заслуженой уджалысь» ним.
- 26 (1975)** — Илля Вась—В.Лыткинлы сетёма «Народъяслён дружба» орден.
- 29 (1977)** — Коми АССР-са правительство сетіс республика-лысь И.А.Куратов нима Государственной премия (1976 да 1977 воясся) Иван Изъюровлы да Пётр Шаховлы.

Тайё тёлысяс:

- 1904** воё — медводдзысь йёзёдёма М.Лебедевлысь «Атаман Суханов» зырянской предание.
- 1910** воё — «Храбрый денщик» висът.
- 1911** воё — «На святках» висът.
- 1912** воё — «Грозный хан» повесът — ставсö «Досуг и дело» журналын.
- 1920** воё — петис советской кадё медводдза коми книга — В.А.Молодцовлон «Лыддысыны велёдчан».

* * *

Коми литературалон кадпашъяс ѹоздом во джын, лёддза-номъя тёлышсысянь ѿшымёдз. Олём мунё водзёй, вежсьё, сюралёны на и выль пасъяс. Коді ёна видзёдё татшом календарь-хроника борся-ыс, вўзъям содтыны кольём тёлышся пасъяс лыдас со мый.

Лёддза-номъя:

9 — драматург, актёр Иван Потолицынлон паметь лун (1913—1978).

30 — куліс коми литература туялысь Степан Югов (1958—2004).

12 (2004) — сетёма «Дружба» орден Иван Тороповлы.

Сора:

5 — чужис роч поэт да прозаик, критик, геолог Алексей Иевлев (1960).

19 (2004) — сетёма Коми Республикаса Государственной премия «Древо» кывбур чукёрысь Андрей Растрогуевлы, роч поэтлы.

19 (2004) — сетёма Коми Республикаса Государственной премия художник Аркадий Мошевлы боръя воясса графической уджъясысь, книгаяс серпасаломысь.

19 (2004) — «Русско-коми словарь» дасътомысь коми кыв туялысьяс Люция Безносиковалы, Надежда Забоевалы да Раиса Косныревалы сетёма Коми Республикаласы Питирим Сорокин нима премия.

Кёч:

11 — куліс поэт да прозаик, Коми география нимъяс туялысь Анатолий Афанасьев (1935—2004).

Дасътіс Геннадий Беляев.

❖ ❖ ❖

Йөзбөдөма «Войвыв кодзув» журналын 2004 волын

Повесъяс, висъяс, пьесаяс, кывбуръяс

- БАДРЕТДИНОВ У. Кык висът. 2.
ВАСЮТОВ Ю. Здукъяс. Кывбуръяс. 4. Дженышдик висъяс. 7. Гожём котортё. Кывбуръяс. 11.
ВОЛОДАРСКИЙ Н. Ньёти пемыдысь ог пов. Кывбур. 12.
ВЬЮХИН В. Ен кё сетас. Аддзысылытёдз. Аскиа лун. Изки. Югыд борд. Вёрын. Чужанінын. Кывбуръяс. 6. Ми тулыс виччысям. Кывбуръяс. 12.
ГОНЕВ Н. Петырлён бёръя вёралём. Висът. 6. Медводдза лым. Висът. 9.
ДАНИЛОВА И. Кодзув. 12.
ДЁМИНА Н. Олём пос. Шуд. Кывбуръяс. 10.
ДОРОНИН П. Шестопаловлён фокусъяс. Висът. 2.
ЕЛФИМОВА А. Виччысъём. Кывбуръяс. 3. Кывбуръяс. 12.
ЕЛЬКИН М. Сентябрь. Кывбуръяс. 3.
ЖУРАВЛЁВ С. Сыд гыяса Печора вылын. Повесът. 8.
ЗАРНИ ЛЮСЯ. Кывбуръяс. 10.
ИГНАТОВА Ю. Вёр-ва. Кывбур. 10.
КАКАЕВ Р. Тшак вотём. Висът. 10.
КИВИККАКО Э. Ноктюрн. Кывбур. 12.
КОЗЛОВА А. (важсё мойдчысъ). Цар Бурмислав. Мойд. 10.
КОЗЛОВА Е. Рытъя кыаёй менам... Письмёяса повесът. 2.
КУПРИН А. Куим висът. 1.
КУРАТОВ И. «Восьса ёшинь дорын пукалі...». Йёргалы. Бур морт уна бур йöz пытшкысъ. Шонді йылысъ. «Со кыдз сийёс тёда ме...». Рыт. Гуговлён. И.А.КУРАТОВЛЫ — 165. Кывбуръяс. 7.
КУРАТОВА Н. Гажа асыв. Кык петкёдчома теш. 1. Менам дона сикётш-ожерельеёй. Казтылана повесът. 3; 4; 5; 6; 7; 8; 9; 10.
ЛИПИН П. Улльё тшак. Висът. 7.
ЛОДЫГИН В. Видза олан, съёлёмшёр. Кывбуръяс. 2. Сизим пыссян кост. Кывбуръяс. 5. Габё вуж. Кывбуръяс. 9.
МАЛЬЦЕВА А. Ичётик пыстаён ачымёс кыла. Кывбуръяс. 5.
МИШАРИНА А. Он и тёдлы, воас гожём. Лёз вольк вывті. «Куим пу косто...». Эн дивит, мамё. Ас доддёй сёлі. Откалун. Кывбуръяс. 1. Видза колян, чужанін! 12.
НАПАЛКОВ В. Утка туй. Роман. 12.
НЕФЁДОВА Ю. Муса мамой, дона аньой... Кывбур. 2.
НОГИЕВ И. Дженышдик висъяс. 1.
ОБРЕЗКОВА Н. Доялло съёлёмой, доялло... Кывбуръяс. 10.
ПАВЛОВА Н. Кылан-ё? Кывбуръяс. 8.
ПАНЮКОВ А. Степан Иван, олём олысъ. Серамбана висъяс. 11.

-
- ПАРШУКОВА А. «Тёдан тайёс...». «Мыйла, кор ме аддза тэнё...». Кывбуръяс. 2.
- ПАРШУКОВА Н. Вёрё вошлём. Висът. 10.
- ПОПОВ А. Шань Олыся. Повесът. 3; 4; 5; 6. Мывкыд Парма. Кык юкёна драма. 11.
- ПРОШЕВА З. Туй. Висът. 5.
- РУБЦОВ Н. Важиник вёр керка дорын. Кывбур. 12.
- САЖИН В. Кык висът. 1.
- СТАРЦЕВА А. «Менам дёрём...». «Мусаёй...». «Кыдзи черань аслас везийн...». Кывбуръяс. 2.
- ТИМИН В. Выль кывбуръяс. 8.
- ТИМУШЕВ Э. Кык висът. 4. Кык висът. 8.
- ТОРОПОВ В. Вёрса бипур дорын. Кывбуръяс. 8. Кузьпелев, Кузькохов, Шкалик да мукёд. Висът. 12.
- ТУРКИН К. Том вёралысьяс. Висът. 10.
- ТЮРНИН А. Водзёс. Вёвлёмтор. 2.
- УЛЯШЕВ О. Туйвыв аддзысыём. Кымёра асыв. Вужъяс. Туй чышкысь. «Олём-вылём!..». Кывбуръяс. 6.
- ФРОЛОВ Н. Ме бара вои чужан мюё. Кывбуръяс. 4.
- ХОЛОПОВА Е. Сиктса олёмись кык серпас. Висът. 9.
- ШАХОВА Т. Олём вын. Кывбуръяс. 9.
- ШЕБЫРЕВА А. Наберушка. Кывбур. 10.
- ЩАНОВ А. Оласногсö ладмёдис «мути». Серамбана висът. 8.
- ЩЕРБАКОВ Ф. Енэж кодь лёз синъяса. Кор ми аддзысылам тэкёд. Печорской тетрадысь. Кывбуръяс. 3.
- ЩУКИН Н. Анделтьяс да мутияс. Онія мойд. 1. Менам сёй-ломлы дона нимъяс. Кывбуръяс. 7.
- ЮШКОВ Г. Коми кывийн лолёй пёт. Кывбуръяс. 1. Выль кывбуръяс. 4. Коми мулён майбыраной. Кывбуръяс. 7. Видзны коми вирсö. Кывбуръяс. 11.

Публицистика

- БАЖУКОВА А. «Спектаксö шуёма комедияён...». Видзёдлас. 3. «Ар — гётрасян кад» спектакль бёрын мёвпъяс. Донъя-лоны челядь. 8.
- БЕЛЯЕВ Г. Коми литературын кадпасъяс. Справочник. 6; 7; 8; 9; 10; 11; 12.
- БЕЛЯЕВ Г. «Ыджыд сёйлёмсö ме водзын восьтö». 1. «Кор и сёйкыд шогыс суас, пыр на лоас олём муса!» 7. Тёдчана ўёзыд уездад тай волёма. 11. Кутшомён збыль вылас вёлёма. 12. Г.В.БЕЛЯЕВЛЫ — 65. 12.
- ВАНЕЕВА И. Ыджыд таланта гижысь. 9.
- ГАБОВА Е. Жугыль пёль. Н.П.ПОПОВЛЫ (Жугыльлы) — 100. 1.
- ГАНОВА Е. Кутчысь, Эжва Перымса зонка. 8.
- ДОРОНИН П. Учительница Ф.И.Забоевалён казтылёмъясысь. 7.
- ЖАКОВ К. Лимитизм. Тёданбур, мёвпаланбур... 2.
- ИГНАТОВ И. Мыждылісны... мыжтёг. 10.
- ИЗЬЮРОВ И. Коми гижысь Павел Доронин. П.Г.ДОРОНИЛЫ — 100. 2.

-
- КАЗАКОВА А. «Троя кадё», либо мойд, коді некор оз ло. Видзёдлас. 8.
- КАЛИНИН Н. Удораса — фронт вылын да тылын. 6. Тані чужёны шахтёръяс. 10.
- КУДРЯШОВА В. Важ ўёз олёмысь. 9. Йёзкостса мойд. Водзкыв. 10.
- ЛАТЫШЕВА В. Э. Тимушевлён «Видзёдлас». 1. Радейтчана вын. 5. И. Куратовлён радейтчана лирика. 7. Донъялёны челядь. 8. Илля Вась лирикаын чужан му. 9.
- ЛОГИНОВА Т. Лекановлён «Ар — гётрасян кад» спектакль вылё рецензия. Донъялёны челядь. 8.
- НАПАЛКОВ В. «Поклон Додзсянь!..». 1.
- НЕСТЕРОВА Ж. «Гёрдтёгыд и пьесаыс абу». Донъялёны челядь. 8.
- НЕСТЕРОВА С. «Ар — гётрасян кад» спектакль бёрын мёвпъяс. Донъялёны челядь. 8.
- НЕФЁДОВА Ю. Видза олан, «Войыв кодзув»! 2.
- ПАНЮКОВ А. Немдінса кёлышь. 3.
- ПАШКИН О. «Ар — гётрасян кад» спектакль бёрын мёвпъяс. Донъялёны челядь. 8.
- ПАРШУКОВ В. «Чукостіс» садымём Везувий». 2.
- ПЕТРУНЕВ А. Тёдіс уна, аддзис ылёдз. 12.
- ПЛЕХОВ А. Мыйла сіё татшом? Видзёдлас. 3. «Спектакльыс оз чужты выль мёви». Донъялёны челядь. 8.
- ПОПОВ А. Олёмтö он сувтöд. 3.
- ПОПОВ В. Асыным сетчам дзескёднысö. 2.
- ПОПОВ Вл. Мыйла сіё татшом? Видзёдлас. 3.
- РАСОВА Д. Мыйла сіё татшом? Видзёдлас. 3.
- РАССЫХАЕВ А. Суомын Рёштво да Выль во пасйом. 1.
- СЕЛЬКОВ П. Чуклёмса кулакалём крестьяна. 3.
- СУВОРОВ А. Сюрös. 11.
- ТАРАБУКИН И. Мыйла сіё татшом? Видзёдлас. 3.
- ТИМИН В. Мед век юргис коми кыв. 5.
- УЛЬЯНОВ А. Олам да майшасям... майшасям, но олам. 4.
- Регыд ёд бара выль во. 12.
- ФИЛИППОВ Г. Изъва нималё кёръясён. 7.
- ХОЛОПОВА Л. Мыйла сіё татшом? Видзёдлас. 3.
- ЦЫПАНОВ Е. Комиссия лёсьёдё кыввор. 2. Сыктыв горыс кылё гора. 7.
- ШОМЫСОВ В. Енби. 4.

Сыланкывъяс.

- ГОРЧАКОВ Г. Дзордзав, Коми мёй! 8.
- НЕКРАСОВ А. (Гамса)., КОЗЛОВ И. Выль вося козин. 12.
- ЮШКОВ Г., ГОРЧАКОВ Г. Тъёщаыд по кёдзыд мам. 2.



Выль вося козин

Кывъясыс Александр Некрасовлён (Гамса).

Сыланногыс Иван Козловлён.

Съёлёмсянъ

1. Ö - шинъ
сте - клё - ё ми - ча дзо - ридзъ - яс кё - дзыд
ля - кё - ма ба - ра со. Мый по мёв- пыш- тан
Выль во водз- вы- лын, си - юёс збыль-мё-дас лок - тысь во.

Öшинъ стеклёо мича дзоридзъяс
Кöдзыд ляскёма бара со.
Мый по мёвпыштан Выль во водзвылын, } 2-ысь
Сийёс збыльмёдас локтысь во.

Сиа ныв-пилы: шуд мед нюмъялас
Налён съёлымын лунысь-лун.
Лёксё бур ѹёзлы коді туналё, } 2-ысь
Сылон пемдас мед олом-ун.

Медым томъяслён муслун дзордзалаас,
Лоас мичаник сыланкыв.
Коді туйынось, налы воча мед } 2-ысь
Бурыс мычылас бордъя сыв.

Öшинъ стеклёо мича дзоридзъяс
Кöдзыд ляскёма бара со.
Мый по мёвпыштан Выль во водзвылын, } 2-ысь
Сийёс збыльмёдас локтысь во.

ПЫДДИ ПУКТАНА АВТОРЪЯС!

Редакцияю гижёдъянытö ыстїгён бытть колё юртны:

1. Ассыныд ним, вич, ов; кор да кёні чужжомыд (лун, толысь, во).
2. Паспорт юртъя: номер, серия, кор да кёні сетисны, гортса адрес (прописка серти).
3. Индивидуальной налоговой номер — ИНН (кодён эм).
4. Страховой свидетельство номер.

Тайёс юрттöг редакция гонорар оз вешты.

*Журналын йёздёттöм гижёдъяс
редакция оз рецензирует и авторыслы найёс оз мёддöд.
Редакция оз век во ёти кывйö авторъяскöд.*

Комп. набор и верстка **Н.Кузнецова.** Корректор **Н.Габова.**

Адрес редакции: 167982. ГСП-2, г. Сыктывкар, Дом печати, каб. 26.

Телефоны редакции: 24-47-52 (глав. редактор), 24-51-52 (общ. отд./факс).

E-mail: nordstar@kominet.ru Некоторые материалы размещаются также по адресу www.komi.com

Подписано к печати 10.12.2004. Формат 70x108^{1/16}. Печать офсетная. Усл. печ. л. 7; усл. кр.-отт. 8,4; учетно-изд. л. 7,54. Тираж 925 Заказ № . Регистр. ПИ № 3-6843.

КОГУП «Кировская областная типография», 610000, г. Киров, проезд Динамо, 4.